

藏園群書題記

第四集

書潛自署



藏園書題記第四集目錄

宋本周易要義跋	二二一—二二四
跋靖康野史彙編四種	二二四—二二八
宋木白氏六帖事類集跋	二二八—二三一
明初本蜀鑑跋	二二一—二二二
校蜀鑑跋	二二二—二二三
監本纂圖重言重意五注點校毛詩跋	二二三—二二五
果毅親王使藏日記殘本跋	二二五—二二七
鈔木林居漫錄跋	二二七
十家宮詞跋	二二七—二二八
明本水東日記跋	二二八—二二九
明刊巽隱程先生文集跋	二二九—二三〇
蓉塘詩話跋	二三〇
故宮殿本書庫目錄跋	二三〇—二三三
薛許昌詩集跋	二三三—二三四
寫本袁中隨筆跋	二三四—二三八

明鈔本大金國志跋

二三八—二四二

校明弘治本石屏詩集跋

二四二—二四三

明寫本北堂書鈔跋

二四三—二四四

寫本陳伯玉文集跋

二四四—二四六

寫本歷代宅京記跋

二四六—二四八

校朝鮮史略跋

二四八—二四九

影宋本謝宣城集跋

二四九—二五〇

藏園檢理殘書記

二五〇—二六五

明內府寫本翰苑羣書跋

二六五—二六六

鈔本續考古編跋

二六六—二六七

明本顧菴居士集跋

二六七—二六八

校北夢瑣言跋

二六八—二六九

明弘治本藏春詩集跋

二六九

校宋刊北齊書殘本跋

二六九—二七〇

宋刊咸淳臨安志殘本跋

二七〇—二七一

影宋本閩範跋

二七一—二七二

宋刊後漢書

二七二—二七三

校眉山本陳書跋

二七三—二七五

邢氏求已齋藏書記略

二七五—二八〇

校蘇伯修滋溪文藥書後

二八〇—二八一

題浙江詞科試帖後

二八一—二八四

補史亭贖稿跋

二八四—二八六

宋本宛陵先生集跋

二八六—二九〇

校明鈔徐孝穆集書後

二九〇—二九一

唐風定序

二九一—二九二

題福開森藏辛卯科江南鄉試題目冊

二九二

北宋本五代史記跋

二九二—二九四

正德本沈佺期集跋

二九四

宋刊本義豐集跋

二九四—二九五

姚舜咨手寫建炎復辟集跋

二九六

宋刊胡次和太玄經集注跋

二九六—三〇四

鈔本西域遺聞跋

三〇四—三〇六

明鈔雲臺編跋

二〇六

校宋寫本楊太后宮詞跋

三〇七

宋本武經總要

藏園叢書題記

目錄

三〇八

四

宋本周易要義跋

此周易要義。宋刊殘本。存卷二卷七至卷十。凡六卷。半葉九行。行十八字。白口雙欄。版心上記字數。下記刊工姓名。宋諱真恒栢皆缺未筆。刊工有李升。有成。時亨。文茂。安茂。游安。余才。余文。季清。余子文。汝能。仁壽。德顯。諸人或方。熊。程。唐。鍾。等。姓。或。晟。之。慶。宣。君。禮。京。宜。共。老。等。名。各。一。字。首。周。易。要。義。序。序字同本載長孫無忌等上六經正義表。次目錄。本書書名標題下。記卦名。每條標目數字用陰文。各卷未有印記。其流傳端緒。無可攷。見檢孫慶增上善堂書目。有宋板周易要義五本。不全。下注汲古閣藏本。其冊數。正。合。疑。即。是。或。毛。氏。藏。印。展。轉。失。去。耳。以。江。蘇。局。刻。校。之。訛。奪。至。夥。茲。舉。卷。一。上。所。補。各。條。於。左。

按宋臨邛政學士魏了翁撰九經要義。此其首秩也。方回周易集義跋。言鶴山先生謫靖州。取諸經注疏。摛爲要義。又取漣洛以來諸儒易說。爲周易集義。是要義外尚有集義一書。今已失傳。朱竹垞經義攷備載。諸經要義而易類。獨載集義。蓋誤以爲集義。即要義也。張賡內閣書目。載九經要義。而周易只題二冊。不標卷數。葉文莊菴竹堂書目。載要義五冊。凡十八卷。今行世本乃祇十卷。疑葉氏並子參計之。非有異也。每分上下中下上下各分。獨近時丁氏善本書室藏書志。作二十卷。殊不可解。豈編次不同耶。抑二字爲衍文耶。竊更訪詢之。

又考此書各家書目所載。多爲鈔本。如愛日精廬所藏。爲傅是樓鈔本。今在海虞瞿氏。此外而宋樓陸氏。帶經堂陳氏。善本書室丁氏。咸爲鈔本。四庫著錄。據副都御史黃登賢家藏本。而按提要。述及知爲天一閣鈔本。惟邵亭書目言。邵亭年家。有宋刊本。最精。考邵氏書籍。多爲丁中丞所得。如禮記儀禮。毛詩。三經要義。邵亭經眼錄。咸著之。惟周易。未知歸於何許。提要又言。周易要義。有高宗御題。則進御者。必爲宋本。然天祿。琳瑯。前後錄。皆不載。抑又何耶。朱竹垞言。秦對嚴太史。有此書。然不言其爲刻本。疑亦傳錄之軼耳。余已未秋。在嚴肆文友堂書坊。見有宋刊本五冊。缺三四五六凡四卷。心頗愛玩。而傾囊不足以舉之。因馳書告張菊生前輩。爲漸芬

樓收之。余以江蘇書局新刻諸經要義。所據多宋本。其校勘必臻精密。亦未以此帙爲瓌異也。頃以事南游。晤菊生於海上。其時涵芬樓已被兵燹。連棟高樓萬函珍籍。一夕化爲煨燼。菊生手檢別儲之書。幸遺於烽火者。編爲燼餘書錄。已成經部史部各二冊。因舉以見示。朝夕相過。虛衷下問。商榷得失。適見述及此書。言足以補正新刊者。連行累葉。至不勝僂指。乃知光緒丙戌付雕時。此書所据爲一抄本。非如毛詩禮記儀禮三經有宋本足資勸證。故其訛脫滿紙。無能刊正。余爽然自失。深媿當日之粗疏。致令孤本秘笈。失於交臂。爲足惜也。溯行。乃請於菊生。携以北還。塵鞅甫息。敵警頻傳。然嗜古耽書之癖。奮發不能自己。爰閉門澄慮。銳力校得一冊。補脫文十二則。咸疏於左方。適社友書來。督刊題記。乃錄以付之。其餘卷所得。埃異時續爲刊布。卷尾小記。並增志之。癸酉五月朔藏園記。

余從涵芬樓假此宋刻殘本。載以北歸。時日軍迫近郊。飛機翔空。潞河隱隱聞砲聲。兵甲環城。殆二十萬。居民惶駭。携家四出竄避。留者一日數驚。余兀坐危城。心情惡劣。殆不能堪。今日弭戰之說。似聞有成。意緒差奪。迺重理筆硯。日未移晷。遂盡此卷。聊記之卷尾。俾後人覽之。知老人嗜書如命。雖倉皇戎馬之中。尚丹鉛不輟於手。其癡絕宜可笑。而其孤懷微尚。亦良足悲矣。

癸酉夏歷五月朔藏園老人鑿下記。

周易要義卷一上校記。其葉數行格照局刻本。

三葉下四行。以變者爲占句下。補二十八字。

故杜天凱注襄九年傳。遇艮之八及鄭康成注易皆稱周易以變者爲占。

五葉上七行後。有標目十五字。

七 乾六爻。子至已。謂正三五七九者。非局刻在闕上。

九葉上闕，有標目十五字。

十三 大哉至利貞釋四德首出言聖人

九葉下四行各能正定句下，補二十四字。

物之性命性者大生之質若剛柔遲速之別命者人所稟受若

十葉上一行，在衆物之上句下，補十四字。

最尊高於物以頭首出於萬物之上。

十一葉上一行，說象不同下，補六字。

乾坤不顯上下體木本在上闕

十七葉上闕，有標目十三字。

廿二 凡卦亨貞連事起文者不數

十八葉下一行，而无悶者句下，補十四字。

言舉世皆非雖不見善而心亦无悶

十九葉上闕，上有標目十五字。

廿六 以異於諸爻特稱易曰又云君德

十九葉下六行，此明九五爻之義句下，補十二字。

同聲相應已下至各從其類也

二十二葉下，闕上有標目十五字。

卅二 爻爲人位爲時人不妄動時可知

二十三葉上，闌上有標目十三字，

世二經惟言時舍注言時之通舍

跋靖康野史彙編四種

嗚呼讀史至靖康之際。未嘗不腐心扼腕。痛悼於當國之失策也。政宣之朝。君臣酣嬉逸樂。蔡京父子主樞務者二十年。日以制禮作樂粉飾昇平爲務。金人起於北方。鐵騎駸駸南牧。而以邊事委之閹人童貫之手。橫挑虜虜。方欲因利乘便。坐收漁人之利。及邊禍再起。問罪南來。乃倉皇禪位。以祈苟免。斯時即有英毅之辟。革弊政。任賢豪。厲兵捍宇。猶懼不支。况孱庸如少帝。而佐以吳敏李邦彥白時中諸人。宜其束手就擒。縲絏而北去也。余既校靖康要錄。更以敵篋積年所收小史彙而存之。前車既覆。來軫方道。余亦何心復哀宋人耶。藏園老人記。

南燼紀聞一卷附阿計替木末

舊鈔本十行，二十一字前有阜昌丁巳冀之黃氏序，版心有四古堂三字，眉間有前人校筆，收藏有傅王露印，州來氏藏書記，吳志嘉，石倉老人，石倉手校，四香，諸印。

卷末有舊人錄齊東野語，七修類稿，以辨茲書爲小人所偽造，並摘錄編中大事於左方，或即石倉老人筆耶。

「按丁氏善本書室志載靖康紀聞一卷，亦爲四古堂鈔本，謂四古堂乃」

「吳石倉之書堂，蓋與此書同時鈔校者，今乃勞燕分飛，天各一方。」

「殊可念也。」

竊憤錄一卷續錄一卷

舊鈔本十四行，二十二字，吳志忠以朱墨筆校竟，補佚文一則於上方，並手跋其後，有吳翌鳳、枚菴氏珍藏，枚菴流覽所及二印。

有人携香傳閣鈔本雜錄者凡七種。南燼紀聞竊憤錄續錄，阿計替傳，燕北錄，虜庭事實，聖武親征錄，庚申外史也。有北苑識云：已酉借金星軫鈔本重校，訂訛補漏，已爲善本，金平不及也。忠不嗜雜史，以所載多亂臣賊子之逆跡，殊增憤悶也。因家藏是冊，譌舛多多，取以正之，並補脫一條於上方。道光四年五月夏至日識。志忠。

南燼紀聞錄一卷

顯宋辛棄疾著，前附南渡錄大略一篇，舊鈔本八行，二十字，有芝農珍藏，心太平軒主人之記，各印。

竊憤錄一卷續錄一卷阿計替傳一卷

舊鈔本，行格印章同前書，合裝二冊。

南燼紀聞一卷

竊憤錄一卷續錄一卷

阿計替傳一卷附南渡錄大略

舊鈔本，十二行，二十五字，潘氏以藍筆校過，並跋一則錄後。

右五書曾見於學海類編及淡生堂餘苑藝圃搜奇諸刻，今其書皆不可得。偶從秀水沈氏借得舊鈔本錄藏之。筆畫疑有舛譌，無由校正。復於江山劉太守履芬所見一本，少竊憤錄兩卷，借歸對校，乃知沈氏本即南燼紀聞分作三卷，以第二卷爲竊憤錄，第三卷爲竊憤續錄。劉氏本則連爲一卷，統名南燼紀聞所載事蹟，大略皆符。惟字句互有詳略，亦各有得失，未知孰是。因用藍筆將劉本錄於上，姑兩存之，以俟。

博雅者。至是書頗近穢雜。無足取者。裨官野乘。聊備一種云爾。同治十一年壬申嘉平月。賸翁借校畢。並記。

卷中鈐有小雅、賸翁、潘氏并養齋所藏、賸翁手校、小雅偶得之、各印記。

按上列諸書。一名南渡錄。傳是樓有鈔本。以是編乃宋遺民張氏。自虜中南渡携來。故題此名。其書猥褻。蕪穢。自是僞撰。亦如張師顏南遷錄之屬。前人辨之詳矣。周草窗齊東野語言。序中所述晉少帝北轅之幽懿錄。謂歐公脩五代史實采之。今攷新舊五代史。初無是說。其叙二帝北狩。遷安肅軍雲州。西江州五國城。復又至西均從州。以他書證之。其地理遠近皆大謬。不經。又阿計替所述。咸二帝胸臆不可言之事。彼何從知之。且於二帝初無一日之恩。何至冒嫌歷險而終不捨去。其謬妄不可不攻。而自破。耶氏七脩類稿云。此錄乃竊宣和遺事之下集。增飾其事。必宣政間遭辱之徒。以發其不逞之氣而爲之耳。意竊憤。或即紀聞。後人讀之而憤。故易此名。四庫總目亦言南渡竊憤二錄。所載語並相似。或題無名。或題辛棄疾。蓋本一手所僞託。故所載全非事實。如以天輔爲金太宗年號。天輔十七年。改元天眷。不知天輔乃太祖年號。止於七年。又如言金主正月生日作宴。不知太宗生日。固在十月。其後熙宗乃在正月也。又言靖康二年五月至燕京。封太上爲天水郡公。帝爲天水郡侯。不知金本記。固明言八月封徽宗爲昏德公。欽宗爲重昏侯。至天水之封。在皇統元年。實在徽宗歿後也。其所稱歷徙各地。核以正史。無一不謬。此必南北宋間亂臣賊子所爲。斷非實錄。錢竹汀日記亦言南燼紀聞。題辛棄疾著。竊憤錄。不題撰人。其實卽一書。強析爲三要。亦好事者僞造耳。余謂此書僞撰。固已顯然。然亦或南渡人士痛心虜禍。設爲侮媿之辭。醜污之事。淋漓盡致。著虜主之兇淫。二帝之僂辱。藉以激厲中原士大夫。恢疆雪恥之心耳。夫以帝后宗族。千有餘人。囚俘就道。流離絕塞。歷數十年。其困辱不堪。泥塗冰雪之苦。宜非筆墨口舌所能盡者。青

衣行酒亡國之慘。千古同悲。大水二昏。豈能獨免。後之讀者。宜怵目。劇心。引爲炯戒。慎毋屏情。嬉書穢史之。列可也。至提要所論。似爲金人辨誣。則由執筆者。當時有所忌諱。識者自可分別觀之焉。若丁氏善本書志。謂徽宗抑釋。多爲繼流。作快辭。疑南渡後釋子爲之。則亦揣度之言耳。

又按紀聞及二錄。實爲一書。檢吳石倉四古堂寫本。祇題南燼紀聞之名。而竊憤錄續錄即在其後。其文字銜接。首尾原本一篇。不知何人乃自銜。衢遇老叟。話元夕。熬山事起。劃爲竊憤錄。於是吳志忠本芝農本。潘氏本。皆沿之。第敘事相同。而文字略異。似相傳有詳簡二本。大抵吳石倉本較詳。吳志忠芝農兩本較簡。潘氏原錄亦爲簡本。而以劉履芬本校之。故增改之字。盈溢行間。知劉本似與石倉本同源也。

吳允嘉字志上。號石倉。仁和人。富藏書。汪氏振綺堂得其手鈔書數百册。四古堂其藏書之所。丁氏善本書志有靖康紀聞一帙。鈔格亦有四古堂三字。與此書當爲同時所傳錄。石倉有口占示兒輩詩云。幾卷殘書幾畝田。祖宗相守已多年。後人窮死休相棄。免使爾翁恨九泉。誦此可見其書癖之深。雖身後藏書即散。然流傳迄今。得者群知寶愛。什襲以儲。翁亦可以無恨矣。吳志忠字有堂。即瓊川吳氏。容齋先生曾孫。自號妙道人。余有顧氏秀野草堂本唐闕史。亦其手校者。芝農贖僉均不詳何人。

靖康孤臣泣血錄一卷

題大學生丁特起述。明吳思刊本。上列錢塘汪旦復評。半葉九行。二十字。鮑以文舊藏。有朱筆批字。鈐知不足齋鮑以文藏書。天都鮑氏困學齋圖籍兩印。

按是書一名靖康紀聞。一名靖康蒙塵錄。其實一也。丁特起無可攷。徐莘老三朝北盟彙編采之。自非僞作。其敘述靖康元年至高宗即位止。證以靖康要錄。大略相同。至其立論偏駁。事實偶誤。彭文勤曾歷舉正之。四庫總目亦糾其失。但頗疑爲好事者託特起名所爲。明時別有萬歷丙午長洲張豫誠刊本。王在

公序之四庫存目所見錢竹汀日記所載皆是本也。此吳思刊本亦殊罕觀。

宋本白氏六帖事類集跋

右白氏六帖三十卷。宋紹興刊本。半葉十三行。每行二十六七字。注雙行。三十至三十五字。細黑口。左右雙闌。板心中記帖冊一二等字。下記刊工姓名。可辨者。有施俊重刊。方師顏劉仲施蕙蔣暉李德方成陳忠洪茂陳高朱因胡正陳珍王時徐顏余正丁珪劉正毛諫余坦王珍梁濟徐侃洪先洪新李成劉舉諸人。首有目錄。題曰白氏六帖事類集一部凡三十卷目錄。每卷前附子目。其門類以數記之。如卷一天第一起。至臘五十三止。首行書名下。雙行記。凡若干門。內若干門。附類之字。用陰文別之。避宋諱極嚴。至構字止。如卷三堂構層構構館。皆注御名。板心記冊數凡六卷一至四。爲帖冊一。卷五至八。爲帖冊二。卷九至十二。爲帖冊三。卷十三至十八。爲帖冊四。卷十九至二十四。爲帖冊五。卷二十五至三十。爲帖冊六。篇葉記數。以一冊數卷通計之。每卷末標題前空一行。字體方嚴。氣息醇厚。雅近歐體。審爲南渡初浙杭間開板者。收藏有趙氏家塾藏書。古吳王氏。中南山人。竹塢。玉蘭堂。季振宜藏書。季振宜字說兮號滄葦。季振宜印滄葦。乾學。徐健菴翼之珍藏諸印記。知歷經明代吳中王氏。長洲文氏。清初泰州季氏。崑山徐氏。諸名家庋藏。其傳授源流。可考而知也。趙氏一印。宋文古。滄葦一印。元人印。

按晁氏郡齋讀書志。陳氏書錄解題。皆載六帖三十卷。惟陳氏引唐志。作白氏經史事類。一名六帖。又據醉吟先生墓誌。言著事類集要三十部。時人目爲白氏六帖。是六帖之名。乃當時所加。非白氏舊題也。今此本題爲事類集。與唐志及墓誌都合。且全書葉數卷爲一冊。至冊六而終。意當時標爲六帖。正取此義。四庫提要。乃引程氏演繁露。唐人科試帖經之制。得五得六爲通。以證其說。殊爲迂滯。當由作者未見此本。不免望文生訓。以傳會其名。然則此本之佳。正不必論其文字之精。審雖鑄之明。麗即觀其標名。分冊可糾正流俗之失。斯已足貴矣。顧余竊有所疑者。昔陸存齋函宋樓藏書志。載白帖一部。號爲北宋仁宗時刊本。據志言行款大小字數。與余此本正同。惟標名爲六帖類聚。分帖冊爲十二。獨爲差異耳。嗣余已巳東游。登靜嘉堂。入文庫披觀原書。則其刊工。方雅字。撫率。更亦罔不與余本酷肖。且檢其

書名仍標事類集審其中縫亦止帖冊六篇中構字已書御名是與余書實爲一版刻所印初不解儀題跋所舉類聚之名與十二帖之數何自而得大抵存齋銳意收書志力闕偉時或炫奇博而鑑別未盡精能就余所經眼言之如論語集註韓柳文集皆元刻也夢溪筆談百川學海李翰林集皆明刻也而以爲宋刻資治通鑑避諱至廟字太平御覽避諱至慎字皆南宋本也而以爲北宋本今此書緝檢未周第見其字體端嚴雕工樸厚懸斷爲北宋仁宗刻本要不足詫也異時當馳書長澤君發篋重閱詳核終編歷充標題分帙缺筆諸端傾懷語我庶一決此疑讎乎提要言靖康綱素雜記載白帖有元祐五年博平王安世序此本不載陸本亦無之意其缺佚久矣提要又據荅溪漁隱叢話稱六帖新書出於東魯兵燹之餘南北隔絕其本不傳於江左莫丈楚生因謂白氏之書南渡尙無傳本此似未然釋胡氏之言似指孔書而發蓋孔氏繼白而譌故言新書傳本聖裔故言東魯也至本書小注晁志謂其曾祖父所爲提要以今本注文簡略意即出於晁氏其說是也乃存齋考王珪華陽集之晁仲衍墓誌銘謂仲衍注六帖時本與原書別行如北宋經傳有單疏之類其言殊謬夫群經單疏不錄經文彙括注之要旨於上而以疏文詳列其下設循斯例此等類書只采故實詞句舍引用本書及上下文之外有何要旨可標且原書注文殊簡所收單詞俊語大半祇注出書名信如所言盡羅列經史書名於一篇更復成何體製予按墓誌所言仲衍以白傳所撰事類集傳者寔外乃參考經史一以刊是之仍據舊目補考摭新別爲後集三十卷曰類事後集云云詳審誌文參攷經史一以刊是之是取白書校正而疏明之當即今日所傳之注本是也下言仍據舊目補考摭新別爲後集曰補曰摭又明日後集是依白氏例而補其未備別輯一編如孔氏新書是也第未及流布耳陸氏併二事爲一談謂晁氏有單注別行且引儼經疏以自矜創解寧非笑端而藝風老人又從而和之倘取墓誌而詳加研尋當自哂其說之不可通矣此書自與孔帖合併後元明及今迄無刊本由是白氏原書面目後人末由窺見而宋本之存於世者更稀如星鳳余考宋代此書約有三刻最初者北宋刻爲元祐時王安世序行之本諸家皆無著錄疑斷種久矣次爲紹興刻即此本及陸本是也又次爲南宋坊刻即新雕添注出經之本余曾一見之舊爲周澹塘藏書今歸適園張氏是也此外見諸著錄者李氏延令書

目。汪氏藝芸精舍書目。皆載有宋刊。季目題曰類聚。則非。余藏本。陸氏書無滄葦印。則非。陸藏本是。季氏別有一宋本。王蘭泉藏有宋本。見邵氏莫氏目錄。然與季汪兩本。皆不著行款。未詳爲何本。且存佚皆不可考。有影宋本惟經籍訪古志言。京都伊良子某。藏有殘宋本。蘇隣老人刊入留眞譜。其版式與此本相符。惜厘存六卷。然則白氏之書。千百年以來。祇留此三本。鼎峙於天壤間。寔非書林之瓊寶乎。

余之得此書也。實在癸亥歲之八月。舊爲南皮張文襄家物。文襄藏書。前此數年。已連車輦入廠肆。余曾於聚珍書坊。得公手批癸巳類稿。及夷務始末記諸書。此書度諸後樓。與鄂督文牘。雜存敝篋中。故獨得晚出。癸亥仲秋。寶沈龔前輩。持以見歸。屬爲審定。喜其罕秘。愛翫不忍去手。因斥去宋刊通鑑目錄。以鉅金易得。翊歲宴樊山老人於藏園。語及新收秘笈。老人謂此乃昔年陳臬長安。以二百金得之。寄贈文襄。文襄喜甚。手書報謝。老人爰題記卷端。以志感喟。所謂太傅碎金。曾過門生之眼。故人得實。何傷楚客之弓。正紀此事也。知好中如獨山莫楚生。項城袁抱存。先後咸得寓目。各有題識。歡喜讚歎。詫爲希世之珍。今墨藩猶新。而三君咸奄逝已久。墓有宿草矣。開函展誦。爲之泫然。

余既獲此本。初第賞其精麗。尙未以爲環異也。迨取白孔六帖校之。則明刻譌奪。盈紙改竄。極多。說不見宋刻。將終。古無人。是正矣。茲姑舉其脫文言之。如日門。脫實也一條。資資資錢下。脫實迎也。錢送也六字。又脫三舍一條。及注魯陽揮戈日反三舍八字。星慶瑞門。脫有道則見一條。及注無道則隱四字。雲門。脫白雲起一條。及注後漢蒯子訓到洛見公卿數處白雲起十五字。雪門。脫樂乎一條。及注孟子曰齊宣王見孟子於雪宮王曰賢者亦有樂乎子曰爲人上者不與人同樂也三十一字。風門。脫詩一條。及注班婕妤詠扇詩常恐秋節至涼飈奪炎熱十六字。霜門。脫陰陽氣一條。及注大戴記曰霜陰陽之本也陰氣勝則凝而爲霜十八字。火門。脫猛一條。及注魏子曰危殆之國治不益民是猶薄冰當白日聚毛過猛火二十三字。其它訛舛漏落之處。單詞片語。指不勝屈。未能備錄。蓋緣合刊之時。改併卷次。展轉移寫。奪落差失。事所難免也。

此書入敝篋中。已逾十載。頗欲點勘。終編撰成。校記公諸同好。祇以耽嗜山游舟車行役。未敢以秘冊自隨。兼以勞鶩

他書遂致丹鉛作轍不恒。頻年涉筆。只終數卷。亦欲覆諸木。石川廣流傳。議或垂成。而罷。適來南中。世好張君芹伯。見而愛好。以刊行自任。請先精影百部。餉之同人。竊喜正符夙願。慨以畀之。芹伯家世藏書多。得宋元秘本。周濬塘所藏之六帖。添注出經。即其先世所貽。雕鏤精潔。精澁可觀。顧芹伯以其經坊買。增對外失。滋多。遠不若茲本之善。寧舍己而耘人。亦可謂不阿所好。能鑒其真者矣。故余嘉其志。而詳考其源流得失之故。俾附著於簡末。以告來者焉。歲在癸酉五月既望。傳增湘識於藏園之石齋。

明初本蜀鑑跋

蜀鑑十卷。宋郭允蹈撰。明初刊本。半葉八行。行十六字。白口雙關。前有端平三年李文子序。次方孝孺序。序後有嘉靖乙卯壘山主人佳胤跋。末卷後文字。又取周易孟子通鑑。言山川險要數則於後。而附以跋。時爲嘉熙元年。又淳祐五年古鄂別名失此跋。

按此書宋刻本。諸家絕少著錄。惟此本張育甫跋。言李蒲汀司徒藏宋刻。其精後。歸澄汾。晁太史。育甫從晁太史假錄之。李司徒即淮陽李廷。晁太史即開州晁堯。堯皆明代藏書名家。有書目傳。世今宋本不可踪迹矣。晁氏藏明影宋本。余曾得假校。別爲跋語以志之。此外相傳惠氏百歲堂藏元刊本。其書後歸詒宋樓。以藁翁跋考之。仍爲明初本。詒宋又著錄嘉靖刻本。以余審之。亦即此本。蓋此書爲明洪武時蜀王分藩西川所刻。大字疏行。仿坡公體。考蜀獻王名椿。太祖第十一子。博綜典籍。容止都雅。帝戲呼爲蜀秀才。二十二年就藩於蜀。聘方孝孺爲世子傳。表其居曰正學。以風蜀人。官臨講郡學。著有詩文集各二卷。集中有送方希直還漢中詩。詞意古穆。有緇衣好賢之風。此書刊板。即在其時。故孝孺奉旨撰序。其署銜尙稱漢中府教授也。其版傳至嘉靖。張育甫得之。補訂而附跋於後。然則所謂元刻嘉靖刻。皆此蜀本也。緣其字畫古茂。或者疑爲元刻。又見其補版附有張氏跋。遂認爲嘉靖刻耳。第此版流布亦稀。諸家藏目。往往無之。守山閣刻本。其原從四庫出。四庫所收。是兩淮所進。亦明刻也。適其本有缺葉。故卷八末史論。自中興以來。虎臣宿將以下。奪落一百八字。而妄增億萬年安枕矣六字以足之。殊爲可哂。檢余此帙。其文固完。然具存也。此書

敘述簡要有法。其詳於江山險易。道里遠近。及歷代戰爭。餉運之徑途。要有深旨。吾蜀險要。雖控於一隅。而形勝實關於天下。梓里人士。宜究心及此。以爲捍禦治理之方。惜明刻既罕。秘難逢。即守山閣本。遠道亦稀得致。異日當取余校本。重訂刊行。以餉鄉人。倘得嗜學之士。就郭氏之例。采宋元以來之事迹。輯成續編。則裨益於鄉國。其功尤偉矣。蜀天萬里。引領望之。癸酉五月二十六日藏園記。

校蜀鑑跋

蜀鑑十卷。宋資中郭允蹈輯。余家藏明初刊本。有方孝孺序。又張佳胤跋。疑肖甫就明初板刻而補其殘缺。收藏家稱爲明初蜀本是也。據肖甫跋言。李蒲汀家有宋刊甚精。後爲灑汾晁太史所得。肖甫從晁氏錄存之。今宋刻已不可得。各家亦無著錄。惟常熟瞿氏。有明人寫本。舊爲吳方山家藏。云從宋本影寫。較之蜀本爲勝。余以此書關係鄉邦文獻。銳欲從事校讐。而瞿氏書道遠不可致。適北平館中新收鈔本。審爲就方山本摹出者。乃假歸取守山閣本校之。始至壬申四月。至癸酉三月乃畢。瞿目列舉差誤各條。審之一一都合。然大段脫失者尙多。舉其犖犖大者言之。如卷二標題關羽失荊州。今本作孫權襲荊州。總論墮呂蒙之詭計上。有輕躁寡謀四字。今本無之。卷十三建興十二年運米集斜谷下。有口治斜谷四字。又有一行文曰建興十二年春丞相亮率衆十萬由斜谷伐魏。今本無上十六字。而誤以伐魏二字接集斜谷下。是以次年屯五丈原事預屬之。十一年矣。卷四李壽縱獠條。布在山谷十餘萬下。有落時蜀人東下者十餘萬十字。今本無之。卷五晉安帝元興二年二月桓玄僭位。今本脫興二兩字。則事屬安帝元平。四車館臣按語。以與史不符疑之。不知其奪此兩字也。卷七明皇幸蜀蜀士豐稔下。有甲兵全盛上大悅七字。今本無之。又岐蜀交爭。有岐王使劉知俊攻蜀圍安遠軍。今本無此十二字。於是以下文岐王使劉知俊李繼崇將兵擊蜀等三十八字。改目爲綱矣。卷八知祥圖蜀。帝以劉訓爲南面招討使。下有夏魯奇爲副指討使八字。今本無之。其脫漏最甚者。如卷八末史論淪肌浹髓下。有中興以來。虎臣宿將。極力捍禦。如手足之衛頭目。民之戴宋。有死無二。三百年猶一日也。夫以藝祖之宵旰以圖蜀。其艱且勤也如此。蜀在今日。爲上流之重也如此。保蜀如保元氣。猶懼不支。况輕視而淺謀乎。

念祖宗有蜀之勤。而顧今日保蜀之不易。則昔人之得失。可不爲永鑑乎。凡一百八字。今本概行奪去。而以其詞氣未完。乃杜撰億萬年安枕矣。六字以足之。此成爲罪所未及列舉者。合之各卷單辭片語。凡刪乙增改者。通七百二十餘字。可云夥矣。守山閣刻此書。依四庫全書本。四庫所錄。爲兩淮鹽政探進者。意即明初蜀本也。浙江探進遺書然觀其奪誤之處。視明本尤甚。其或展轉傳鈔而致然歟。

按李郭二氏撰述之旨。方正學謂蜀之形勢。天下之險莫先。然考之是非成敗之迹。則忠順以致福。逆亂以取禍。江山之險。固不足恃。故舉舉而詳之。名曰蜀鑑。此第爲納誨於蜀。藩而作耳。非著書之本旨也。提要謂論蜀之地勢。可以北取中原。與李舜臣江東十鑑同意。欲以勸恢復之氣。余謂此亦非也。考文子作序。在端平三年。跋在嘉熙元年。其時金國初亡。元師又起。命潤端將塔海等侵蜀。將自鳳州以入西川。於時朝廷下備邊之詔。臣寮有保蜀之奏。而帥府應援不及。高稼戰死於沔州。曹友聞敗沒於陽平。至三年冬。蒙古兵長驅無阻。遂入普州順慶。潼川以破。成都掠眉州。一月之中。五十四州俱陷。惟夔州一路及瀘果合數州。僅存。江淮爲之震動。其後嘉熙改元。乃命李憲宣撫四川。頒安集。淮蜀荆襄之詔。文子時官蜀中。躬經禍變。故撰爲此書。詳述歷代戰守勝敗之迹。而於軍政得失。形勢險易。道里遠近。尤拳拳致意。所謂述古以鑑今也。推其書成之日。正黜陟陷蜀之時。序言中興以來。保蜀如元氣。世歷百年。外有虎嘯之虞。內懷頹勞之憂。蜀非全盛。比則所由燕居深念。日擊動心者。固凜凜於禍至之無日。而非徒爲無病之呻吟。危詞以聳聽也。今吾蜀之禍亟矣。鼎革以還。中樞之威靈不入於夔巫。據地自王者。乃至五六公闕墻之爭。夙爲噓言。茲乃演及近族。誅求無藝。民願偕亡。近者赤焱。漸怒勢及燎原。禍患之來。殆不可量。吾願執政諸人。試乎此編。幸垂省覽。勿甘爲井底之蛙。自矜負隅之虎。知險阻之不足恃。而民怨之不可極。幡然改圖。納於治軌。斯非獨吾蜀之幸。抑亦天下之幸也。癸酉五月二十五日。藏園識。

監本纂圖重言重意互注點校毛詩跋

毛詩鄭箋二十卷。宋刊本。半葉十行。行二十八字。注雙行。二十四字。黑口四周雙闌。板心記刊工。姓或名一字。左闌外

記篇名、首行標題如上、次行、低一格、題唐國子博士兼太子中允贈齊州刺史吳縣開國男陸德明釋文附、三行頂格、題周南關雎詁訓傳第一、又次行低一格、夾注釋文、後接毛詩國風、夾注釋文、接鄭氏箋、夾注釋文、次提行詩序起、序後空一格、即接本經、不提行、凡經文下夾行先注、次箋、次釋文、相連而下、惟重言重意、加圓圈以別之、每詩句讀加小圈、宋諱避至慎、字止、間亦有不避者、蓋坊肆所刊、未盡謹嚴也、字體工麗、鋒稜聳峭、審爲建本之至精者、且標明監本、則源出胄監、其點校當爲有據、前附毛詩圖譜五葉、四詩傳授圖一葉、收藏印記如下、

王印

祖嫡

太子

洗馬

進士

藏書私印

師竹山房

居

求古

平陽汪氏

藏書印

三十五

汪氏

文琛

讀書

汪氏

藏書

宋本腰圍印

考祖嫡字胤昌山東德州人河南信陽衛官籍明隆慶辛未科三甲進士與黃洪憲吳中行郭子章王象乾爲同榜授翰林院檢討歷官國子司業洗馬侍讀有師竹齋集三十七卷求古居爲黃蕘圖印餘五印則汪闈源所鈐也

按纂圖互注本始於南宋羣經多有之余生平所見者如論語集解二卷見楊惺吾留真譜今歸李木齋師尙書孔傳十三卷見繆藝風藏書續記得於日本西京芳華堂禮記鄭注二十卷爲汲古閣舊物余得之琉璃廠友友堂今儲雙

鑑樓中春秋傳集解三十卷見丁氏善本書志今歸江南館以上四書皆題監本纂圖重言重意互注惟向書及毛詩亦皆十行十八字左傳爲十行二十字其餘句讀加圈左闕有耳板式邊闕無一不同證以毛詩亦成牴合是此五經必爲同時

同地附雕毫無疑義也至周禮則曾見四帙一爲袁寒雲所藏盛伯義一爲李木齋師所藏一爲陸存齋所藏一爲常

熟瞿氏所藏皆爲十二行本見於著錄者如吳氏拜經樓陳氏經籍跋文雖未見原書然亦十二行本與此非一家眷

屬矣若以毛詩考之同爲纂圖互注本其行格亦多有異如張月霄愛日精廬所藏爲十二行二十一字陳仲魚經籍跋所見爲十二行十八字楊氏海源閣所藏二帙一爲巾箱本十三行二十四字一爲十行十八字亦咸題纂圖互注

重言重意併此本計之是宋時此書已經五刻矣仲魚所謂經生帖括之書故一時風行坊肆爭相傳刻遂流布廣遠如是耳願此書雖屬坊本然襲工精麗與麻沙陋刻迥然不同仲魚謂其原於監本斯爲可貴茲取閱監毛本及通行本勘之開卷序文中開雎后妃之德下有舊解云三百一十一篇至以無所疑難故也凡一百六十三字又用之邦國

焉下有風之始。至並是此義。凡三十六字。皆經典釋文原文而誤混入箋中。是鄭君所遺。乃自稱鄭注。鄭譜云。豈非笑端。設無宋本對勘。安知其謬亂至此極耶。郭志云。箋傳無標題。箋以箋云。冠之無傳者。亦無標題。二字遂以致誤耳。其餘經文中。如仲魚所列諸條。鄙風終焉允臧。不作終焉。術風如切如琰。不作如磋。遠兄弟父母。不作遠父母兄弟。魏風不我知者。不作知我。唐風弗西弗埒。不作弗掃。白石黳黳。不作黳黳。碩大且篤。不作實大。秦風駉彼晨風。不作駉。彼小雅宜爾家室。不作室家。它山之石。不作他山。朔月辛卯。不作朔日。維曰于士。不作予仕。鞠爲茂草。不作鞠爲亂如此。靡不作此。靡維暴之云。不作誰暴。此本皆與之合。其餘尙多。不及枚舉。若其傳箋之訛舛。釋文之奪誤。此本視通行本。匡正尤多。惟卷中加入各例。凡采左傳三禮有及於詩者。爲互注。標詩句之同者。爲重言。於篇目相同者。爲重篇。詩句相似者。爲似句。不免沿熟儒坊賈之陋習。然溯其源流。標明監本。當即出於岳倦翁所稱監中現行本者。故其佳勝。遠邁流俗如此也。是帙第五六七三卷原闕。影寫補完。似爲美玉之微瑕。然紙墨精澁。字體妍麗。以箋圖題跋考之。知爲黃氏借陳仲魚藏宋本所摹寫。其所改浮字。審爲蕘翁手筆。木煙犀通難病。而適增其美。洵煉石補天之妙手。正不得以殘缺少之。致海源閣藏本。其一祇存十一卷。其一祇存三卷。愛日精廬所藏。亦鈔補四卷。且未知散落誰氏。是此帙之初印。精善斷爲天壤孤行之秘笈矣。世有眞賞之士。寧可以摹圖互注坊本而忽視之哉。癸酉二月初八日。藏園居士記。時大雪初霽。園林皎然。玉潤珠暉。清光襲入几案間。與冷淡生活之趣相映發。笙鼓鼓城中。乃有蕭然物外之想。吁可樂也。

果毅親王使藏日記箋本跋

昔游杭州於文元書坊。收得前人日記。彙四冊。偶一披卷。第知爲入藏紀行之作。未審撰者何人。閉置篋中。殆二十年前。日晤同年吳君寄荃。自云治蒙藏地理之學。已數十寒暑。聞余藏有石峰堡紀略寫本。欲得假觀。予夙欽其嗜學。專篤慨然允之。因言篋中尙有言藏事之書。將盡舉以供其漁采。此使藏日記亦其一也。歸而發篋。陳書見開卷所述。爲雍正十二年。奉旨前往泰甯。與達賴喇嘛相見。蒙命閱視經過地方營伍。因檢東華錄考之。十二年七月。有果親王允禮往泰甯。經理達賴住藏。因閱直隸山西陝西四川四省兵之命。乃知此帙。爲果親王入藏往返紀程之作也。書凡二

卷。始自甲寅冬十月。終乙卯夏四月。自燕晉以歷秦蜀。往返一萬二千里。詳紀山川風土古今名跡。考證翔實。詞旨雅潔。篇中改竄之筆頗多。當是就原本錄出。而覆加訂正者。王爲仁廟第十七子。博學多聞。妙嫻翰墨。著有春和堂集。靜遠齋集。奉使紀行詩。別著有西藏志一書。流傳殊罕。此日記二卷。則未經刊行。尤足珍也。熙朝雅頌集。錄王詩一卷。凡四十九首。其秦蜀道中懷古紀勝之詩。即奉使時所作。或刻石紀之。余游長安時。王之詩碣。尙存碑林中。僧安古觀。題榜燦然。王詩翰之外。兼工繪事。據日記云。十一月初四日。再登嶽廟之閣。摹畫三峰勝景。因思昔時王蒙知泰安州。張相素隱壁。日對泰山。興到輒一舉筆。圖成示陳汝言。值大雪。汝言張小弓。夾粉筆彈之。遂如雪景。一時推爲神筆。王陳以繪事擅藝千古。然必臨摹眞景。機自天然之趣。余亦同此意耳。以此觀之。王以河間。東平之尊。奉萬里輜軒之役。風塵鞅掌中。猶能裁絹濡毫。爲三峰寫照。與古人劇蹟。騁勝標奇。其風流醞藉。令人慨慕無窮。往返兩游華嶽。前游抵青柯坪。後游行至千尺墮。風雨交作。不果登。有詩紀其事。詩云。窈甘望匡返。梯巖慙狂韓。壯游雖未竟。氣象還可干。行當杵斗墨。潑作萬峰巒。裝池張素壁。昕夕供游觀。是王尙繪有登華圖矣。余昨歲抵青柯坪。亦值新雨初霽。然披巖躡磴。竟徧攬蓮花仙掌諸勝。不至如王有海上神山之歎。誦少陵鐵鎖高垂不可攀。致身福地何蕭爽二語。輒生清福勝緣。轉駕賢王之上。又竊自負矣。嗣王弘瞻。憲廟第七子。亦善詩詞。雅嗜典籍。嘗從方靈泉沈歸愚受學。刻有古文約選。左氏傳評點本。皆靈泉爲之輯訂。楮墨精善。與內府刻書相埒。至今爲藝林所珍秘。洵可云後先濟美焉。癸酉閏月二十六日。清泉逸叟漫志。

日記序錄後

聖天子聲教四訖。德洋汪濊。車書文物之盛。超邁前古。甲寅冬。予奉命使秦甯。輿程往來。凡六越月。自冀北山右。歷陝及川。綿亘四省。凡五千九百餘里。考山川之源委。誌風景之異同。目見耳聞。排日記錄。道中叨蒙訓旨。遠頒恩賚。登沛。皇華原隰。屢軫聖慈。感切之忱。尤難罄述。昔揚雄提槩懷鉛。疇訪方言土俗。况國朝幅員式廓。編氓歸化。予得憑茲輜軒。周覽形勝。尉候亭障。六合一家。咸頌皇仁而服德教。所得不既多乎。爰從暇日。區爲上下二卷。較韋莊之峽程記。范

成大之攬轡騁二錄。詞義差可矍。以備采風之故實云爾。是爲序。

鈔本林居漫錄跋

明吳人伍袁萃撰。凡前集六卷。別集九卷。崎集五卷。多集六卷。袁萃退居里門時。追憶舊聞。或評論人事而作也。自謂多矯枉過激之論。比於杜牧之之罪言。前有萬歷丁未自序。並附載書中引用諸人姓氏別號里貫。以便閱者同時賀燦然吏部。以袁萃此書。詆譏前輩。淆亂是非。作漫錄評正。以糾之。袁萃見之。復撰駁漫錄評正。用爲報復。燦然又作駁駁漫錄評正。往復相尋。糾纏不已。近於村姑里豎之詬詈。非士夫所宜出也。昔楊升菴以高才博學。雄視一代。所撰丹鉛總錄。號稱該洽。然差誤恒所不免。於是陳耀文撰正楊一書。歷舉其失。張萱繼之。而有疑耀之作。明人好騁詞辯。炫博侈奇。習爲風氣。若伍賀二人之斷斷不已。又過於非國語。非非國語。矣。是亦不可以已乎。今通觀此書。黨同伐異。私見殊深。識見亦未免凡冗。實不足供由基之放矢也。閏月廿六夕。猛雨灑林。煩歎盡灑。振筆記此。漏鼓三下矣。藏園老人書。

十家宮詞跋

三家宮詞三卷。爲唐王建、蜀花萼夫人、宋王珪所作。五家宮詞五卷。爲晉和凝、宋宋白、張公庠、周彥質、王仲脩所作。咸人爲一卷。詩各百首。見於直齋書錄解題。馬端臨通考因之。清初上元倪太史開公。得宋刊十家宮詞。蓋於八家之外。又益以宣和御製三卷。胡偉集句一卷也。朱竹垞見而錄副。以授山東布政司參議胡循齋。鏤木於濼河。嗣胡氏旋京師。仍以刊板歸之竹垞。卷首有康熙二十八年竹垞自序。至乾隆初年。史開基得其版於外舅家。又補其殘蝕。以行世。即此本是也。攷張宗樞漁洋詩話。言倪刻宋本十家詞。世不多觀。舊菴先生曾贈余一冊。凡四卷。是乾隆時張氏所得。已非全帙。此帙鈐有鮑氏知不足齋藏書。天都鮑氏困學齋圖籍。袁簡齋書畫印。各印。書衣有勞季言題字一行。云道光乙巳五月。購於知不足齋。丹鉛精舍主人記。宣和宮詞後。勞氏手寫綠君亭本十首。又補錄錄飲跋五行。王建宮詞後。錄揚升菴所補七首。綠君亭本三首。知前輩考訂精勤。護持珍重。皆視爲罕秘之笈。倪氏宋刊原本。竹垞撰序。已

云不可再得。余昔年於廣市見宋刊宣和御製張公庠王仲脩周彥質四家宮詞會評攷之乃別爲一殘本。非關公舊物。當以此本覆勘一過。凡糾正五十餘字。余曾撰有題識。如張公庠卷中。學士經筵論古今。此本作經綸。千官傾望拓黃衣。此本作拓黃。清秋暖月正嬋娟。此本作嬋娟。王仲脩卷中。唐裝宮女聽傳宣。此本作傳。晉金盤碧粽裏離菹。此本作離。天子觀魚膾魯菜。此本作觀魯。皆顯然譌繆。夫以親見宋本。復經名人爲之鈔梓而焉。烏帝虎尙未能免。可知拂塵掃葉之功。正未易言。而吾輩讀書。凡翻宋元善本。設遇原刊。更須動爲董理。慎勿輕信古人而貽誤後學也。癸酉清明節藏園老人書。

明本水東日記跋

明代士夫好撰述。鶯聲。故雅記。野乘之屬。傳播於後者。殆無慮數百家。然今覽其書。大者或病其空疏。細者多傷於猥巧。至其碑。跋。成編。蕪雜。猥穢者。更無論矣。四庫全書著錄小說雜事類。明代之書。惟取葉文莊陸文量沈景倩三家。

標榜錄宜歸入元代何氏語其體裁不同
餘歌天齋王介州所著皆小狹不足論

文莊家世藏書。練習朝廷典制。故所紀載。特爲宏富。卷中於國籍碑刻。舉述

尤備。足以供攷証之資。提要亦稱其留心掌故。攷究最詳。引據諸書。頗爲博洽。良非虛譽。予中年嗜讀其書。惟苦無舊本可觀。嗣於南中。收得明代所刻。爲書三十八卷。版式古雅。字迹疏勁。微兼隸體。且墨色濃淡不勻。字或斜出。頗疑是活字排。版第前後序跋俱無。堯無左証。未敢斷言。第以寫刻規之。要是正嘉以前風氣耳。卷末有明人題字一行。文曰嘉靖甲寅仲秋。旣望吳郡後學邑庠生王玉芝謹志。鈐印七方。曰王玉芝。曰國祥之印。曰臨頓里人。曰壘翠軒主人。曰臨野山人。曰自燕徙吳。曰東吳長洲臨頓里人。太原王玉芝國祥圖書。又有吳庠之印。丹箴。吳釗之印。何元錫印。夢華館藏書印。別下齋藏書。諸家印記六方。由此可以推知。此帙舊藏長洲王氏。歷經吳氏何氏蔣氏諸人之手。以迄於茲。王吳二氏。其家世別無可攷見。至夢華館別下齋。則咸以藏書名家。朱記壘壘數百年以來。諸人珍重護持之意。可以概見。而此本之希覯。亦從可知矣。惟於雕鐫之時。與地終無由悉也。頃閱明吳文定公匏翁家藏稿。知叢書堂中藏有此書鈔本。公自爲之跋。言水東日記三十八卷。故吏部傳郎葉文莊公所著也。議者以其間頗有藏否之論。其子孫固

在。不當傳出。於是公之子始秘之。則已爲湖廣刻本。而都下家有之矣。顧其本模寫無法。提行過多。讀者厭之。近世紀藏家幾絕。幸文莊爲此。足以考見時事。因錄本稍便觀覽。不忍棄去。世多譏字。雖加校正。不能免耳。云云。予據公所言。更取藏本披觀終卷。因見篇中語涉朝廷。文皆別起。即述及前代帝后。亦一律頂格。與公所譏模寫無法。提行過多。一相合。乃知此本。即匏翁所稱湖廣刻本者。亦即此書行世之第一刻本。邵目載有常熟徐氏刊本。爲卷亦三十有八。然以裔孫方蔚跋考之。則湖廣所刻。即徐氏也。至萬歷時六世孫重華再刊。增補二卷。爲四十卷。泊康熙庚申。七世孫方蔚重校。復再刊之。近世通行者。皆是本也。萬歷重華本。丁氏善本書室有之。爲山陰祁理孫舊藏。此書自明正德。以訖於清。初凡刊版。三次。其源流。可以考見者。大氏如此。若其文字之異同。譬勸之疏密。非羅合數本而善校之。殆不能定其何本爲最善耳。余嘗謂。明人撰述。能獲當時繕錄之帙。爲佳。昔年曾收得菽園雜記殘本五卷。爲天一閣舊諸者。偶取守山閣本對勘。則訛文奪句。刊正之字。布滿行列。密若繁星。更有數十。則爲雕板所不載。可知當時以藁本付刊。必因有所嫌忌。而後人從而刊落之者。倘是書能得正嘉以來舊鈔。其補闕訂訛。必當不謬。第予數十年來。聞見所及。更無有舊於茲刻者。叢書堂本。雖匏翁。譬其多譏。然披沙揀金。宜有佳勝。惜乎。蕭條異代。渺不可尋。海內名家。有知其踪緒者乎。予日夜引領而望之矣。癸酉五月十四日藏園識。

明刊巽隱程先生文集跋

明桐鄉程本立撰。集凡四卷。第一二爲詩集。第三四爲文集。巽隱其別號也。曾孫山編定。弘治乙丑。桐鄉令李廷梧爲之序。嘉靖初。南溪吳德翼僉憲於閩。乃付諸梓。即此本也。半葉十行。行二十字。白口單闕。書名標於板心上方。前有嘉靖元年雲南布政使司左參政古閩杜庭棉序。後附事狀略一首。每卷題賜進士嘉興吳昂編輯。同郡庠生馬淮校正。二行。收藏有葛雲薛印。履坦氏。廣清淨寺。畏菴。初陽之印。時寅父。諸印。

按巽隱集。博李遺書中有之。顧祇文集。且不分卷。惟康熙己亥。桐鄉金星詔。曾編輯全集付刊。凡詩文各二卷。蓋與貝清江集同時授梓者。板心有燕翼堂三字。然余取金本。與此明本對勘。則編次殊不同。明本詩。以年代爲先後。如家居

時。撰秦府禮官時。改周府禮官時。謫雲南時。寓京師時。各分次第文集。亦然。金本則詩文皆分體編次。題下間有小注。則加附考以明之。惟和貝惟學登小孤山。題劉中雲海蓬萊軒詩二首。重題同壽堂記。朱節婦傳。御史箴。文三首。明刻。無之。而別鈔以附於後。蓋後人據金本以補入者也。金本有星軺序。及孫唐華序。皆不言所據爲何本。然余頗疑星軺。付梓時。實未見明刻也。觀卷中題夢彩堂卷七律。寄嵩盟倅七絕。其原題各附有自注。金刻成佚去。意嘉靖初鑄之本。至康熙時已爲罕覩。顧余乃無意獲之。寧不什。嬰珍儲於爲秘笈乎。癸酉閏月二十五日。藏園老人揮汗記。

蓉塘詩話跋

蓉塘詩話二十卷。明仁和姜南明叔著。嘉靖間刊本。半葉十行。二十一字。有京江燕翼堂錢氏藏書白文印。

按此書雖名詩話。然多紀朝章國故。遺聞逸事。兼以攷訂事實。評論人物。實說部也。卷爲一書。凡二十種。一曰半村野人閑談。二曰洗硯新錄。三曰輟築記。四曰鶴亭筆乘。五曰墨畚錢鈔。六曰學圃餘力。七曰大賓辱語。八曰蕉簷曝背臆記。九曰借竹道人投壘隨筆。十曰剔齒問思錄。十一曰醉經堂舖糟編。十二曰扣舷凭軾錄。十三曰抱璞簡記。十四曰五庄日記。十五曰鹽車道聽。十六曰逍遙錄。十七曰風月堂雜識。十八曰瓠里子筆談。十九曰櫻窗隨筆。二十曰蓉塘紀聞。各編中。詩話居十之四。述事論人者十之四。攷古者十之二。而多立名目。以矜奇弔詭。此明代驚名之陋習。不足訝也。乾隆時。吳淦之刻藝海珠塵。其絲金集中。錄半村野人閑談。抱璞簡記。二種。竹集中。錄投壘隨筆。風月堂雜識。學圃餘力。三種。匏集中。錄墨畚錢鈔。瓠里子筆談。洗硯新錄。蓉塘紀聞。四種。革集中。錄叩舷憑軾錄。一種。各編記錄文字。大略相同。初難第其甲乙。而吳氏所取。厘及其半。其抉擇之旨。殊不可解。意者此編流播較稀。吳氏所得。適爲殘帙。故盡據以入錄耳。

故宮殿本書庫目錄跋

此內庫書三卷。武進陶君蘭泉所撰輯也。卷上之目曰實錄。聖訓。御製。欽定。校刊。五門。卷中之目曰方略。典則。官書。經學。字學。史學。志乘。類纂。儀象。目錄。類書。總集。進呈。清文書。十三門。卷下之目曰校刻。梵經。附錄。書目。總表。三門。而以書

影附焉。其類別咸仿宮史爲之。惟進呈一門。爲所特增也。余於乙丑歲。領故宮圖書館事時。時方畫定壽安宮爲館址。盡移宮中藏書度其中。樓上下四十八楹。標甲乙丙丁四庫。而殿本之書。別萃之一室。余以君雅善鑑藏。因脩函延君。任以編訂之事。嗣是繼主館職者。銳志經營。積月累年。連車疊篋。手澤足貶。自文淵閣擴落堂而外。舉三殿六宮御閱書房珍藏陳設之書。錦帙牙籤。以千萬計。成聚此連棟之中。而規模因之大備。君方旅居津沽。或累月一至。或一月再三至。至則提囊載筆。犯風雪。冒炎歎。徒步走神武門。經西長安街。入殿中。手披目玩。淺淺而眉。日晷而出。時而飢疲。或挾餅餌。與小史走卒雜坐。食飲而不以爲苦。蓋夙精煉掌。閱五六寒暑。乃條別而類居之。卒底於成。可謂艱矣。君生平酷嗜圖籍。涉闕藏書。爲卷以二十萬計。而官本精要。居其泰半。喜其楮墨精雅。足以娛目悅心。古人所謂愛好之性。出於天然者也。今一旦身入承明。凡歷代天府之儲。舉世人所羨爲神山福地。而夢想不至者。乃得游息其中。且夕恣其蒐獵。其榮遇視黃閣之元臣。玉堂之萃宰。爲幸已多。此其所由發憤從事。既以快慰平生之願。亦以副余汲引之心。其勇毅良足嘉也。余嘗謂有清一代文治之盛。遠邁前古。即以刻書言之。亦迥非明代所能幾。及明代內廷經板。由司禮監職掌。筦理督造。皆奄豎爲之。其人粗識文字。毫無學識。刊行典籍。大率供內書房所用。及小閣誦習之資。板本不善。謄勘多疏。故其書絕不爲學流所重。其中並文獻考。歷代名臣。清初世祖御纂孝經衍義。內則衍義。資政要覽。諸書。亦經內殿刊行。第版式疏拙。大字寬闊。尙襲經廠之舊。頗不雅觀。其書與時噴。至聖祖御極。秉天衷之神聰。開曠古之文化。研精性理。博綜詞章。旁涉天文。歷筭。格致。物理。靡不貫通。凡纂修編訂之役。皆妙選儒臣。專領其事。一時鴻才碩彥。若李光地。徐乾學。王鴻緒。熊賜履。諸人。各用其所學。勅成簡編。而繕手劊工。亦精妙獨絕。迄於高宗。承平累禩。物力豐盈。人材蔚起。於是奮其雄略。大恢天網。含羅今古。整齊百家。以繼往開來。爲己任。遂乃下開館脩書之詔。訪求天下遺書。搜輯永樂大典。判定經史諸書。及編定朝廷典章制度。垂爲典範。六十年間。如四庫全書。太學石經。十三經注疏。二十四史。九通。聚珍版叢書。大清一統志。等。鴻編鉅製。次第頒行。文物之茂。卷帙之豐。古未嘗有。嗚呼。可謂盛矣。亦考內庫書籍。其大別有三。一曰寫本。如四庫全書。四庫書要。歷朝聖訓。實錄。方略。御製詩文。陸藏書畫器玩之類。皆未

闕玉楮字畫精妍。萬帙千篇。料若畫一。其精者特敕詞臣恭錄。袖珍小冊。蠅頭細書。精妙如出鬼工。設非天威所臨。殆難人力可辦。一曰活字本。康雍朝有銅活字。印成圖書集成萬卷外。如律呂歷筭諸書多用之。神夢雷松鶴山房文集。中時所印也。乾隆朝創木活字。印成聚珍版叢書二千三百八十九卷外。如八旬盛典。西巡盛典。千叟宴詩。畿輔安瀾志。平苗紀略。諸書多用之。遂爲近日排版之權輿。一曰刊本。其事亦可分三類。一爲武英殿刻。多用宋字。方體疏行。大字。宜老。一爲揚州詩局刻。多用軟字。密行端楷。酷肖宋鏤。宋寧刻。並用御製集。一爲袖珍本。合刻古香齋十種外。別有周易本義四書集註國朝詩別裁三書。其書咸端嚴雅麗。妍妙輝光。紙幅選製。尤稱精湛。開化紙潔如玉版。太史運色。疑金粟。色香既古。裝精尤精。其他如摹雕宋元本古籍。則有朱子易注。四書章句。相臺五經。校勘精嚴。雕鏤古雅。已開後世黃顧之風。特爲士林所珍異。綜論清代刻書之事。其源實肇於康熙。至乾隆而遂臻於極盛。雖時挾雄猜之見。肆其抑揚褒貶。以鈐制人心。於後代不無遺議。然其規制之崇閎。志力之偉異。未始非數百年來文學昌隆之極軌也。嘉道以後。海內多故。雖有好文之主。無復留情典籍。即間有編刊之舉。而工伎粗疏。材物窳薄。視前朝判若天淵。是即此區區簡冊之流傳。而風習之淳漓。國力之豐耗。可微窺而得其升降焉。嗟乎抑豈細故哉。方君之屬稿時。遇有積疑。必走相質證。余爲解析未足。必徧徵諸群籍以明之。偶有所糾正。亦必肆力稽考。期於正確可信而始定。決不欲輕議。昔人以取快。其虛衷審慎如此。今觀其書。所附考證各條。往往有舉世以爲疑。得君數言而渙若冰解。茲舉其著言之如聚珍板叢書。其先後增刊。部帙多寡。迄今聚訟不休。以君考之。則內府見存者。實爲一百三十八種。蓋合原單一百二十六種。加以後輯尙書詳解等四種。新輯之詩經樂譜等八種而言。然後知閩粵兩本之一百四十八種。其安增河朔訪古記諸書。純爲嚮壁而虛造也。又如大清一統志。四庫著錄爲五百卷。顧舉世未見其書。以君考之。則闕寫殿刊二本。咸爲四百二十四卷。其書於乾隆五十五年刊成。即第二次脩本也。今宮中雖有三次增脩之五百六十卷本。而事在道光季年。不應乾隆脩四庫時。預知其數而登之。然後知確爲館臣之誤載。而近時坊本。妄析外蒙諸部。強增卷第。以符五百卷之數。其無知妄作。爲尤足晒也。昔人謂百聞不如一見。設非躬涉庫儲。又烏能持其說以關人人之口耶。

然君編輯之餘。更有欣然自謂創獲者二事。蓋君昔年曾獲明人繪象本草品彙精要一書。及康熙重繪本十三册。圖繪精妙。采色醜鮮。涇紙朱絲。與大典本相埒。中外儒流。動色詫歎。頗議刊布。以惠民生。第其書源流。末由考見。今於庫中忽覩其書。方知弘治原本。本藏內府。聖祖曾勅醫官王道純江兆元。重加校正。增續集十卷。附脉訣舉要二卷。并有進書表文。惟書存而圖佚。其所佚者。正昔年所獲。不獨得此本。本可以備知。即殘缺亦藉補正。此一快也。李誠營造法式一書。曾爲紫江宋氏刊傳。然影宋全帙。窮搜不獲。屢據余殘葉。仿其銜題。勒爲版式。今於進呈目中。忽見舊鈔。且正爲遼王所藏。因知紹興叢本。行格元撫崇寧。既足證了鈔之僞造。尤可訂庫本之奪訛。不意積年懷思。乃有此奇遇。此又一快也。是數者。君恒爲余稱說不絕於口。蓋披觀大略。所得如此。設進而遽窺廣覽。則政教嬗化之機。學術消長之原。亦將由是而探其樞括焉。其爲獲不益闕乎。余早登詞館。忝廁史官。引望天祿石渠。殆如天上。第未及讀書中秘。追迹劉荀。洎乎桑海滄更之後。典領秘書者一年。因之探宛委之藏。攬鄒環之秘。願簿錄未周。宮羽又換。四部七略。迄未有成。觀君此編。欣歎之餘。不禁悽愴感喟於無窮矣。抑余更有進者。此編意在紹述宮史。故分析部次。與通例有殊。或一書而寫刻攸分。先後重出。使檢尋易生迷惘。而義例亦未免混淆。似宜重爲甲乙。凡書籍統以類分。而以部帙板本殿閣臣工。以及編著呈進。先後同異。臚列其下。庶披卷可得。朗若列眉。又殿本之外。如文淵。攜蒞四庫兩編。咸登掌錄。意以職守所繫。故破例存之。宛委別藏。正續二編。雖屬善本。然阮氏奏進於前。復經嘉慶御定。赫奕百函。同歸典守。未審何故見遺。它日重編。或附諸蒼要之後。尺管寸莖。固知狹陋。然聞見所及。不欲自私。勉進流壤之微。聊資海山之益云爾。至其記述詳賅。參稽明審。使一朝九帝之制。作局閉於文樓秘閣之中者。一旦挈領提綱。呈露於人人之耳目。其爲功至偉。其致力甚勤。又無殃余之揚贊也。癸酉立秋日。藏園傅增湘書於靜宜園之無量殿。

薛許昌詩集跋

許昌詩集十卷。唐薛能著。汲古閣刻本。毛斧季據南宋本校勘。余辛亥冬在海上所獲校本八唐人集之一也。其撰人署銜爲唐節度使檢校禮部尚書汾州薛能太拙著。與汲古本已大異矣。張乖崖序言。凡詩四百四十八篇。依舊本例

編爲十卷。雕印行用。而紹興改元山陰陸元望跋。乃言刪其瑕類。得二百三十章。錄藏翠山書院。即今本是也。蓋沙汰之餘。墜存半數矣。今以十卷計之。通得二百二十七題。視陸氏所選。更差三首。豈梓本流傳。又有遺佚耶。

按能以吟咏自負。其遺聞軼事。古今詩話。北夢瑣言。南部新書。多載之。該聞錄稱其格調清奇。可尙誠射雕手。然自矜幹略。使氣任情。敢爲大言。爲蜀川從事。曰。嘗疵議孔明。見於題詠。如題籌筆驛云。生欺仲達徒增氣。死見王陽合厚顏。流運有功終是擾。陰符多術得非姦。又云。葛侯眞渴澤。劉主合亡家。陣圖誰許可。廟貌我揄擲。又云。焚却蜀書宜不讀。武侯無可律吾身。又云。當時諸葛成何事。只合終身作臥龍。凡所以詆訶者。不遺餘力。其未達時。高自標舉。有云。空餘氣長在。天子用平人。嘆當守之不已。知也。及屢領戎鎮。又鬱鬱自歎。有云。麤官乞與眞拋却。賴有詩名合得償。又鄙將相爲麤官矣。及鎮徐州。元夜詩云。誰見將軍心似海。四更親領萬人游。則又驕恣之情。目空一世。然考其後。徙帥忠武軍。卒爲大將。周岌所逐。身旣爲僇。家亦被屠。肯能嘗有詩云。舊將已爲三僕射。病身猶自六尙書。蓋能鎮彭門。時薄劉巨容。周岌。俱在麾下。故詠此以自矜。豈知奪其節。殺其軀者。即此舊將之僕射耶。其才疏志。尤以忤物取禍。良非無故而乃果於訾毀。前賢亦多見其不知量矣。劉後村云。能自負其詩。又自負其才。然位歷節。鎖不爲。不用卒以驕恣。陵忽。債軍殺身。其才安在。庸妄如此。乃輕議諸葛。可謂小人之無忌憚者。姜明叔蓉塘詩話。亦謂唐之薛能。始則議。孔明。而不爲之卒。至辱身喪家。而債國事。孔明果如是乎。嗚呼。蚍蜉撼大樹。可笑不自量。若能者。余固不暇責。而轉哀之矣。伏某困人。偶讀許昌集。適有所觸。因書其事。附之卷端。癸酉閏月二十四日藏園記。

寫本菰中隨筆跋

菰中隨筆三卷。題東吳顧炎武寧人父著。後附詩律蒙告一卷。及亭林著書目。黃蕘圃家鈔本。前有同學王漢等二十人。爲亭林徵書啓。書衣爲蕘翁手題。後有跋六行。別有曲阜孔憲庚跋。孔憲彝跋。葉名澧何慶涵題字。副葉粘有何慶涵小柬。蓋媛叟之子。曾假此本錄副也。

按菰中隨筆。有玉虹樓刻本。近時亭林遺書中復刊之。然核其文字。迥然不同。且祇得一卷。當別爲一書。據四庫存目。

標明三卷。此本正與之合。蓋先生讀書所得。隨手摘記。所以備遺忘。供采擇。文字叢脞。初無義例。平生劄錄。必不止一冊。四庫館臣所見。當即此本。而玉虹樓所刻。亦非贗品也。故人吳松隣。曾爲考訂始末。附志篇末。並屬余刊傳之。他時當校錄一通。授之梓人。附諸雙鑑樓叢書之後。以償此宿諾。茲將諸人跋語錄之左方。其徵書啓。著書目。亦臚列其後。庶治顧氏學者。得以參證焉。

右菴中隨筆三卷。詩律蒙告一卷。亭林著書目一卷。俱未梓行者。余於學餘書肆中見之。擬買而未許也。爰假歸。倩鈔胥錄此副本。略取舊鈔本校對一過。至舊鈔本之訛謬。尙多承襲。而未及改正。俟暇日讀之。稍加參訂焉。

乾隆甲寅三月下濬。郡後學黃丕烈識。

右菴中隨筆三卷。顧亭林山人著。與玉虹樓所刊本不同。丁巳長夏。見於吳門書肆。亟以重價購歸。藏諸行篋。以徵余有志顧學之雅。近日海內文人。惟道州何子貞太史。爲顧祠領袖。惜養疴田園。不復有東山再起志願。漢陽葉澗臣閣讀。聞尙供職鳳池。他日得入都門。當取此冊。共相校正。付劔鬪氏。與玉虹樓刊本。並傳於世。嘉惠後學。余於葉君有厚望焉。

咸豐丁巳立秋日。顧廬學人曲阜孔憲庚志於滄滄亭寓齋。

冊中訛舛之字甚多。錄時祈細校正。以備參考。

是歲冬至後三日。因事之沈南。聞子貞太史。爲雨貽大中丞。延主溧源書院。亟往訪謁。而子貞又赴浙江。省問弟疾。明春二月方旋。見哲嗣慶瀾。儒雅恂恂。克綿世業。談及此冊。乞錄副本。因識數語而假之。丁巳冬至後八日辛卯。經之再記。

經之弟自吳門。購得此本。携至京師。衍聖公邸。因得校讀一過。較玉虹樓刻本。大有不同。可以互相考訂。不妨授之梓人。與玉虹本。並傳海內也。經之即之。奏中。恩恩書此以識之。咸豐戊午秋九月曲阜孔憲彝。

咸豐戊午秋七月。漢陽葉名灃借觀錄副。

咸豐丁巳冬至後十日道州何慶涵借錄一過時在濟南深源書院

徵書啓錄後

東吳顧寧人炎武。馳聲文苑。垂三十年。其高祖刑科給事中諱濟。累疏直言。載在武世二廟實錄。曾祖南京兵部右侍郎諱章志。歷任藩臬京兆。及掌南兵。疏更船政。蘇軍衛二百年之困。本生祖左春坊右贊善諱紹芳。嗣祖文學諱紹芾。兄孝廉諱綱。並以詩文爲海內所宗。嗣母王氏。未嫁守節。奉旨旌表。及聞國變。不食而死。天下稱爲貞烈。寧人年十四爲諸生。屢試不遇。繇貢士兩薦授樞曹。不就。自嘆士人。窮年株守一經。不復知國典朝章。官方民隱。以至試之行事。而敗績失據。於是盡棄所習帖括。讀書山中。八九年。取天下府州縣志書。及一代奏疏文集編閱之。凡一萬二千餘卷。復取二十一史。並實錄。一一考證。擇其宜於今者。手錄數十帙。名曰天下郡國利病書。遂遊覽天下山川風土。以質之當世之大人先生。昔司馬子長徧游四方。乃成史記。而范文正自秀才時。以天下爲己任。若寧人者。其殆兼之。今且北學於中國。而同方之士。知寧人者。敬爲先之以言。冀當世之大人先生。觀寧人之文。以察其志。而助之聞見。以成其書。匪直一家之言異同。天下生民之福。其必由之矣。

同學王 演 陸 圻 吳任臣 王錫闡

顧有孝 顧夢麟 黃師正 王猷定

歸 莊 潘樞章 楊 彝 楊 瑀

方 文 張 愨 吳 炎 湯 護

萬壽祺 丁雄飛 毛 驥 陳濟生啓

亭林著書目錄

古晉表三卷、易晉三卷、詩本音十卷、唐韻正二十卷、

於安溪 日知錄三十二卷、補遺四卷、潘稼堂先生携至閩 晉論三卷、

以上統名晉學五書、五書刻於淮上、

左傳杜解補正三卷、附志張文前 九經誤字一

卷、石經考一卷、金石文字記六卷、吳才老韻補正二卷、昌平山水記二卷、文集六卷、詩集五卷、以上六種補錄堂先生捐質刻二十一史年表十卷、天下郡國利病書一百卷、歷代宅京記二十卷、十九陵圖志六卷、萬歲山考一卷、肇域記一百卷、岱嶽記八卷、北平古今記十卷、建康古今記十卷、營平二州史事六卷、菑錄十五卷、詩律蒙古一卷、救文格論一卷、下學指南一卷、當務書六卷、菴中隨筆三卷、官田始末考一卷、京東考古錄一卷、山東考古錄一卷、烹廟諒闇記一卷、聖朝記事一卷、譚狐十事一卷、顧氏譜略二卷、以上二種潘院堂刻、繕寫書目、已刊者不錄

先給事思軒公諫垣疏一卷

先司馬觀海公船政疏一卷

先贊善學海公寶菴集十二卷

誥敕祭文神道碑錄誄行狀五卷

歲丙子、不肖衍生于舊篋中、檢得此本、讀之泫然、因追想當年、多所不符、丁亥冬、於宛陵旅舍、出而錄之、蓋不肖從先子遊於北上、已歷數年、趁庭之暇、當見手稿名目、壬戌之春、先子卒於曲沃、其稿爲徐健翁諱乾立翁諱元兩公、取至都中、不克常見、乃從諸友處、擇一二、後潘稼翁諱來謝任家居、往謀刻之、慨許數種、復於其家繕寫別本、以歸、全稿俱留東海、當續寫以俟將來、冀當世之大人先生、俯賜劑劑一二、則幸甚。

不肖男衍生謹跋

按右目所舉外、尚有唐宋韻補異同、海道經、經世篇、卷十二、明季實錄、營平二州地名記、聖安紀事、求古錄、亭林餘集、亭林佚詩、通爲四十七種、檢彙刻及專刻外、凡未經刊行者、爲二十一史年表、十九陵圖志、肇域志、岱嶽記、北平古今記。

建康古今記。營平二州史事。弗錄。下學指南。當務書。官田始末考。稟廟諒闇記。唐宋韻補異同。海道經。經世篇各書。而此菴中隨筆及詩律蒙告亦其一也。安得有大力者。奮發閱願。廣徵同志。遍覓遺稿。付諸梨棗。匯成鉅編。如會湘鄉之刻。船山遺書。斯亦不世之鴻業。其闡揚學術。沾溉儒林。爲功於後人。豈不偉哉。

明鈔本大金國志跋

大金國志四十卷。宋宇文懋昭撰。凡紀年二十六卷。開國功臣傳一卷。文字翰苑傳二卷。雜錄三卷。雜載制度七卷。許允奉使行程錄一卷。其中紕繆可疑之處。昔人論列已多。如錢遵王議其直書康王出質。詳列宗族北遷。等於獻俘。可謂無禮於君。王漁洋言紀載與兩遷錄相合。而與正史殊不同。四庫提要謂稱哀宗爲義宗。與史違異。叙破蔡州事。正爲端平元年。進書之月。述濟邸廢立事。略無忌諱。均非情理。所有文學翰苑傳。多襲中州集小傳。而元氏成書。遠在端平之後。皆竄亂顯然。錢竹汀亦議其尊崇蒙古。而於宋事無所隱諱。其指斥之詞。有甚於遵王所學者。統諸說參證之。則此書是否出於懋昭。要爲可疑。余意此書。不僅後人竄亂。或爲元人所撰。因懋昭舊有此書。遂托其名。以傳世。而不悟其文字歲月之多所抵牾也。此明鈔本。余昔年獲之雨中。蓋天一閣舊藏。藍格棉紙。半葉九行。行二十字。前有金國初興本末。次端平元年宇文懋昭進表。署銜爲淮西歸正人。改授承事工部架閣。次目錄。次金國九主年譜。次金國世系圖。宇文氏爲蜀中望族。虛中奉使。留北未歸。懋昭或其族屬。隨之北行者耶。余取掃葉山房刊本校之。其不同者。約有數端。卷首金國初興本末一篇。經進書表一篇。世系圖一葉。刊本皆失載一也。紀年各卷。闕上標注事目。刊本刪落之二也。篇中文字。語涉詆斥。如述太祖陰懷異志。席刻改途。懷大志。述太宗性特殘忍。席刻改性特果決。郭永罵虜。曰無知犬豕。席刻改無知之人。其餘若會虜等字。鈔本皆依仍。其舊三也。又文中多爲外辭。如金兵所至。其克捷城邑也。皆書曰陷。失其戰伐侵入也。皆書曰寇。犯而席刻舉爲竄易。四也。至其詞句訛奪。如天輔元年。攻陷遼國五十餘城。欲與貴朝復通前好。席刻脫與貴朝復通。五字。天會四年。今議和需稿師之物。金五百萬兩。銀五千萬兩。席刻脫銀五千萬兩。五字。天會十二年。五軍旗與正軍旗雜出。席刻脫與正軍旗。四字。皇統六年。或傷重困憊。有能送飯者。有

不能造飯者。席刻脫、有能造飯者、五字。大安三年。每遣使以子女玉帛厚賂其國。席刻脫每遣使厚賂其國、七字。大定元年。乃移牒於南宋以下三十九字。席刻誤列上卷、正隆六年。其他類此正多。五也。按愛日精廬藏有元刻契丹國志。余曾見影鈔本。其上闕有小字標目。今此書亦有標目。則其爲從元刻出可知。特行欵非其舊耳。友人章君式之、斷爲兩書同時同地所刻。其論至確。此書祇有席氏一刻。別無翻本。席刻依閣本錄副。經館臣筆削。已失其真。設不得此明鈔校正。又安能窺廬山真面耶。此書入予篋藏。已二十年。當時知好中。如章式之、莫楚生。咸有題識。因埽葉本猝不可遇。遂高閣束之前。藏於鳳禹門將軍遺書中。乃獲此刊本。因携來山中。晨夕勸誦。三日而畢。因志其厓略於此。歲在癸酉六月十二日。藏園老人記於靜宜園無量殿中。

章莫二氏跋錄後

吾吳黃蕘翁得殘契丹國志十七卷。上方有小字標目。定爲有元刻本。海豐吳氏藏舊抄。十一行二十二字本。上方有標目。與黃說同。則必景元本也。大金國志。則未聞有標目之說。而吳氏又藏一鈔本。亦十一行二十二字。上有標目。與契丹志一律可知。元時兩志。必有同時同地刻本。特金國志已斷種耳。此爲天一閣故物。行格雖改。標目則有。吳本脫去。而此尚存者。吳氏又有五硯樓鈔校本。無標目。無世系圖。末卷有佚脫。鈺取吳藏兩本。及此本。校入埽葉山房刻本。知三本各有勝處。不可偏廢。埽葉係出閣本。經館臣改去違礙字樣。與鈺前校孔莊谷手校邵二雲輯舊五代史原稿。流失相同。不多見舊本。又烏從知之。互勸旣竣。輒書管見於卷端。沅叔見書最多。願有以廣我也。乙卯四月。長洲章鈺記。

柳君春邨。以明鈔本大金國志相視。取席刻略校一過。眉間標題。卷首世系表。皆埽葉所無也。莫棠余點勘全書。至義宗之亡。宇文著論於後曰。太祖以甲午歲叛遼。義宗以甲午歲亡國。始於甲午。終於甲午。是有天焉。豈伊人力哉。嗚呼。國家興亡之故。其運數之倚伏。推之殆隱。若符契焉。余因宇文氏之言。而綜觀史冊。取宋金前後之事。比類而參證之。百餘年間。若陰爲報復。如影之隨形。響之應聲。昭然不爽。豈所謂天道好還者耶。吁。可畏矣。茲取其

類似者。析而陳之。海上之盟。金人以燕雲歸地餌宋。遂約夾攻以覆遼。至貞祐時。元軍亦與南宋訂交。攻之約一也。金人伐宋。嘗用議和之說。誤其攻守之計。以誑朝論而弛軍心。迨其後元軍南下。亦時以講和誤金人。二也。軍迫燕京。元攻數月。旋許講和。並令止援兵。高宗年曰。忠獻王及幹維太子嘗以此術誤南宋。國家自嘗爲之。豈可復陳其計。汴京圍急。徽宗傳位於太子。而終不免於北狩。蔡州垂破。義宗亦遜位於承麟。不旋踵而同一身殉。三也。貞祐燕京之圍。及天與破汴梁。陷蔡州。其守禦飢疲之苦。砲火焚殺之慘。與靖康殘毀。汴情狀相同。四也。王中興燕京城中之薪柴。拆帶殿。軍帶殿。環華閣。元軍憑城講和。索公主。質宰相。括金銀珠玉。錦繡牛馬。以求退師。終於迫令鸚鵡奪號。去冠冕。拜詔稱臣。此與粘罕之脅辱二帝者。復何以異。五也。尤可痛者。宣宗遷都汴京。三省禁中文書。秘書省蓬萊院。賁文院書籍。凡三萬車。犀玉瑪瑙器用。駱駝三千頭。至日。汴中吏民指車數。曰。恰去九十年。誰知又歸在此耶。噫。金人全盛之時。合二帥之雄略。奮百戰之淫威。破人家。國。毀人宗。廟。盡取奇珍重寶。以去。不百年而復還之。故土豈冥漠中有司其樞筦者乎。幽蘭一櫺。視諸青城之囚虜。酷烈有加。如憤家之價負。又取贏焉。凡力征經營。自矜一世之雄者。視此宜爽然若失矣。余嘗論女真之興也。至滅宋而始臻強大。然其敗亡之機。即伏於此。方其海上初起。民風淳厚。法制疏簡。上下之情易通。是以兵鋒勇銳。所向無前。滅遼之後。繼取汴宋。盡輦法物重器。子女玉帛而歸。於是再世以來。厭棄朔漠之荒寒。歆慕中原之華靡。遷都燕地。引用南人。自熙宗以後。朝野風尚。遂爲之一變矣。今以本志攷之。熙宗幼而聽悟。諸父南征。得燕人韓昉教之。賦詩染翰。雅歌儒服。分茶焚香。奕象戲。盡失女真故態。舊臣視之。宛然一漢戶少年子也。海陵王貌類漢兒。好讀書。學奕象戲。點茶。延接儒生。見南宋衣冠文物。朝儀位著。而慕之。聞柳耆卿望海潮詞。而神往。錢塘見孔彥舟進木樨花。而心喜。江南召胡隣訪。以揚州瓊花之美。景教施。宜生密寫。臨安城郭。湖山繪之。軟壁。圖像。題詩。遂勤策馬吳山之興。逮至世宗及章宣兩朝。皆好文學。工詞翰。而章宗尤嬖妃妾。耽游宴。坐視強敵。憑陵。疆土日削。而曾不之省。蓋其濡染華風。文柔逸樂。無復昔年敦樸勇鷲之氣矣。推其漸漬之深。則宮妾宦官。昵近南人。亦有由焉。試舉其著者言之。海陵之時。梁漢臣最爲用事。以地媿種蓮。首創遷燕之議。海陵王宮中燕閒因問漢臣曰。朕親遊二百年。而俱死何也。漢臣曰。自古河南爲橋。江北種蓮。首創遷燕之議。爲契非種者不能蓋地。勢然也。上都地寒。惟燕京地暖。可樂。漢主曰。依卿所奏。擇日而遷。旋獻五

運。隨。之。以。蹙。斯。亦。時。世。之。無。可。如。何。者。也。惟。深。識。之。士。見。微。知。著。衡。其。盈。虛。消。息。而。宣。導。之。其。盛。也。得。以。固。結。於。一。時。其。衰。也。亦。足。以。積。漸。推。移。而。不。搖。其。本。嗟。夫。治。國。之。術。順。人。情。推。物。理。貫。古。今。而。通。變。之。豈。易。言。哉。豈。易。言。哉。余。校。讀。此。志。竊。見。國。家。敗。亡。之。兆。常。伏。於。全。盛。之。時。其。持。盈。保。泰。之。機。臧。秉。國。者。宜。先。事。而。立。防。母。事。至。而。圖。救。則。於。國。本。治。原。之。道。其。庶。幾。矣。意。有。所。感。聊。於。此。發。之。若。夫。讀。泣。血。竊。憤。諸。編。二。帝。之。俘。囚。痛。女。眞。之。殘。暴。今。觀。其。後。裔。陵。夷。躬。蹈。覆。轍。群。快。意。於。報。復。之。不。爽。斯。固。人。心。直。道。之。公。然。其。持。見。則。已。隘。矣。癸。酉。中。元。節。藏。園。老。人。識。時。習。靜。山。中。已。匪。月。矣。

又按提要言此書記愛王作亂等。輕信偽書。冗雜失次。此殆指蕭氏異夢而言。與宋高宗初生。夢錢武肅索還錢塘事相類。異說流傳。寧足取信。然遺民思宋之情。亦可見矣。茲備錄其事於後。其他誕妄類此尙多。亦附著二則。用廣異聞。初大辨之生也。其母蕭氏。夢一人乘馬持刀。自南至。稱云南紹興主遣來。覺而與其姑言之。及生。趙王捧之而泣。曰。汝自南來耶。

海陵王召直學士蕭廉。言朕夜夢。夢至上帝所。殿中人語如嬰兒。少頃。有青衣持宣。授天策上將。令征宋國。受命出。上馬。見鬼兵無數。發一矢射之。衆皆喏而應。既覺。言猶在耳。即遣人至殿中。視其乘馬。其汗如水。取箭數之。亦亡其一。此異夢也。

大定六年夏。熙州野外深水。龍見三日。初於水面。見蒼龍一條。良久即沒。次日見金龍。以爪託一嬰兒。雖爲龍所戲。略無懼色。三日金色如故。見一帝者。乘白馬。紅衫玉帶。如少年中官狀。馬前有六蟾蜍。凡三時方沒。郡人競往觀之。相去甚近。而無風濤之害。

校明弘治本石屏詩集跋

石屏詩集十卷。宋戴復古著。明弘治陽城太守宋鑑刻本。半葉九行。行十九字。黑口四周雙闌。前有弘治十年邑人謝鏞序。又趙汝騰。吳子良。樓鑰。包恢。趙以夫。趙汝誠。眞德秀。王桢。倪祖義。趙審。姚鑰。榮譽。楊汝明。諸人舊序。至正戊戌貢

師秦序。首冠以東單子詩。末附宋人戴漁村等二十七家詩。後有西充馬金跋。十四孫鑄跋。蓋馬氏得舊寫本。又從戴氏裔孫鑄得家藏版本。編成十卷。付太守宋鑑傳刻者也。台州叢書以石屏集冠首。然所據乃長塘鮑氏鈔本。故奪誤仍所不免。余以此刻勘之。如卷一紀真德秀奏事詩。二三聯補佚詩。三句卷三題思齋後。補張子明永齋詩。謝項子宜詩。題姪曷東野農歌詩。凡五律三首。連小序正脫一葉。又授江西曾憲詩。補第二首。及臨江小泊。寄鄒潤甫趙丞語舊。謝蕭和伯。半首諸詩。亦脫一葉。其他字句訛失。賴以糾正者。亦多至數百事。蓋緣自明以來。刻板流傳。頗有殘佚。晚印時。遂有缺葉。後人不獲窺見原版初印。無從補訂。故相沿至今不改。余初見此帙於文友書肆。其缺翻皆完。故得以從事輯誦。嗣見海虞瞿氏所藏。經蕘圃手跋兩通。珍誦甚至。然檢其卷中所缺之詩。乃更不止此兩葉。可知古書必以初開完善者爲貴。今人得一舊刊。不求其端。不訊其末。而欣欣然自珍爲創獲。徒驚虛名。而不知眞貴。良足歎也。癸酉七月初九日藏園手記。

明寫本北堂書鈔跋

北堂書鈔一百六十卷。明鈔本。棉紙墨格。十一行。行十八字。至二十一二字不等。版心下方有臥雲山房四字。原缺第十至三十各卷。取明鈔別本補完。收藏有李氏任輿藏書之印。又任輿朱文圓印。卷尾有寶康跋。蓋其家舊藏也。茲錄如左。

此本與平津館鑒藏記所引同。而尤與經義述聞內所云鈔本北堂書鈔諸條合。洵善本也。擬以影宋御覽。元本初學記事類賦等書。并各書今時有善本合校之。錄成定本。誠盛舉矣。侂日有暇。當爲之。孝劭記於淮署之候漢齋。時乙未如月二十五日也。

此書余於壬子夏。得之廠市。祇存數冊。既而無意中。又獲其半。所缺。歷十之一耳。昨歲文祿堂送閱一冊。跡之。正是原書所佚。因以十金購之。然合三次所收。尙有缺遺。適篋中儲有明寫殘帙。因析取增入。而是帙幸得復完。孝劭爲雲貴總督崧蕃之子。盛伯義祭酒之女婿。雅嗜圖籍。精於鑒別。多藏宋元舊本。書衣紙尾。手自籤題。意興清逸。此帙記於淮

署者。蓋其父方任漕運總督。駐節清江浦也。惜其中年天逝。辛亥歲暮。藏書斥賣一空。此書以錯雜群籍中。凌亂離析。遂致蕪落不完。余喜其鈔筆樸舊。頗足正孔刻之失。私以敝帚自珍。時復刻意訪尋。遲之又久。卒令樂昌之鏡。缺而復圓。付工裝成。良自忻慰。然溯孝節題識之日。摩挲歎異。竊欲持此以追步平津。曾幾何時。而風流歇絕。卷軸飄零。零落塵埋。幾以供養誼之具。設非幸遇賞音。得不與繫下焦桐。同歸摧毀乎。嗚呼。白乙未迄今三十有九年矣。滄海三見揚塵。龍漢屢經劫。王侯第宅。文武衣冠。其積漸淪夷。以至於蕪滅者。殆不可以僂計。此區區簡冊。流轉風塵。幸逃劫火。者又奚足悲耶。且今日以余護持之功。重登几案。而際此龍蛇起陸之秋。後此之飄蓬溷濁。誰復可料耶。欣賞之餘。不禁感愴橫臆矣。癸酉七月初九日。沅叔記於香山古刹。

寫本陳伯玉文集跋

陳伯玉集。以明弘治四年楊澄刻本爲最古。緣其自中秘鈔出也。昔年廠市。曾出一帙。爲周君叔弢以高價得之。余夙嗜唐人集。有見輒錄。况伯玉爲吾蜀先輩。初唐大家。寧能久付闕如。顧楊刻不可再見。因從叔弢假來。欲留一副本。適其時北洋女校生徒。多寓燕京。乃分致諸女士。依仿原本摹寫。人各一卷。數月乃成。咸令署名卷尾。時在丙辰十一月也。其後辛未之秋。余六十初度。張菊生前輩。遠寄弘治本見貺。數十年夢想而不獲者。竟邀良友之惠。以償生平之願望。爲之權喜无量。於是取而並儲之雙鑑樓中。彼以古刻稀見爲珍。此以集錦分書爲貴。可云雙璧矣。頃來山中。携入行笈。偶爾開函。檢視忽忽。已有八年。憶光緒甲辰之歲。余始創女學於津沽。時風習淳樸。新制始萌。費舍方開。老成駭怪。流俗之譏嘲。僚友之規誡。不絕於耳。余銳意圖維。一不之恤。頻歲之間。連闢三校。幽閨才俊。世族名媛。不遠千里。負笈而來者。殆數百輩。其間監理之嚴。護持之密。實余妻凌夫人之力爲多。奔走勤劬。或終歲不得寧家。北洋女學。駭駭馳譽於全國。諸生學成而歸者。亦傳衍於南北行省。已而名徹九重。遂拜總理京師女子師範之命。此冊中十人。固皆當時校中之高第弟子也。桑海以還。迄今又二十餘年。絳帳羣英。大率風飛雨散。余妻既溘先朝露。而余亦頽然一老。秃翁無復少年壯往之志。撫覽茲編。不禁凄然動懷。舊之蓄念矣。此十人中。鄉生系出世家。文學最爲優秀。而晚歲

懽悴京華。卒窮困以死。陳史兩生。皆早歲貞孀。厲行篤志。儕輩交欽。史生曾授讀白宮。而清貧自勵。吟詠不輟。陳生績學能文。工於六朝儷體。才略夙長。乃盡職於母校。二十餘年不他徙。皆人所難能也。自餘諸生。各能善用其才。勤舉陰教。以昌大其家。兆暉歸於余姪。仕蓮巒於王氏。咸克脩內佐外。見稱於黨。惟趙生懋華。特有遠志。留學德意志。卒授法學博士學位而歸。是又余感歎之餘。而引爲欣幸者也。

攷前代刻書。其寫官多署名於版心中縫。北宋刊七史時。由崇文院牒下杭州開板。令覓工書者繕寫。是寫書之事。昔人固慎重其事矣。至聚集多人。分繕一書。清高宗時。屢詔詞臣爲之。如昭明文選。今故宮所儲。尙有四部。乾隆丁卯分繕。有王際華盧文弨等二十一人。乾隆己巳分繕。有倪承寬劉權之王杰曹文植沈初李調元等二十四人。乾隆甲戌分繕。有梁國治劉墉秦大士等二十人。乾隆庚寅分繕。有謝啓昆劉躍雲等二十人。或卷摺精楷。或繩頭細書。咸精麗絕倫。爲世寶玩。同光時。廠市流行之臨文便覽字學舉隅諸書。亦由坊賈以重金乞翰林。分寫人祇一二葉。余澆諸女士合寫此集。固猶有故事可循也。至弟子爲師寫書。亦有前例。昔宋景濂學士講學金華。及門人材最盛。入明以後文字。刊爲景濂文粹續文粹兩編。其書密行精楷。雅麗無儔。考諸題識。知爲門人劉剛林靜樓璉宋璉諸人。分卷手錄付雕。故能工妙如此。自維學行。譴陋曷敢上。喘景濂之一萬一。而諸生愛桃李之舊陰。擅簪花之妙格。所以貺余者。與劉林諸君異代同符。其盛意良足欣感。用詳誌顛末。俾後世子孫什襲珍藏。使知紅閨妙翰。視金馬玉堂之官體。書尤足使人矜重也。癸酉七月二十二日。藏園老人書。時將入香山。倚裝待發矣。

卷一 陳翠琬 續建人今爲女子學院學監

卷二 趙懋華 四川南溪人適梁國文留學德國法學博士

卷三 趙懋芸 四川南溪人適陳漢傳

卷四 鄒筠英 江蘇無錫人前廣西巡撫都鳴鶴之曾孫女

卷五 徐秀芳 江蘇人

卷六楊潤六 江蘇無錫人適劉文泉

卷七周 芬 福建人同年周熙民之女適葉

卷八 凌集嘉

傅仕蓮 余姪女適新民王家瑞

卷九吳兆暉 四川成都人余兄子德謨之婦

卷十史濟道 江蘇江都人

寫本歷代宅京記跋

顧亭林先生著歷代帝王宅京記二十卷、四庫全書地理類著錄、蘇州府志作歷代都城宮闕考、提要稱其舊無刊板、嘉慶戊辰、五世孫錫祉、以家藏稿本付刊、所謂來賢堂本也、光緒戊子、朱槐廬亭林遺書中復刻之、前歲余游杭州、於陳立炎家見舊寫本、經張古餘太守手校、前有古餘及丁小疋跋語、卷末有衍生手跋、言茲編告成、曾寫兩本、一貽潘太史、一贈靖逆侯、小疋謂此是本當出靖逆侯家、余喜其字蹟極舊、且經前人以朱墨筆點校一過、因亟收之、暇時偶取朱刻對校、文字訛奪、觸目皆是、最甚者、朱刻次序凌亂、脫漏之文、連篇累葉、幾於改不勝、茲學其拳拳大者、如卷三、秦靈臺下、脫注、引括地志文二十八字、作密時下、脫注、引正義文二十四字、卷十三、脫梁武十年初、作宮城門正文、一條、十四字、卷十四、後魏高帝四年七月作東明觀下、脫九月乙亥、思義殿、正文、十四字、卷十六、後晉天福二年大寧宮下、脫三年、置開封府一條、正文、三十四字、然猶可諉曰鈔胥偶失也、其尤足詫者、秦襄公賜受郿鄠之地、列爲諸侯、其下應接後八世穆公稱伯云云、乃驛入卷四、漢事中、卷四自驕蕩宮起、不知其上尙有長樂宮、未央宮、建章宮、諸條、凡七、葉又十四行、而更以桂宮、北宮、甘泉宮、扶荔宮、皆屬入卷三、中其扶荔宮、西王棗下、脫花果樹木、凡十一行、葡菡宮下、脫承華殿、宜春宮等、十四條、卷四長安城南出第一門下、鈔本有南出第二門、第三門、西出南頭第一門、第二門、西出北頭第一門、北出東頭第一門、第二門、北出西頭第一門、方合、長安十二門之數、刻本覆蓋門下、脫失、凡八條、

卷五首甘泉苑上。脫上林苑一條、四百餘字。廣明苑上。又脫御宿苑、思賢苑、西郊苑、樂游苑、宜春下苑、凡五條、四百餘字。其以下各卷。尙未及畢勘。得失殆不可知。然余更以來賢堂本核之。上舉各條。來賢本皆不脫。誤不知朱氏付梓所據。爲何不致紊亂。漏落如此其極也。大抵此書舊無刻本。提要稱其寫本不一。展轉傳鈔。訛缺異同。固不能免。即提要所舉浙江進本。較湖北進本。總序中多唐代宗廣德元年幸陝州一條。元順帝至元二十五年。改南京路爲汴京路一條。今鈔本及新舊兩刻。均無之。可知當時傳本。手鈔愈久愈失。朱氏所得。缺失尤甚。而來賢堂本。流傳較稀。覆木時。固未及見也。余嘗論亭林負蓋代之才。懷經世之略。身丁艱阨。蘊不得施。故憤著書。以傳於世。而於地理之學。尤爲博通。洵實言必有體。國經野之心。而後可以登山臨水。必有濟世安民之識。而後可以考古論今。故舉其畢生之力。總萃一統志二十一史及天下府州縣志書。以成肇域志。復撮錄其有關於政治者。爲天下郡國利病書。更彙集歷朝建都方域制度。以成此書。蓋卜世之短長。基於定鼎之得失。統觀歷朝締造之始。必居上游。控形勝。道里均。財賦集。厚集其勢。以建不拔之基。雖中才之主。亦可守成。而無患。若夫宴樂於一隅。懷戀夫鄉里。苟爲便安一時之計。而不思制馭四方之圖。權勢一失。不能復振。未有不敗亡隨之者也。嗚呼披觀先生此編。以求古今興衰之迹。後之謀國者。宜可以深長思矣。余以宅京之利害。深繫於國本。而朱氏所刻。乃紕繆如是。故備舉其失。冀得有志之士。據來賢堂本。以廣其傳。庶治史者得以參稽。無或沿訛襲謬。以大負先生纂述之勤。則幸矣。癸酉七月初九日。藏園老人記。時大雨激脊。園林清瑟。秋意已深矣。

顧衍生丁小正張古餘跋錄後

先府君著書數種。俱有自序。載入集中。茲編告成最晚。甫脫稿。先君捐館。徐相國遣人取去。自念雲泥勢阻。無能往來。至相國歸田後。始獲檢還。復錄二本。一貽潘太史。一贈靖逆侯。不肖衍生泣血誌。

亭林先生嗣子衍生跋云。復錄二本。一贈靖逆侯。靖逆侯不知何人。浙江采進遺書總錄閱集第八十六翻。有張襄壯公奏疏六卷。云國朝靖逆侯西安張勇撰。皆其奏積疆場。及歷辭封號諸疏。据此則衍生贈書之靖逆侯。似

即張襄壯矣。此書浙江進本止一册。蘇州志亦云。今傳寫本六卷。蓋總序二卷。開中四卷而外。自洛陽以至遼陽。世人罕見也。特未知此本。即出靖逆侯家否。丁小正。

教案此書所引三輔黃圖。雖於中不無刪削。然前後錯見。大略俱在。較之靈巖小館所刻黃圖本。互有異同。亦互有得失。茲就其傳寫脫誤。較然明顯者。依畢本改正。餘則一仍其舊。蓋三輔黃圖。自宋以來。傳本不一。所据各異。正未可以彼而議此也。壬子閏月二十六日。鐙下識。

愚按衍生跋。言寫此書二本。一贈靖逆侯。以年譜攷之。知爲張又南。非勇也。又南名雲翼。咸寧人。甘肅提督勇之子。以父蔭官太常寺卿。父沒襲靖逆侯爵。改江南提督。先生康熙乙卯八月至西山祁縣。又南曾過訪。所注左傳。註詳補正三卷。又南捐貲刻之。沅叔附志。

校朝鮮史略跋

朝鮮史略六卷。不著撰人。以文考之。知爲明代彼國人所著。四庫入載記附錄內。其書卷一紀東國古事。始檀君箕子。衛滿漢四郡二府三韓。終以新羅高句麗百濟三國。其紀高句麗始祖朱蒙。立於漢元帝建昭二年至唐太宗時。蘇定方兵入平壤。王高賊降止。凡七百餘年。卷二新羅紀。起文武王。至敬順王降高麗止。發明王時立王建爲王國號高麗。卷三至卷六。皆高麗紀。起太祖神聖王。至恭讓遜位於李氏止。凡四百七十五年。全書仿編年之體。事類亦分注於下。文字簡富。有法而神。誕穢瑣之事。往往備載。不免自穢。其書然東國史。乘流傳中土者。更莫有先於是矣。余昔年於坊市觀一寫本。乃嘉慶壬申葉東卿所鈔。而任丘金象豫爲之校正。越二年。大興翁樹崑又覆勘焉。蓋葉氏從明萬曆本傳錄。而諸人爲之校勘。至於再三。可知其書之罕傳矣。余因屬鈔胥影寫一帙存之。頃聞北平館中新收得萬歷刻本。爰取假觀。原本半葉九行。行十八字。每卷後均題皇明萬歷丁巳校書人名一行。卷一爲莆中郭天中聖僕。卷二爲吳郡趙宦光。凡夫卷三爲吳郡黃習遠伯傳。卷四爲吳郡葛一龍震父。卷五爲閩中何璧玉長。卷六爲秣陵廖孔悅。其生其人固皆當時知名之士。前後別無序跋。與余所傳葉東卿本。咸相配合。取以比較。則鈔本脫落文字頗多。舉其要者言之。如卷一新

羅王號次次雄下。脫或云慈充方言巫蓋神而敬畏之稱。注文十四字。新羅王子阿達羅王立下。脫漢永興二年注文五字。高句麗太子改名釗下。脫晉咸和六年注文五字。僧惠亮來王以亮下。脫爲僧統始置百座講會及八十一字。卷二景德王改郡縣名下。脫又改官號四字。其它單奪訛者。難以悉舉。最甚者。卷四第三十八葉以下。空缺文字至三十餘字。賴此本一一補完。凡全書六卷。補訂三百四十一字。夫以葉氏所鈔。其行格一遵萬歷原刻。而所校諸人。又皆當時學流。宜其可以傳信於後。今以原刊勘之。乃其漏略。謬舛。指不勝屈。然則凡讀古書者。設非目見原本。固有不可盡信者。耶。按海虞瞿氏目中。亦載有鈔本。然其標題則爲東國史略。其後有萬歷庚戌趙清常跋。其後八年爲丁巳。書乃刻成。今館中所藏兩本。皆無趙跋。意其年久佚去。然其標題。赫然爲朝鮮史略。固無東國之名。且根本後尙附有餘姚錢古訓百夷傳一卷。余所見刻寫凡三本。皆不見。豈前後數載。此書凡再刻耶。其事要不可以理解。聊記於此。以質當世博覽之士焉。

影宋本謝宣城集跋

謝宣詩集五卷。汲古閣毛氏影宋本。半葉十行。每行十八字。目錄次行。題銜爲齊尙書吏部郎陳郡謝朓元暉。卷一第二行低三格。題賦一字。三行低四格。題酬德賦。後有紹興丁丑秋七月東陽樓韶題。又嘉定庚辰冬十二月望鄱陽洪級識八行。此二跋。半葉八行。行十五字。卷中印記凡八方。曰宋本。曰甲。曰汲古閣。曰東吳毛氏圖書。曰毛氏子晉。曰子晉書。印。曰汲古主人。曰汲古得脩。皆毛氏所鈐也。用薄棉紙。畫烏絲欄。按宋刊點畫摹出。其筆墨未爲精麗。在汲古影寫本中。尙非上選。然氣息雅靜。後來錢席家精心仿造。願猶未必逮此也。按宣城集。吳氏拜經樓所刻。據盧抱經宋本校訂。余前據劉氏所藏宋刻殘本覆勘。其目錄次叙。及結構之不同。既已詳舉之矣。茲據影宋本以校後三卷。則異字又復迭見。即以卷三言之。如其如離別何。宋本作別離。江海含瀾波。宋本作合瀾波。宸景厭昭臨。宋本作照臨。奔壘帶苔蘚。宋本作奔。壘。會是共治情。宋本治下。注一作怡。涼蕪乘暮晰。宋本作涼。蕪。風振蕉蓬裂。宋本作蕉。蓬。豈抱經所見。爲別一宋本耶。抑盧氏臨校有疏謬耶。且檢拜經後跋。曾於刊成後。親見蕪圃所藏嘉定鄱陽本。其行款固與此

影本正同。乃吳氏僅言其體格、校此稍異。只取序跋、補刊之。而於文字之誤、乃不置一詞、又何耶。余嘗恨謝集宋本。世人多不得見。而吳氏重刊。又不可盡據如此。因縱與劉氏取宋刊殘本。覆諸貞石。其殘佚後三卷。又請於德化李椒徵師。假此汲古影本。以足之六朝名家。從此多得一善本。以供循諷。余亦得藉手以奏煉石補天之妙。續不意垂老有此奇遇。寧非幸哉。寧非幸哉。八月初五藏園老人記。

藏園檢理殘書記

辛亥殘臘游杭州。就坊肆搜訪舊籍。時兵事甫息。居人奔迸四出。井巷蕭條。閱市數日。渺無所得。偶於學院街前。見脩本堂書坊。已閉門輟業。其肆主長身骨立。瘦面如削。人評爲何長兒。入其室。閣不辨字。積塵盈寸。連檯疊架。皆殘缺蠹損之書。然粗檢數捆。乃多有明刊舊本。因擇取其佳刻及稀見者。議值十八金。捆載三大篋而去。還北以來。閉置空屋中。移家數四。亦不暇緝閱。蓋入余手者。已二十又二年矣。前日啓篋披觀。蟻蠢四走。懼日久蝕毀殆盡。化爲蟲屑。爰竭日夕之力。揀取百許冊。付工裝治。粗記其目如左。異時廠市冷攤所獲者。亦附志一二。俾異時得以攷訂焉。

崑山雜詠二冊。存卷五至十一。又卷十五至二十一。凡十四卷。

半葉十行。行十八字。白口單闌。嘉靖刊本。楷寫精雅。卷末有周可順寫唐尹刻二行。

按此本乃明人所輯補。非宋人原本也。宋本今在常熟瞿氏。余曾見之。大字古雅可玩。

宋特進左丞許相公奏議一冊。存卷第三。

嘉靖刊本。半葉十一行。行二十字。白口單闌。版心不題書名。祇卷之三三字。迥非恆式。次行題明汝州守十一世孫詔相編梓。按此書陸氏十萬卷樓曾刻之。

尙書說七卷。缺第五卷。

萬歷刊本。十行二十字。白口雙闌。題宋禮部尙書兼龍圖閣學士新昌黃度著。同邑呂光洵校。延平田瑄合肥黃遵年同閱。十一世孫天球裕獻梓。前有萬歷乙亥古肥後學黃遵年序。又呂光洵序。據言與唐荆川太史同校者。

昔人謂通志堂所刊，乃依千頃堂黃氏鈔本付刻。脫文缺字，難以枚舉。不及茲本之善。暇時當取而勘正之。會稽志一冊。存卷十九，雜記門。

明正嘉間刻本，十行二十字，白口雙關。

徽州府志二冊。存第十一、十二兩卷，詞翰門，并補遺。

明成化刊本，九行二十三字，大黑口，四周雙關，卷中文皆雙行夾注，刊工樸雅。

麟溪集一冊。存壬癸兩卷。

明刊本，十二行，二十字，黑口，四周雙關，卷中所收多元末明初人詩。其人多他書所未見。

晉書鈎玄一冊。存上卷。

明萬歷刊本，晉陵守錢 輯，九行二十一字，前有萬歷六年順德府推官虎林陳與郊序，亦宋人史記法語兩漢

博聞之類。撮取舊詞，供臨文之蒐采耳。

周易象旨決錄七卷。缺卷一二。

題原任禮部郎中四川富順南沙熊過著，門弟南墩熊澗重校，明嘉靖刊本，十行二十字，白口四周單關，後有嘉

靖壬戌河東遂司同知劉時舉跋。

按此書初脫藁時，龍巖趙氏刊板於閩中。後數年水部曾氏確菴復捐俸梓於蜀中。此又南墩按臨河東時所鈔本。蓋據閩蜀兩本重校者。自嘉靖以來，凡三刻矣。康熙時聞有刻本，然殊不多觀。文淵閣著錄。此書全謝山極推重之言，其跋博遠在來氏之上。蓋滴居滇南所作。凡宋元易解一百五十家。明嘉靖以數十家。南沙書中無不有之。如宋之王太古、明之黃南山，今皆不得見其書。而南沙成引其異同，可謂博矣。程子言易學多在蜀中，信然。安得有人取而刊布之耶。

蘇平仲文集三冊。存卷一至五，又卷十四、凡六卷。

明正統處州府推官章貢黎諒校正重刊，十二行，二十四字，黑口四周雙闌，前有劉基序，次目錄，題迪功郎蒙陰縣主簿永嘉林與直編集。

王忠文公文集二冊。存卷六至十八，凡十三卷。

明正統刊本，十三行，二十六字，黑口四周雙闌，題鄱陽三臺劉傑編輯，廬陵銅溪劉同校正二行，密行細字。猶有洪武時風範。

水東日記二冊。存卷十至三十八。

明正嘉間刊本，十行二十字，黑口四周雙闌，此本殊罕，似是閩中所刻。

唐歐陽先生文集一冊。存卷五至八，並附錄。

明萬歷刊本，九行十八字。

致堂先生崇正辯四冊。存第二三卷。

明刊本，十行十八字，卷三末題記六行，錄如後。

崇正辯中冊。吳元年內僉國賓借看。轉借翁德明。留在何鋪。四月初六日夜。海寇鍾九皋餘黨願鬪侵境。官軍尅復。居民房屋燒燼。此書無存。當月失記。有朋友龔敬之於路。拾得此冊相送。比舊略短一米。復成全書記之耳。

海昌楊復彥剛志。

南北史續世說一冊。存卷一卷八。

明嘉靖刊本，十行二十字，白口雙闌，題隴西李屋撰，有周詡之印，虞若白文印二方。

汝南圃史六冊。存卷五至十二，凡八卷。

吳郡周文華含章補次，前題致富全書，後題汝南圃史，明刊本，八行十八字，存水果木本花條刺花草本花竹木草蔬菜各部，亦羣芳譜之先河也。文淵閣入存目。凡十二卷。

陸士龍文集一冊。存卷四至七。

明正德翻宋本。十行十八字。白口雙闌。有養拙齋顧肇脩讀書記朱文兩印。南歸紀行上下卷。

舊鈔本。楊士奇正統四年二月回籍省墓所記也。前有璽書奏摺祭告文祝文。後附南歸詩稿。凡詩七十餘首。此帙未審刊入東里文集否。有葉德榮甫世藏白文印。

唐詩類苑一冊。存卷一至五。原書一百卷。

明活字本。十行二十字。中縱有崧齋雕本四字。前萬歷丙戌王元美序。次汪道昆序。次屠隆序。次李自奇序。次卓明卿自序。各卷題仁和卓明卿澂父編輯。華亭張之象玄超長洲毛文蔚豹孫同校。隱湖倡和集。存上中卷。

康熙汲古閣刊本。十行十九字。蔚村陳瑚確菴選。汲古後人毛襄華伯訂。康熙二年楚蘄盧紘序。順治辛丑馮班序。陳瑚序。有俊明孝章二朱印。不寐白文印。耿菴朱文印。

何仲默集三冊。存卷一之八。卷二十一至二十六。

明嘉靖刊本。十行十八字。題何氏集。前有嘉靖三年蘭谿唐龍序。版心有野竹齋雕四字。寫刻極精工。此本最爲罕觀。有何仲子白文印。當即仲默自鈐也。

璧水羣英待問會元二冊。存序目。卷十九二十。

明活字本。十一行二十三字。前有淳祐乙巳建安陳子和中甫序。言友人劉君達可爲是書。凡九十卷。十六門。分二百三十八類。每類先名流舉業。次故事源流。次策頭。策段。事料。皆爲士子揣摩之用也。常熟瞿氏目著爲宋刊本。

唐詩紀事十冊。存卷一至三十七。

明嘉靖刊本，十行二十一字，白口單闌，有任邱邊氏印，此寫刻本。與洪樞方體者，別爲一本。意林語要一冊，存卷三之五。

明刊本，九行二十字，白口單闌。

思玄集三冊，存卷六七，卷十二至十六終。

明活字本，十行二十一字，後有萬歷二年粵西柳融青城野史李祝塌詔後序。

閑適劇談二冊，存卷三卷五。

鄧球著明刊本，十行二十一字，白口四周雙闌，卷三中有漁問一篇，乃老子注解今書收入，卷五中有曇陽大師傳一篇，此書黃氏千頃堂書目四庫存目。

論衡一冊，存卷一至三。

明通津草堂本，十行二十字，白口雙闌，有賜硯齋、牛坤字次元、老隱於平谷、大興牛坤之印、次原藏書各印，皇明文衡一冊，存序目卷一至七。

嘉靖刊本，十二行，二十三字，白口單闌，卷首題銜三行如下。

翰林院學士新安程敏政選編

鄉進士國子監助教永康范震校正

賜進士應天府儒學教授鄧李文會重校

按此從成化本翻刻者，目後有牌子照錄左方。

皇明文衡一書，原板出在金陵，適於我朝名賢之所著，纂集百餘卷，其間載有聖道治度詔誥表章詩書禮樂詞賦碑銘序文形物議論諸事類，正後跋俱全集也。今書坊宗文堂購得是本，命工刊行，以廣其傳，四方君子，幸爲鑑焉。時嘉靖八年孟春月穀旦 本堂 告白

高奇往事一册。存卷八。

括蒼何鍾輯、明刊本、十行二十字、存奇林門奇識一百三十二則、采子史百家故事、然不注本書、明人通習如是、樊川文集三册。存卷三至十四、凡十二卷。

明翻宋本、十行十八字、白口左右雙闌、

文公禮儀節三册。存卷一、卷七、卷八、

明丘濬輯、正德刊本、八行十六字、黑口四周雙闌、前有成化甲午瓊山邱濬序、次引用書目、次文公家禮序、卷八末有書坊記十行、錄如左、

家禮儀節、初刻於廣城、多誤字、後至

京師、重校改正、然未有句讀也、竊恐窮鄉下邑、初學之士、卒遇有事、其或讀之、不能以句、乃命學者、正其句讀、適福建僉憲古岡余君諒、以事來

朝、謂此書於世有益、持歸付建陽書肆、俾其翻刻、以廣其傳、云、成化庚子秋八月吉日謹識、

正德戊寅孟秋吉日、直隸常州府重刊、

楚辭集註五册。存卷一五六七八、辨正上下、反騷、凡八卷、

明翻宋本、十行十八字、白口雙闌、有中吳錢氏攷藏印、錢氏叔寶、懸磬室、錢穀、諸印、

唐雅三册。存卷十三至十七、卷二十四至二十六、

明嘉靖刊本、九行十七字、白口雙闌、每卷次行有大明嘉靖壬子歲直隸常州無錫縣置板一行、此書大字精整、頗宜老眼、

黃帝內經靈樞二册。存卷九至十六、又二十一至二十四、凡十二卷、

明翻宋本、十行二十字、白口雙闌、每卷附音釋、

杜工部詩一册。存卷二三。

明正嘉靖刊本。九行十七字。注雙行同。白口單闌。按注文有王洙黃鶴蔡夢弼諸家。又有評語。當是須溪也。歷代文粹一册。存卷七。

明刊本。十一行二十字。白口雙闌。板心注字數人名。水經注一册。存卷九至十一。

明黃省曾刊本。十二行。二十字。白口雙闌。三禮考注二册。存二十八至五十一。

明刊本。十一行。二十四字。黑口四周雙闌。蠶蠟集一册。存卷四五。

明刊本。十行十九字。白口單闌。此本字體方整。與通行本不同。淮海集一册。存卷八至十一。

明刊本。十行二十一字。白口四周雙闌。此寫刻本。與張紱本不同。

淵穎先生集一册。存卷四至卷六。

明嘉靖刊本。十一行二十二字。白口雙闌。從元本翻刻者。元本爲宋璩手寫。精雅絕倫。此特存形似耳。鄂國金佖粹編一册。存卷一至三。

明翻元本。九行十七字。黑口雙闌。前有嘉靖壬寅張鑿序。又戊午黃日敬序。卷中空葉斷板甚多。元史節要二册。存卷六至十四。

明翰林編脩張九韶美和編輯。七世孫進士克文宗質重刊。庠生克文宗周校閱。明刊本。十行二十字。白口四周

雙闌

通鑑前編三册。存卷一二、又卷十五至十八、

金履祥編元刊本、十行二十二字、黑口雙闌、版心上記字數、下記刊工人名、前有天歷元年金華許謙序、又進書表、有成化十二年南京吏部補刊之葉。

易經旁訓二册。存卷二三、

明刊本、七行十七字、封名占雙行、白口四周雙闌、此本雕鏤古雅、頗類宋刊。

儀禮鄭注一册。存卷七八、

明嘉靖徐氏刊本、八行十七字、白口四周雙闌、注雙行、不附音釋、每卷後記經注字數、

周禮鄭注二册。存卷四五、

明翻岳刻本、八行十七字、注雙行同、白口四周雙闌、注後附音釋、左闌外有耳記篇名、卷中刻有句讀、

唐宋文二册。不分卷、

明人寫本、藍格棉紙、十行二十一字、所錄皆序記之文、字體疏古可玩。

列傳一册。存四十五至四十七、

藍格明鈔本、九行二十字、傳後有蠶衣生論、是郭子章所撰、

唐王建集一册。存卷四至八、

明嘉靖刊本、十行二十字、白口雙闌、此唐詩二十六家本。

春秋繁露一册。存卷一二、

明刊本、九行十七字、白口四周雙闌、前有嘉靖甲寅四川布政司右參議水寧趙維垣序、此是兩京遺編本。

春秋繁露一册。存十四至十七、

明刊本九行十七字、黑口四周雙闌、

吳興掌故集五册。存卷四之七、卷十一之十七、

明九靈山長徐獻忠輯、延州布衣吳夢陽闕、後學茅獻徵校、明刊本八行十六字、白口雙闌、此書劉氏嘉惠堂有新刊本。

石堂先生遺集三册。存卷七八、卷七十八、

宋陳普著、明刊本十行二十二字、白口單闌、有章氏藏書、然明氏二印、

建寧人物傳一册。存卷四、

明李默纂輯、明刊本九行二十二字、白口四周雙闌、此當爲建寧府志殘卷。

殊域周咨錄一册。存卷五六、

明刊本九行二十字、白口單闌、安南上下全。

今古輿地圖一册。存上卷、

明刊本十行二十四字、白口單闌、闌十幅、朱墨套印、前有崇禎癸未陳子龍序、戊寅山陰吳國輔序、篆文五經四册。存儀禮卷十四五、卷十七至二十、周禮卷三、

明刊本九行十三字、黑口雙闌、儀禮卷末有後學廬陵鳳梧校刊一行、

大唐六典一册。存卷五至七、

明正德刊本十二行二十字、白口雙闌、版心上記字數、下記人名、有馬玉堂印、笏齋二印、

史鑑一册。存卷十六至二十、

明刊本十二行二十四字、黑口四周雙闌、存臣道十四至三十一、子道、弟道、友道、后道、母道、婦道、外道、各門、此書爲楊鐵崖所撰。

象山先生全集一册。存卷十四至二十。

明刊本，十行二十字，白口四周雙闌。

宋朝文鑑一册。存卷二十九至三十一。

明刊本，十三行二十一字，黑口雙闌，有會稽鈕氏世學樓圖籍朱文印。

筆奕五册。存卷四至八，又失卷。

舊鈔本，題於越明眉陽呂曾見著，男新周輯，同里後學雨公施爾忭閱錄。

居敬堂集二册。存卷一五六七。

題大明趙王枕易道人著，明嘉靖刊本，九行二十字，白口雙闌，前有嘉靖四十四年乙丑吏部尙書安陽郭朴序。

又河南布政左使孔天胤序，都察院右副都御史鈞陽黨以平序，卷一古詩五古七古五律五排，卷二七律五絕。

卷三七絕詩餘奏疏，卷四序，卷五序，卷六記說傳銘贊頌題跋，卷七雜著，卷八尺牘，卷九碑志，卷十祭文，有汪魚亭藏閱書朱文印。

按此書極罕觀。余別有題識。此不贅述。

常熟文獻志七册。缺卷六至九。

邑人管一德士恒編次，凡十八卷，前有吳郡守黉城李右諫序，知縣瀛海耿橘序，萬歷乙巳管一德自序，凡例十

二則，十行二十字，有溫陵陸氏藏書印。

古穰文集一册。存卷二十至二十四。

明李賢撰，天順刊本，十一行二十二字，黑口四周雙闌，存祭文銘箴贊賦古今體詩，二十三、四爲和陶詩。

詩外傳一册。存卷三四。

明通津草堂刊本，九行十七字，白口雙闌，有鄭氏藏印四方，均粗朱文。

淡泉

大司 擬公深處 海濱逸民 準藏書樓
送章 清暇奇觀 平泉鄭版 書藏之印

元藝圃集一冊。存卷一二。

明順陽李袞編選，凡六卷，萬歷刊本，十行二十字，白口單闌。

前有萬歷十年壬午五月李袞自序，八月再序，次目錄，通一百十八人，有野艇邵翁二印，劉子一冊。存卷九十。

萬歷刊本，十行二十字，白口單闌，版心上方有世恩堂三字，每卷題播州錄事參軍袁孝政注，吳人後學蔣以化校一行。

後有萬歷壬辰海虞後學蔣以化仲學跋，言得道藏全帙，刻於孝昌署中。前有京山李太史雲杜序，辨爲北齊劉畫著，非認也。此本序已佚，闌上朱校字，似抱經筆。有廿年精力所聚一印。

齊民要術一冊。存卷九十。

嘉靖刊本，十行十八字，上字，白口雙闌，後有紹興甲子鎮須葛祐序，嘉靖甲申儀封王廷相子衡序，言侍御鈞陽馬公直卿按治湖湘，獲古善本，乃命刻梓云。莫目所記明湖湘本即此也。傳世極稀。

論衡一冊。存卷四至六。

明南監舊本，十行二十字，黑口雙闌，宋版存者多模糊，版心上記字數，下記刊工人名，有弘治十七年補刊，正德十六年刊，嘉靖元年補刊，皆記版心上方。

釋氏稽古略一冊。存第三卷。

元刊本，九行二十八字，白口，四周雙闌，版心上記字數，題烏程職里實相比丘釋覺岸實舟編集再治，有深翠堂藏，寄傲軒，蓉城，三印。

國朝文類八冊。存卷二十四至三十八。

元西湖書院刊本，十行十九字，細黑口雙闕。

說文解字補義三冊，存卷三七八凡三卷。

元刊本，六行，注二十五字，篆文大字一，當小字六，黑口四周雙闕。

春秋屬辭四冊，存卷一至三，卷六七，卷十四十五，凡七卷。

洪武刊本，十三行二十七字，細黑口雙闕，版心下方記字數，前趙訪自序，金華宋景灝序，次目錄，目後趙訪跋二十行，每卷題新安趙訪學，卷十五後有校官銜名三行。

前鄉貢進士池州路儒學學正朱升校

學生倪尙誼校對

金居敬覆校

有携李蔣石林藏書之印記，王履吉印二方。

香溪先生文集四冊，存卷一至六，卷十一至十八。

元刊明脩本，題香溪先生范賢良文集，門人高栢編，十二行二十二字，黑口雙闕，前有紹興三十一年同郡陳敬曾序，有新安汪氏啓淑私印，沈慈之印，曾在雲間嗜圖沈氏，沈慈印，十峯，諸印。

齊東雜語二冊，存第十一至二十，凡十卷。

明正德刊本，十一行十八字，黑口四周雙闕，卷末有跋錄如後。

同治癸亥十二月朔，大兵進攻松江賊營，連破十餘寨，營中尚有書籍，悉皆污爛，惟涇泉日記，與不全齊東雜語二冊，尚完好，因携以歸舟，餘則不可收拾，僅付劫灰，武林味蔗居士識於之江水師營舟。

按公誦此書記南渡後朝國章故，最爲翔核，而雜滯刻入神海，刪去其半，而與癸辛雜識相混，毛晉得善本重刻，其書乃完，惟苦無舊刊可校，余曾見一舊本十一行二十字，與此本不同，爲曾文正舊藏，當是正德以前所鐫，第

流傳絕少。此本爲正德十年來陽胡文璧所刻。似就前本覆木也。觀味蔗居士跋語。知此書曾入太平軍中。紅羊歷劫。幸而獲存。殊足珍也。

清異錄一册。存卷二。

明嘉萬間刊本。十行十八字。白口單關。版心下方記字數。鐫工極爲精好。

續資治通鑑四册。存卷五至九。又後卷八至十五。

題朝散郎尙書禮部員外郎兼國史院編脩官李森經進。元刊本。十三行二十二字。黑口四周雙關。闕上有標目。后集同。惟無進書人銜名。

三國志三册。存魏志卷四至六。吳志四至九。又十五至二十。

南監本。十行十九字。注二十二字。白口雙關。版心上記字數。下記人名。有明弘治三年。正德十年。十三年。嘉靖元年。補版。

北史二册。存卷二十一。卷三十八至四十一。卷九十五六。

元刊本。十行二十二字。黑口雙關。每卷後有方洽周益周之冕陳革校正一行。有王獻臣印。王氏圖書子子孫孫永寶之。王氏乃吳三桂之婿也。

萬曆起居注一册。

舊鈔藍格本。十一行二十一字。自萬曆五年正月朔起。至六年三月二十九日止。此書極爲罕見。得之四明書坊。契丹國志一册。存卷一至三。

舊鈔本。藍格。九行十八字。版心有醉經樓鈔本五字。前有葉隆禮進書表。次初興始末。次九主年譜。次目錄。本書

闕上有標目。當從元本錄出。

秘書志一册。存卷一至四。

舊鈔本，九行十六字，題承務郎秘書監著作郎王士點承事郎秘書監著作佐郎商企翁編次，晉書二册，存列傳五十二。

元刊本，十行二十字，細黑口雙闌，版心下方記字數，本書小題在上，大題在下，字體秀逸似松雪。汴京遺蹟志五册，存卷一至十五。

明大梁李灑撰，嘉靖刊本，十行二十字，前有嘉靖二十五年灑自序，次凡例十條。

按此書取材賅博，義例整潔，其攷覈論辨亦殊精確。在明人撰述中，允推良構。何景明雍大記所不及也。顧其流傳極罕。近歲汴中乃有新刻，此帙刊工精整，紙墨明奕，雖原存半部，亦足珍也。

海外紀事一册，存卷一二。

嶺南長壽石陀大油厂翁撰，記室弟子興維較訂，隨杖待者界如界培編集，康熙時刊本，前有康熙己卯仇兆鰲序，又毛士端序，徐執序，又大越國王阮福週撰本師海外紀事序。

按此書乃大油和尙自述其宣教越南國所作也。大油本狂妄釋子，康熙甲戌，越南國遣人來浙，遂隨估舶涉海而往。至則國王阮福週拜居弟子之列，執禮甚恭，爲特携方丈室三日而成，設三境，傳成一千四百餘人。游放數月而歸，書中錄其所作詩文，往來翰札，且上書條陳國政四事，其言皆沈洋恣肆，於張駭俗，洵可謂無佛處稱尊矣。在海舟中懸四旗，上書吾乘，迴無上法王慧命，下書大雨暫止，颯風相送，諸神擁護，龍王免朝，等字，招搖於海天萬里，以自詡神奇，良足噓噓。故潘次耕致書於粵中當道，斥逐之，無令惑誑世人。今其書尙存遂初堂集中，可覆按也。余別有題識，此不詳述。

尺牘筌蹄二册，存中下二卷。

元刊本，十四行二十四字，黑口雙闌，每類標題，以白文別之，卷末有牌子如下式。

崑歲丙午孟春
會文書堂章氏
天澤重新刊行

按此乃坊間通俗酬酢備用冊子。凡一切書啓格式。禮節稱謂。及通候頌揚套語。咸彙集以待選用。觀近世尺牘。初視稟啓零執之風。固已雅馴矣。

書法鈎文三冊。存卷一二三。紙第四卷。

明初刊本。十行二十字。上格黑口四周雙闕。有馮念周印。復京翁楚私印。二雲諸印。

按此爲元人朱方蘇霖子啓編纂。皆集古人論書之語。彙成此帙。視書苑精華爲簡略。余別藏有嘉靖刊本。行款相同。此則成間所鐫耳。

姑溪居士文集五冊。存卷五至十一。卷二十至四十三。後集十六至二十。

明吳包匏菴家鈔本。棉紙黑格。十行二十字。版心有叢書堂三字。吳氏原鈔。得十六卷。餘則後人補鈔也。余以新刻本校過。改正不少。洵堪珍秘。惜其殘缺少半耳。

關範一冊。存上卷。

明影宋寫本。九行十八字。前有乾道六年張拭序。卷中宋諱如貞慎惇等字。皆缺末筆。

按此書爲呂伯恭爲嚴州校官時所輯。陳氏直齋書錄曾著之。至明代國史經籍志。已不可見。知亡佚久矣。余於冷攤無意中獲之。可云奇秘。惜遍訪海內藏本。迄不可得。無從綴補。使成完帙耳。鈐游道堂圖書記。朱文印。亦古。

玉山名勝集一冊。存卷一至五。

舊鈔本。十行十九字。鮑以文依所見四本手校。丹黃盈溢。密若繁星。有知不足齋鮑以文藏書。天都鮑氏困學齋圖籍。諸朱文印。

禪月集一冊。存卷一至十二。

汲古閣刊本。葉石君手校。有樸學齋。葉樹廉印。石君。南葉。汪子用藏。振綺堂兵燹後收藏書。沈韻齋藏書記。諸印。晉書一冊。存志第十。

影宋精寫本，十行十九字，有汪士鐘印、閻源真賞、二印、金壺記一冊，存卷中下。

釋適之撰，舊鈔本，十行二十字。

抱朴子一冊，存外篇卷一至二十八。

棉紙墨格明鈔本，十行二十四字，有會稽鈕氏世學樓圖籍、虞山錢曾遵王藏書、朱文印。

濯纓亭筆記一冊，存卷一至五。

明長洲戴冠章甫著，嘉靖刊本，九行十八字，前有嘉靖丁未邑人陸繁序，鈐有侯氏子有印。

按此書黃氏千頃堂書目載之，刻工精整，所記逸事爲多，間及考辨群書文字。

明內府寫本翰苑羣書跋

翰苑羣書二卷。宋洪景嚴編。文淵閣史部職官類著錄爲十二卷。知不足齋刊本作上下卷。然上卷自李肇翰林志以下凡七篇。下卷自蘇易簡續翰林志以下凡五篇。閣本以一篇爲一卷。非有所增入也。惟直齋書錄作三卷。言自李肇而下十一家。及年表中興後題名爲一書。而以遺事附之。提要因疑今本所收。除年表題名外。不過九家。若列入張著翰林盛事。李宗諤翰林雜記。正爲十一家。或原本三卷者如是。而今佚之。其說當爲可信。惟宋時原藁久已不存。其佚卷殆不可攷。朱竹垞錢竹汀集中。有此書跋語。亦不言所見爲舊刻。鮑本前有盧召弓序。祇言借本校錄。是盧本亦出傳鈔。而鮑氏即據以鈔梓也。今盧氏校本。尙存靜嘉文庫。可以攷而知矣。余別見舊帙。多附竹垞跋。則欲求舊本。固憂憂乎難之。昨歲於廠肆文友堂。忽觀茲冊。半葉十行。行十八字。或至二十字不等。筆墨精美。紙幅闊格。尤古雅絕倫。望而識爲明代內府藏書。以楷法風氣觀之。必爲嘉隆時翰苑人手寫。且版式寬展。卷中語涉朝廷空格。翰苑遺事卷末。有乾道九年遊跋十行。提行欵式。一仍舊觀。又必從宋本撫摹無疑。鈐有拜經樓藏書銘三十五言宋記。盛伯義祭酒家藏印二方。歷經名家收藏。端緒可尋。尤足增重。因斥重金。收之篋笥。適張菴太傅。約翰苑同人。集於藏園。爲蓬山話。

舊之舉。爰出是帙。詳記原委。並乞羣公題名卷端。披宛委之奇書。憶蓬瀛之仙境。異時有補金坡遺事者。或可志之。以存一時之故實也。癸酉八月二十八日傳增湘識

回首春明記夢餘。玉河西畔忍停車。漫愁避世無金馬。幸有遺篇守石渠。觴詠經秋人易感。文章報國願終虛。瀛洲道古關吾輩。待訪陳駉續舊書。

陳駿港大前輩及夏閩枝前輩同年題詩附後
詞林典故久灰塵。遺子相存集舊臣。備效難爲前輩繼。朝班曾及中興辰。觀河既老慙波匿。薰穴求君閱越人。刮目陳編。編千載不應古意遂沈淪。

閩縣陳寶琛觀并題

十時又八

癸酉八月宴於藏園。重爲蓬山話舊之會。主人出觀內府鈔本洪氏翰苑羣書。以長句紀之。

藏園主人是陳儋。口數四部懸河流。當筵出示中秘冊。玉堂掌故賚談詠。景嚴仍世襲。清秩由唐及宋遺。編搜借。三卷僅存二文淵。著錄源流周傳刻。但見鮑藻。欲蘇躡小字。雖清道。那及天家精寫本。朱絲玉版光銀鈎。此書採掇。訖北宋渡。以下當博收。同時汴京述故事。麟臺程監稱其尤。程故陳氏兩錄。厥後陳錄。南宋館益公一記。附集留。必大玉堂。元代文物遜。唐宋秘監有志。王商修。同撰。秘書監志。明推黃廖兩鉅製。詳略互見。相挹。南藏園詞林記。道斯竝典故之淵藪。允宜蒼萃。供討蒐。昭代作述。益美備。兩度敷。撰瀛洲。乾修。增撰。詞林典故。八卷。嘉慶四卷入海。求珠山探鑄。竹垞道古。擅博雅。洲道古。鐸梧門。述今勸輯。哀筆。清秘述。閱載。私家專著。遂罕繼。後軫。未免慙前。翰即今瀛亭。沒烟莽。欲語銅狄。凄清。年年汐。社呼。舊侶猶藉。壺觴相喚。啾羨君園林宜大隱。輪雲高覆藏書樓。願陳篋書。恣纂錄。百年墜緒宣。沈幽柱下。蘭臺不終廢。承明侍從。非俳優。斯文畢。竟關治。忽彼野言。空蚍好。

鈔本續考古編跋

夏孫桐初稿

程大昌考古編十卷。文淵閣著錄。明以來凡三刻。故世多見之。惟續編十卷。自直齋書錄外。無聞焉。意其散佚久矣。前歲徐梧生司業遺書散出。肆估持明鈔一冊來。際之正程氏續編也。然祇存卷六至十。因錄副藏之。今春溥游南中。過海虞。習氏書齋。得見舊鈔全帙。爲何義門藏書。驚爲其創獲。爰免風起世兒。代寬寫官。爲補錄前五卷。既藏事。風起並合全書。手勘一通。訂正文字訛奪不鈔。郵致北來。於是數百年斷種秘籍。至此復留一善本於天壤間。何其幸耶。按程氏前編。乃辨論經義異同。而旁及傳記謬誤。後編則考訂諸史爲多。卷二至五。論官制職掌典制。特爲詳核。卷六多言地理。卷七多言戶役政刑。卷八多言經籍源委。通觀兩書。乃知程氏之意。前者主於訂經。後者主於考史。所謂合之斯兩美也。今聞皖中諸賢。方蒐采鄉邦遺著。勒成鉅編。若程氏此書之考辨精詳。有功羣籍者。忍令其長此壙滅耶。藏之名山。傳之其人。上之不負古人。焯掌厲精之勤。下之亦以自慰。雪露鈔之苦。余蓋日夜引領而企之矣。癸酉九月二十有二日。藏園老人識。

明本頤菴居士集跋

頤菴居士集二卷。宋四明劉應時良佐撰。嘉靖乙酉刊本。半葉九行。行十五字。前有陸游楊萬里二序。後有劉允卿跋。又都穆跋。

按此集刻於知不足齋叢書內。茲以明刊校之。開卷陸序。即脫誤四字。如舍此一法。脫舍字。良佐平生。生誤先字。其詞意乃迥異。全書祇二十葉。而改定至二十餘字。又補得西郊七絕一首。鮑刻脫去此詩。乃改題三首爲二首。殊可詫怪。佚詩及都氏跋。錄於左方。

西郊

誰人躍馬出西郊。野水瀟瀟漲路坳。好似吟哦方得句。時時指點舉鞭梢。

書頤菴先生集後

宋南渡詩人。稱范至能。陸務觀。楊廷秀。尤延之。爲大家。范陸與游。皆吳產。若至能。則又余之鄉先生也。當時四明

劉先生良佐。與至能務觀唱酬。極蒙賞識。故務觀序先生之詩。而廷秀復爲序之。此可以觀先生矣。先生十七世孫允卿。以名進士知太倉州。携先生之詩自隨。近俾余校正。重刻於梓。先是弘治間。允卿之兄刑部正郎世臣。常托其同年友朱君君佐。刻之新安。未見行世。故尙寶卿伯雨。允卿姪也。曩在京師。與余同僚。亦嘗有志於此。會陞官未幾而沒。而今乃成於允卿。噫。斯集也。豈直可與四公之詩並傳。後之人欲知劉氏之文獻者。必將於是而有考焉。嘉靖乙酉清明日。太僕少卿吳人都穆敬書。

校北夢瑣言跋

北夢瑣言二十卷。宋孫光憲著。自序言生自岷峨。則固吾蜀人。本書題曰富春。蓋舉郡望也。舊刊本。自明商濬、稗海、外。未有他刻。據孫道明跋。其所傳錄。出於武林忻悅學家陝刊舊本。意宋代。祇此一。刻。今陝本已不可得見矣。文淵閣著錄。爲盧氏雅雨堂本。後有葉石君跋。謂原書得自吳方山家。而吳本又缺第二十卷。然余檢閱商氏稗海。雖各條標題。咸缺未爲足本。而其第二十卷。固宛然具存。是亦未可盡廢也。余前時在南中。得明時萬歷刊本。其書十行二十字。每條皆有題目。要爲罕觀。審其行格。與岳元聲刊魏鄭錄相同。或此書亦岳氏所刊耶。日前偶嬰小暇。翰文齋以新收海豐吳仲懌侍郎遺書數種相贈。其書多得之嘉興唐錫安家。而唐氏又得於吳氏拜經樓中。有北夢瑣言一帙。繕錄工雅。有紅藥山房拜經樓海寧楊氏諸印。卷首有宋本乙二印。審是。樣客所鈐。以此推之。其傳錄。出於宋本。殆可信也。病中無俚。因取萬歷本手勘一通。正訛補闕。殆數百事。其最爲差舛者。萬歷本第二十卷。凡十一條。其文與他本無一字相同。蓋通行本多原闕。宋卷萬歷刻本。乃陰割卷十之半。移置於此。以補之。離析改竄。頓失其真。明人繆妄之習。往往如此。殊不足怪。及檢雅雨堂本。其第二十卷各條。文字與鈔本脗合。然校其每條標目。則迥然各異。遂逐條爲之正定。以復舊觀。余因反覆沈思。其致誤之由。殊不可得。嗣取鈔刻各本。刻意推研。乃知盧氏所得葉石君本。據以入木。石君跋語。固明明謂吳方山本原缺第二十卷也。盧氏刻時。於其缺者。必取稗海本以補之。又緣稗海本原無題目。於是。以意爲之。標舉俾成完帙。豈料其與原本固格格然。枘鑿之不相入耶。夫明人昧於闕疑之義。聘其私隱。以欺罔。後學其

愚妄自不足言。雅雨號稱通人而拾遺補闕不爲著明。母亦蹈私造典籍之嫌。耶數百年沿訛踵繆之書一旦神明煥然頓還舊觀其忻幸爲何如也。余始得萬曆本重其版刻爲諸家目錄所未載。恒深自珍秘而孰知其有竄亂卷第之弊。繼見盧刊依葉校訂正文視商氏爲善。正嘉其掃葉之功而孰知其有妄補標題之弊。昔人謂不盡觀天下書。慎勿妄下雌黃。余更爲之進一解曰。讀書不得舊本。慎勿輕言校勘。此書設非親見影宋舊鈔。手加勘定。則兩本之弊。將終古末由證明。是知古人露鈔雪纂之勤。其胎功於後學。至閎且遠也。顧竊有疑者。槎客藏書。率加手識。刊入拜經樓題跋中。此映印識崇崇。而未曾入錄。致其佳勝。無人爲之表襮。母亦目見泰山而失之眉睫耶。癸酉十月八日藏園老人病起漫識。

明弘治本藏春詩集跋

藏春詩集六卷。元劉秉忠著。弘治元年順德府刊本。半葉九行。行十九字。白口單闌。每卷題中書參知政事魯國文定公左山商挺孟卿類藁。中順大夫浙江處州府知府瀛海馬倬廷彥校正。二行。前有至元丁亥翰林學士闕復序。次弘治元年判順德府事商山孔鑑序。天順五年辛巳河南南陽府泌陽縣吏臨川黎近久大後序。卷一至卷三七律。卷四七絕。卷五樂府。卷六附錄制傳狀碑銘祭文。有蕉林藏書。大中丞印。觀其大略。諸印按黎孔二氏序。言文貞集初無刊本。至天順時。處州知府馬倬始彙而付梓。以其版歸諸南和黃門馬秉衡。馬君仍附諸順德府。弘治初元。郡守竇難林子敬喜獲此梓。遂命工印行。然則此本仍天順原版。特弘治印行。而孔氏加以敘述耳。弘治元年戊申。距天順辛巳。歷二十有七年。其字畫精湛。殆若初鑄。即審其體格方整。而氣息渾厚。與天順所雕歐蘇等集風氣正同。是此本仍應改題爲天順本可也。元人集明初刻本。最不易觀。矧文貞爲一代名臣。得此精槧初開本。至爲可貴。其中樂府一卷。正可析出單行。尤足喜也。

校宋刊北齊書殘本跋

北平圖書館藏眉山本北齊書。凡二十六卷。內闕大庫舊物。存者自卷三十六至五十終。即列傳二十七至四十二也。

半葉九行。二十八字。白口雙闌。版心上記字數。下記刊工姓名。與諸史同。避宋諱至慎字止。惟補版極多。宋版存者。只十之三四。明初補刊。脫誤彌夥。余取武英殿本對勘。每卷改訂。少者數字。多至十餘字。然其字、句、異、同、多、有、可、疑、者。如卷三十九祖斑傳。乃受山東課輸句下。遂接大文綾。並連珠孔雀繡等六百餘疋。令諸姬擲博蒲。調新曲。招城市年少。歌儻爲娛。游諸倡家。與陳元康。程子容。任胄。元士亮等。爲聲色之游。云云。與殿本前後倒易。或緣原本大文綾上。亦有山東字。而誤綴不足。盡據也。又如卷四十五樊遜傳。前皆稱名。至策問。乃改爲孝謙。對曰。忽代以字。亦爲不倫。其後四十九五十兩卷。奪誤彌甚。則由於補刊之葉。校勘草率所致。近世學者。但知佞宋。然如此。金根。白芨。溢行。累幅。要未。敢。徇俗。而曲爲之諱也。惟第二十七卷。二十九。三十。各卷之末。尙存校記三條。爲各本所佚。則眞足貴耳。癸酉十月二十九日校畢記。

宋刊咸淳臨安志殘本跋

庚午之秋。大盜徽擾青齊。竄入聊城縣。盡劫海源閣楊氏藏書以去。於是宋元槧刻舊鈔名校之本。錦裘縹。函風飛。雨散。流落於歷下。膠澳。津沽。燕市之間。兼以其時。倉皇俵分。摧燒攘奪。往往一書而分割於數人。一函而散裂於各地。或甲擁其上。而乙私其下。或首帙尙存。而卷尾已燬。零亂錯雜。至於不可究詰。余聞其事。私心摧喪。爲之不怡者累日。謂文籍被禍之酷。未有如斯之甚者也。歲月既久。廢肆估人。或展轉捆載而至。余感歎未終。雅不欲觀。蓋亦忱心世變。無意於儲藏矣。至臘月將盡。董估康之携咸淳臨安志五冊見示。閱之頗爲心動。緣雙鑑樓中。地志一門。尙未有宋刊爲之領袖。因以重價收之。今歲王君獻唐。自歷下來。言彼中尙有數冊求沽。遂浼以代爲諧價。旋斥去它書。勉籌四百金寄之。又二月而書篋郵至。通計前後所收。凡十有一冊。存卷二十一。二十四。五。三十三。至四十五。七十五。至七十九。通得二十二卷。內刻本十一卷。二十五。二十六。二十七。二十八。二十九。三十。餘十一卷。咸以鈔寫補入。刊本半葉十行。每行二十字。注雙行同。版式濶大。高八寸二分。闊六寸。版心上方記字數。下記刊工姓名。收藏有珊瑚閣珍藏印。季滄葦圖書記。又寶字白文圓印。別有高平家藏。朝列大夫之章。朱文二印。最爲古舊。考高平家藏。朝列大夫二印。而宋藏本亦有

也。以汪、劉、本、略、校、數、卷、文、字、初、無、大、異。每卷改訂不過三數事。惟遇支、匡、貞、署、桓、構、啓、瓊、諸字。宋本作廟諱舊諱。或今上御名。而劉本則直書本字而已。其它若湧之作涌。鍊之作煉。汎之作泛。燿之作燿。笄之作筴。茅之作茹。樓之作栖。邵之作却。回之作廻。浙之作浙。乃結體之異。初無關於閤旨。以是推之。當日振綺堂據宋槧覆刊。其校讐之精審。豈可知矣。考此書宋刊本。見於著錄者。共有三部。其一爲函、宋、樓、藏、本。即黃蕘圃百宋廬物賦中所稱臨安百卷分豆剖瓜海鹽常熟會葢竹垞者也。凡鈔補十二卷。其二爲錢、唐、丁、氏、善、本、書、室、藏、本。爲吳氏拜經樓故物。凡鈔補七十五卷。今存江南盩山圖書館。其三、即海、源、閣、此、帙、爲、季、氏、延、今、書、室、故、物。宋刊存者六十八卷。鈔配者二十七卷。煌、煌、鉅、帙、海、內、鼎、峙。而三其成之。可謂艱矣。顧昔人所爲腐心煅掌。苦索冥搜。勤補綴。屢而得完者。楊氏保藏三世。歷五六十年。今一旦忽摧毀於凶暴之手。使孤離斷析。移古無合。并之望。斯亦深可悼歎也。是書據余所知。其尙可踪述者。自余得十一册外。江君漢珊得九册。劉君惠之得一册。文求堂書肆得一册。廣市尙流傳一册。視原書十分有五而猶不足焉。嗚呼。嗚呼。九百六厄運。所遺商於証。楚、第、首、歸、秦、河、山、破、碎、且、不、足、論。吾輩獨抱此斷爛簡編。而爲之深致惋惜。毋亦顧眉睫而失。倍、倍、華、徒、貽、朝、菌、螻、蛄、之、諛、而、已。癸酉嘉平月十七日。大雪滿園。坐珙花玉樹中。展玩異書。真所謂清極不知寒矣。藏園老人書。

影宋本閩範跋

此書宋呂祖謙伯恭輯。分上下卷。前有乾道六年夏四月廣漢張拭序。言伯恭爲嚴州校官時。與其友取易春秋書詩禮傳魯論孟子聖賢發明人倫之道。見於父子兄弟夫婦之際者。悉筆之於編。又考子史諸書。可以示訓者。皆輯之。書成名以閩範。云云。直齋書錄所載略同。惟題作十卷。爲異。第檢此册。則采易春秋書詩等文。咸別葉重起。或陳氏所見本。即據此分卷耶。然自陳氏後。如馬氏經籍考。焦氏國史志。皆不見錄。蓋宋以後。此書遺佚久矣。十年前。廣甸游春。於冷灘拾得此書。祇存上册。楷法稍雅。紙墨俱古。審爲明人手錄。細棉紙烏絲闌。半葉九行。行十八字。如匡、貞、恒、慎、惇、等字。均闕筆。惟謹、知、從、宋、槧、摹、寫、無、疑。卷上凡九十番。所輯爲易春秋書詩周禮儀禮。則下卷所佚者。爲論孟史子諸書。

矣。余玩誦終篇。喜其於閑家訓俗。裨益闕多。私欲求得完帙。補繕成書。付梓行世。頻歲以來。窮搜博訪。通人不獨著錄。不見其名。即後世撰述內訓。闕諸書稱引。皆不之及。守闕抱殘。殆將長此終古。余用是揭其大略。布諸周刊。或並世藏家。有庋存是編者。敬當望風百拜。求爲一編之假。設如萬分之一。使原書復出闕卷。適符則豐。城劍合樂昌鏡。圓更可爲書林增一佳話。此尤鄙人所望。香禱祝而冀得一遇者也。生前凡有數事。殆訪得原書。復合者。嗟乎。近世網維。解弛風習。洩瀉家庭之禮。廢而孝敬之道。日衰。男女之防。決而夫婦之道。彌苦其隱。鑿於國家治亂之源。非細故也。使當代士女。能循誦伯恭此編。而羣相與策厲其躬行。則世道人心之憂。庶有豸乎。癸酉坡公生日書。

宋刊後漢書

後漢書宋刊殘本。存帝紀五至十。列傳一至二十五。又四十四十一。又四十五至六十。凡爲卷四十有九。半葉十行。每行十八九字。注雙行二十三字。細黑口。四周雙闌。板心上方間記字數。亦有分記。不記者約三之一。上魚尾記後紀幾。後傳幾。下或接書漢書幾。蓋兼記大題也。每卷首標小題在上。大題在下。左闌外記篇名。避宋諱至慎。字止。然間有不避者。劉敞校注。加小墨圈以隔別之。或記於每卷後。

按范書南宋建本有二。一爲嘉定蔡琪一經堂刊本。八行行十六字。陸氏誦宋樓。劉氏嘉惠堂。皆有之。一爲慶元劉之問本。十行十八字。即是本也。黃蕘園有殘本。見於百宋一廬賦注。張金吾有殘本。見於藏書志。徐氏積學齋藏殘本。見菴風堂書影。余所目親者。袁漱六舊藏。今歸德化李木齋師。中亦闕數卷。目錄後有木記二行云。建安劉元起刊於家塾之敬室。與蕘園所言合。此書雕鐫精美。字體方峭。紙墨明漲。建本之妍麗可喜。斷推此種。與黃善夫刊史記正同。可見一時風氣。然校勘未精。差失時見。何小山至斥爲闕肆惡本。今就殿本。郭符許列傳勘之。如郭太傅注。鄭公業之名亦同焉。焉不誤也。輿服雜事。事不誤字。弟子以千數。不誤子弟。擾不作撓。茅容傳。既而以供其母。供不誤共。孟敏傳。甑以破矣。以不作已。黃允傳。允以此廢於時。時不誤世。符融傳。風性高簡。風不誤夙。注既到官融往相見。不脫既字。許劭傳。操乃爲隙。脅劭爲不作伺。此皆宋刻之佳者。然其訛謬可指者。如庾乘傳。由是學中以下爲貴。由誤作。曰

符融傳。但即土埋藏而已。誤合卽土爲聖字。許劭傳平與人也。誤作千與。其最甚者。郭太傳末。初太始至南州。過袁奉高。至名聞天下。凡七十四字。本注引謝承書之文。今誤作大字。瀾入正文。錢竹汀舉其四失。一謂蔚宗避其家諱。此傳前後皆稱林宗。不應忽爾稱名。二其事已載黃憲傳。不當重出。三叔度書字而不書姓。四前云名震京師。此又云名聞天下。詞意重疊。則其由注攙入。顯然矣。又以下左原以下等十人。皆因林宗附見。所謂錄其篇章。著之篇末者也。故他本皆附傳末。此本乃提行別起。若附傳者。然尤失原書之旨。明嘉萬以後。本皆沿其誤不改。是皆疵類之大者。何氏斥爲惡本。洵非過論。余既舉其作字著之於篇。而於違謬之甚者。亦不欲爲之曲諱。蓋是非自有定論。非可以意爲抑揚也。昔人謂范書難得佳本。以余所見衡之。北平館所藏。紹興九行大字本。實爲最勝。曾取汲古閣本勘誦一過。次則正統本。亦原出宋刊。多存舊式。若此本之寫刻精良。要自可喜。然譬勸未審。與蔡純父本同爲魯衛之政。徒取悅流俗之目而已。

此書出福山王文敏公家。十年前文德堂韓大頭。曾舉以相際。當時喜其版刻精麗。亟欲收之。而苦於高價難償。旋以千五百金。代王君叔魯購致之。近歲王君盡斥藏籍。此書歸於鄧君君翔。其後鄧氏又不能守。遂爲聚珍堂劉賈所得。庚午殘臘。劉賈爲債累所窘。迫欲貶值脫手。余乃以千二百金獲之。蓋經歷六年。流轉數姓。而卒入於德藏。余於茲書。殆有夙緣耶。按此書士禮居藏二部。皆爲殘本。愛日精廬所藏。亦祇二十八卷。此本所存。尙得四十九卷。較黃氏固不及。而較張氏則已。藏闕乙部。多有舊刻。惟范書獨無古本。得此。適彌其缺。良非偶然也。

校眉山本陳書跋

北平館中舊藏內閣大庫所存宋本陳書數冊。近歲又續收坊肆殘本。通得二十有二卷。又殘零不成卷者十餘葉。余癸丑秋。曾以新覆殿本略校一過。頃收得武英殿原刻。因從館中段得。重事勘正。雖敗葉殘篇。亦所不遺。未踰旬而畢。宋本半葉九行。行十八字。白口左右雙闌。每卷小題在上。大題在下。版心下方記刊工姓名。其姓名其間補版只十之一二。避宋諱至慎。字止。補版則不盡避。存本紀卷五。列傳卷一至四。十一至十六。二十至三十。又本紀一六。列傳十八。

九、殘葉十許紙，取殿本對勘。殿本誤而宋本不誤者，如卷一高祖紀，九錫策文內，衣製杖戈，衣製，誤，秉羽，蓋不知，衣，製，出，左，氏，傳，也。卷五宣帝紀，表上織成羅交錦被各二百首，殿本被，下，衍，裘，字，又，脫，百，首，二，字，不，知，錦，被，裘，何，以，爲，詞，大，予，秘，戲，殿本大，予，誤，太，子，不，知，大，予，乃，樂，署，名，列傳二十一史贊內，固之蔬，非，禪，悅，殿本禪，悅，誤，作，蟬，蛻，按王固傳中，明言其崇信佛法，及丁所生母憂，遂終身蔬食，夜則坐禪，晝則誦佛經，史臣所贊，正指此事也。卷三十三儒林傳序，梁武帝開五館，建國學，以五經教授，唯國學，乃經經各置助教，殿本脫，惟國學，乃經五字，是分經設教之制，不顯矣。又咸安傳，哀時聘義，摛與往復，殿本時，聘，誤，作，朝，聘，尤，失，其，意，其它單辭，隻字，可以匡謬訂譌者，不暇觀縷，至各卷校記，乃嘉祐時校官曾鞏等所識，原奏記所謂陳書三十六篇，始校定，可傳之學者，其疑者，亦不敢損益，特如疏於篇末是也。然明以後諸本多佚之，此本尙存列傳三、二十八、九、三十等卷六條，爲南北監本所無，今亦備列於左，以資攷証焉。

校記附後

列傳三

侯瑱傳分槌蕩頓蕪湖洲尾或本作分頓疑

吳明澈字通昭或本作通昭疑

列傳二十八

江德操字德藻或本作江德藻字德藻疑

列傳二十九

陳寶應傳此皆明恥教戰濡須鞠旅恐有誤

潼州刺史李腊或本作季腊或本作李曙疑

列傳三十

始興王傅王飛禽除伏波將軍或本作仗後水軍疑

刊工人名列後

陳立 宋梓 朱太 朱光 蔡旂 王能 張禹 袁氏 任欽 楊和 王華 王丙 吳宗 童遇 劉昭
許茂 北陳 王昌 田立 許忠 方中 王祖 史忠 朱言 徐經 王昇 王賓 田功 田永 金榮
陳浩 天錫 沈晏 承祖 沈茂 詹世榮 丁松年 施昌夏

邢氏求己齋藏書記略

南宮邢君贊庭。余蓮池書院舊學侶也。雅嗜典籍。精於鑑藏。頻年蒐采。名鈔古槧。挿架者無慮萬籤。殘篇零卷。亦麗錄不遺。偶有所獲。必舉以相質證。其珍秘之本。余亦時時得以通假。今日爲二月春分節。君置酒齋中。招邀儔侶。同座者。買君佩卿。尙君節之。步君夢周。劉君潤琴。谷君九峯。劉君宗堯。皆蓮池舊學。而吳君辟璽。爲桐城先師之長君。張君溥泉。爲化臣齋長之令嗣。皆於蓮池有仍世之雅焉。春風滿座。高談逸興。不減昔年。此文字之嘉招。與夫世人杯酒殷勤者固有殊矣。酒半。贊庭因檢今歲新收之書。出以相示。舊刻精鈔。世所稀見。更有鄉賢之手澤。或爲名宿所校。譬朋輩傳觀。摩挲贊歎。夫物聚所好。理固宜然。君旣坐擁書城。則手披卷帙。目錯丹青。其怡然自得之樂。與君家子才思誤之適。固有相視而笑。莫逆於心者乎。於是援筆記其梗概。列諸左方。鄙見所及。亦聊綴一二。異時有中夜叩門持尺。既指名以探中郎之帳。秘索鄙侯之架。籤者君或不子。嗛乎。藏園居士記。

徐孝穆文集七卷

舊鈔本。九行。二十字。竹紙藍格。板心上方有文藻堂三字。前錄本傳。每卷題陳刻人徐陵孝穆著。卷一樂府詩賦。卷二詔表啓。卷三四五書。卷六書序檄移文頌銘。卷七碑銘哀策墓誌。歷藏吳兎床唐鶴安吳仲樸家。有鶴安校勘秘籍。重憲鑑賞。石蓮經眼。石蓮閣所藏書。諸印。兎床鶴安手跋錄後。

乙巳仲冬。購得澈浦畢乾三叟遺書十數種。孝穆集其一也。時距其歿。未匝月也。可勝浩歎。此書以舊鈔故收之。當取刊本校勘。

四元畏寺刹下銘。刻本未見。兕床

是條槎客先生手記。晚年手筆也。未入題跋記。鵞安

按徐孝穆集。向無舊刻傳世。相傳以張紹和七十二家本爲較古。分卷爲十。張天如本則僅一卷。近時吳注本又作六卷。皆非原書三十卷之舊。蓋傳本乃後人由他書纂輯而成。其卷第初無定例。此本分作七卷。其編次亦與各本不同。未知何據。寫校其文字。實視二張本皆優。如勸進梁元帝表。一篇中改訂至數十字。咸爲佳勝。知其所出之源。必較古也。至四元畏寺下刹銘。不特爲百三家本所逸。即七十二家本亦不收。斯真天壤間之奇秘。彌可寶矣。銘文錄後

四元畏寺刹下銘

皇帝升乾行於九五。闢世界於三千。神人開錦石之山。小國獻旃檀之柱。乃命將作。脩成梵宮。複殿重軒。凌霄負漢。慈訓宮朝文母。協送方祇。鍾愛東平。更踰燕后。若夫外家問訊。遙歛緣構。御者衣服。曾無綵線。咸傾寶飾。用構支提。僧若檀林。寺同祇苑。辭曰。

寶蓋王子。金輪託生。皇家茂戚。抑有齊名。業水餘潤。災風所驚。徒悲馬角。孰獻雞鳴。奈苑初築。庵園重成。金臺日麗。玉殿雲平。梵衆朝禮。天歌夜清。蜂疑畫壁。雀避彫楹。福履斯大。皇基永禎。衆生不盡。寶刹無傾。

甲乙集十卷

汲古閣本、何義門據宋本手校、宋本十行十八字、有跋、

康熙辛卯、借得毛丈斧季少年校本、大抵未爲精盡、且亦非宋刻之善者、姑從之、以俟訪求於藏書之多者焉、
記、

李文山詩集三卷 校本 改革玉集

汲古閣本、義門手校、補佚詩二首、

薛許昌集十卷

汲古閣本、義門據宋本手校。

臺閣集一卷

汲古閣本、義門據宋本手校、又以墨筆再校、有跋、

康熙甲午、用斧季影錄臺閣集本校、又改數字、錄本缺謝克家跋、

按此唐人八家集、義門據宋本校者、祇此四家、余辛亥在南方、亦收得八家集、薛許昌集、爲毛斧季手校、臺閣集、爲陸勅先手校、此外爲唐英歌詩、唐風集、李賀歌詩、聯珠集、長江集、義山集、六種、其中惟聯珠爲義門據宋本校、餘皆斧季勅先手筆、家數與後來不同、蓋毛氏最初印本、尙與四唐人集、未經分析、別行也、其薛李二集、未審與義門所校、同異若何、暇時當取以對勘之、藏園附志、

張說之文集二十五卷

舊鈔本、十行二十字、有甲戌進士、拂水山樵、朱文二印、

按此本後有永樂七年伍德記一篇、贊庭疑爲嘉靖本所從出、然以余審之、此書行格、與嘉靖龍池伍氏本正同、其紙墨楷法、亦清初時風氣、當即從龍池本鈔出、蓋龍池本傳世亦極罕觀也、余藏有龍池本、爲毛斧季舊籍、汪小米手鈔缺葉訂入、四部叢刊所補佚詩十二首、即據此傳出者也、藏園附記、

考米氏結一廬刻此集時、曾得見是帙校勘、并摹兩印於卷首、則洵爲此書祖本矣、藏園又記、

張說之文集三十卷

舊鈔本、十二行二十一字、每卷目錄連接正文、有大興朱氏竹君藏書印、朱錫庚印、汪喜孫印、孟慈星伯會觀、諸印、

按此與前本分卷不同、其所出之源異也、結一廬新刊本、亦三十卷、疎小定當取此互勘之、沅叔統語、

武溪集二十卷

明成化刊本，十一行二十二字，黑口四周雙闕，有三山陳氏居敬堂圖書朱文印。

按此即丘瓊山自內閣鈔出，與張子壽集同時刊行者也。流傳極罕，世不多見。余二十年前得一本於塘棲勞季言家，有黃堯圃跋語。前有成化序，茲帙闕失之矣。沅叔偶書。

劉靜脩集三十卷

弘治刊本，九行二十字，黑口四周雙闕，後有弘治辛酉慈谿周旋跋。

按此本分丁亥集六卷，遺文六卷，遺詩六卷，詩文拾遺七卷，續集三卷，附錄二卷，編次殊異。余藏有元至順庚午宗文堂刊本，爲二十二卷，又明成化刊本劉文靖公集，爲二十八卷，其篇數視此不減，而文字則較精審也。

水經注四十卷

項氏刊本，舊人以朱墨筆校訂，並改正經注大小字混淆，亦錄有義門校語，并跋記數行，有吳城之印，甌亭、北菴、沈警漁讀諸印，義門跋錄後。

洪景伯隸釋集善長所載漢魏諸碑爲一卷，其後云：時無善本，雖黃不可妄下。在當日猶云爾。況今日乎。鬱儀中尉於此書不爲無功。惜如隸釋及通鑑注之類，不加旁求博証耳。康熙戊戌八月何悼記。

按此爲故人沈子封前輩藏書，昔年曾得借觀，未及逐錄。其校筆非一人，極爲古舊，不知誰氏耳。當時惜墨如金，而流傳迄今，乃有名字翳如之歎。吾輩可不自警哉。沅叔手書。

封氏聞見記十卷

舊鈔本，十行二十字，後錄夏庭芝朱良育兩跋，又蔣子遵跋語，附後。

此本乙未歲從小山處得之，是舊鈔善本，而首卷三卷七卷脫誤甚多。己酉秋杪，假紅豆齋新鈔對校，乃傳自吳方山秦酉巖孫伏生陸勅先者。夏伯和朱良育二跋亦錄於卷尾，其大脫誤處亦如是帙，而傳寫訛舛更多，惜無

完書。成茲合璧。輔是以竑博雅君子。臬說。有汪闡園藏印數方。不具載。

按此書余藏有兩本。一舊鈔。莫邵亭指爲明隆慶所寫者。一明鈔。藍格。乃天一閣舊藏。莫本自是佳勝。近日富陽趙君貞信。校勘茲書甚勤。余兩本皆以假之矣。有校證十卷。旁徵博考。匡謬訂訛。無微不至。惜其書已刊行。未及更見此本。第據蔣氏跋。此帙亦出紅豆齋。而脫誤更多。則披沙揀金。亦憂憂乎難矣。沅叔書於長春室中。

溧陽銷夏錄三卷

紀曉嵐協揆原稿本。後有手識四行。題詩二首。又劉文清及賈臻吳式芬跋語。彙錄於後。

右溧陽銷夏錄三卷。前二卷成於熱河。後一卷。則在熱河成其半。還京後乃足成之。故間有今歲事。仍併爲一書。因其原名者。如陸放翁吟詠萬篇。非作於一時一地。統名劍南詩稿云爾。庚戌六月二十九日。繕淨本竟。因題檢點燕公記事珠。拈毫一字幾躊躇。平生曾是輕子寶。浪被人呼思蕙狐。前因後果驗無差。瑣記蒐羅鬼一車。傳語洛閩諸弟子。裨官原不入儒家。

己酉五月二十六日繕竟附題

正容莊語。聽者恐臥。導以雋永。使人意消。不以文爲制。而以文爲戲。晉公以何規乎。瓌璋連彥。吾愛其筆。

石菴居士題

道光庚戌十一月。文達元孫毅原上舍。自盟津來。以是本見貽。余受而藏之。自詫眼福。第一卷劉文清跋尾。人人知其真跡。此卷後公自識四行。實公親書。人或未之知也。特爲拈出。以告後之。獲視是本者。又公自題兩絕句。前一冊與今刻本異。此當是初稿。故城後學賈臻讀完附記。時在河南郡署躬自厚齋。

曩在京師。曾見公手批施注蘇詩元本。此冊後四行的爲公親筆。無疑。咸豐壬子正月。吳式芬識。按此帙棉紙朱闌。寬行正楷。與四庫全書繕本無異。當是公修書時。飭館中小史所寫。昔人謂在官寫書。亦是風。

流罪。過公得毋畏臺官。彈章耶。拈此以供讀者一粲。又公親筆評點羣書。近年頗有所見。昨冬廠市有手批李瀚漢集。曾以告贊庭收之。今以此帙審視。其爲真蹟。固無庸疑慮也。甲戌春分之夕。藏園客散記此。

校蘇伯脩滋溪文藁書後

伯脩文藁三十卷。其屬揀高明葛元哲二人所類次也。別有詩集七卷。今世不傳。此集有至正十一年趙序。至順元年馬祖常跋。至正元年陳旅跋。元版絕少流傳。曾見莫楚生藏殘本五卷。此外各家著錄。多屬鈔本。近歲湖州張氏適園。乃有傳刻。辛未徐東海。收得明寫本。又鈔諸本。五百年來罕傳之籍。今不越十年。乃有南北兩刻。抑何幸耶。昨歲緣事赴津沽。於德化李椒徵師架上。見有明寫本。半葉十行。行二十字。與元刊正合。文中提行空格。悉存舊式。當從元版傳錄者。有白隄錢聽默經眼。彭氏知聖道齋印記。因假得載歸。以徐刻對勘。凡刪乙增改。通部得九百八十字。徐氏刻書序。稱得明鈔本於張文襄家。又以他本詳校。乃付諸梓。而仍不免訛謬。則展轉沿襲之失。居其半。而校勘時。臆改之失。亦居其半也。如馬祖常墓誌銘。原作官名有馬。因以立氏。校者不審其義。改作司馬。不知其祖錫里思吉。金季爲鳳翔兵馬判官。不得稱司馬也。適園所刊。據丁雨生藏本。別以盧抱經本勘對。而主其事者爲藝風老人。故奪失差少。然卷二十七。乞差官錄。囚一疏。其末佚文。仍付闕。如恐不得元刊初印。終無由補訂矣。行將以此本呈東海公。錄爲校記。附刊於後。庶不辜余從事丹鉛之苦詣乎。

四庫提要稱。天爵詞華淹雅。根柢深厚。蔚然爲元代作者。今觀其集中傳狀碑誌之文。至百餘篇。一時名儒。如劉因。齊履謙。袁楠。馬祖常。曹伯啓。宋翼。傳與。礪。安熙。王結。諸人皆在焉。合觀所撰國朝名臣事略。則本傳所稱。身任一代文獻之寄者。洵非虛譽。集中附三史質疑二十五則。於金代事蹟辨述爲詳。有神史乘。如所紀宇文虛中仕金貴顯。爲裁定一切制度。及撰冊立宋高宗。文後以譏訕權貴而死。施宜生仕金爲翰林學士。以風疾致仕。並無使宋漏言被誅之事。皆他書所未及。足糾正宋人野史之謬說。至題范偉可訪祖墓詩。言范蜀公墓。在許州襄城縣房保村。則又吾輩談蜀故者所未聞也。余嘗謂元人別集。今所存者。凡一百七十六家。然求其文章爾雅。有關國故者。自雲莊。剡源。牧菴。秋濤。

雪樓、清容、中菴外。如滋溪之學術深淳。苞孕闔富。殆難其匹。昔馬伯庸試國子員。被天爵文第一。謂其讀經稽古。文有法度。當負斯文之任於十年後。其衡鑑之精。如歐陽公之於蘇文忠。然其所試礪石賦。今已不傳。陳象仲言伯脩爲御史四月。所上章疏已四十有五。今集中祇存十九篇。是伯脩之文遺佚者正多矣。附志於此。冀後人得以補綴焉。

甲戌正月十七日

題浙江詞科試帖後

雍正十一年。再開博學鴻詞科。詔內外大臣薦舉。浙江總督程元章舉嚴遂成以次十八人。十二年九月初十日。先會考於杭州。十四日補試一次。明年正月十九日。續試一次。此冊即彙集當時試卷。仿鄉會行卷而刊。刻以傳者也。前有履歷一葉。各注其人名。字。行第。生年月日。籍貫出身。與登科錄同門錄等格式。正同。惟所載祇嚴遂成。厲鶚。周玉章。杭世駿。沈炳謙。齊召南。張憲建。周長發。汪流。周瑛。十人。末又附周大樞文四首。意者尙有第四次補考。而此缺佚之歟。詞科掌錄。按程元章所舉。向有周大樞。萬光泰。陳士博。郭邦。著。程川。孫。詒。年。李。宗。謙。韓。維。等八人。正試題爲河清海宴頌。萬寶告成賦。杜氏通典鄭氏通志馬氏通考總論。賦得冲融和氣洽五言排律十二韻。補試題爲玉燭醴泉頌。鵬奮天池賦。九法五政論。賦得禾比君子五言排律十二韻。續試題爲景陵瑞芝賦。春雪詩七言排律十六韻。兩浙通志序。評二十一史。各題皆刊列卷首。其周大樞卷試題爲秋水賦。擬漢樂府練時日。兩風七月篇說。洪範五行連珠五首。各卷前具人名一行。爲薦舉博學鴻詞第一名。湖州府烏程縣進士。原任山西汾州府臨縣知縣。嚴遂成。下列總督程批。後列布政使張加批。篇中皆加圈點。與後來通行鄉會殊。卷殆無以異。不意煌煌綸綍。頻歲三節。悉心延訪。於丙午年內。所請卓越。淹通之士。傳之黼臬。傲澗色。鴻業膺著。作之盛。備顧問之選者。乃至下符州邑。集試省闈。與拔貢會考。舉人覆試。初無以異。似於盛世。世尚旖旎。大典稍違。異矣。竊嘗攷諸事例。知丙辰大科。視康熙己未之舉。前後體制。迥然大殊。按己未薦舉人員。程汝試之先。赴部投供而已。雍正除旨。則有遴選。攷驗。保題。送部之文。於是各省督撫。先行文府縣。由守令申送到省。會同學政合考一次。然後送部。仁。維。和。維。一。清。誠。夫。既。爲。辭。難。竟。理。非。浙。江。總。督。程。元。章。試。多。上。於。科。館。話。中。又。沈。文。憲。年。譜。云。正。

十二年留舉博學鴻詞。雖令沈光曾以札幣來聘，余以學術淺陋，辭與。試三十一人，余名第三。於是，有被舉而不願與省試者，有赴省試而被黜落者。當時名宿如秦和梁機、錢唐、沈垞、無錫、華希閔，其辭薦書啓，皆有避之若浼之概。垞謝蘇滋恢啓，其警句云：「會無寸面八行荷引重之恩，請俟三生一笑謝成終之賜。先春暖氣不到，寒嚴大地華風何關死草。謂高少室山之價已若浮雲，仍著終南捷徑之鞭。有如白水，其詞頗爲決絕。希閔謝吳眉菴少司馬書云：「癸丑夏，詔開博學鴻詞科。縣郡漫舉其名，達三院檄令，閱以疾辭。乙卯，制府趙公專檄趣徵，力辭免。蓋壯不如人，豈能以踰六望七之年，復與奕俊爭得，失於寸管。去夏，部檄至吳，有司督促就道，知出閣下薦剡，其爲榮幸何如。況得運試殿廷，與進士對策，相埒較之，乘筆墨唱名，魚貫就試。三院而待薦者，相去逕庭。閱雖愚，其愛榮醜衰，亦人情耳。能不喜哉。以此觀之，當日朝廷徵之以鶴書而疆吏乃先試之於鎖院，凡懷才負節者，多拂衣而不屑爲。又以知凡京官所薦得免於會考之辱，斯亦官吏不善奉行之過矣。且薦舉之中，亦有曾經掇甲科登清要之人，而欲其屈身折節與鄉里後輩挾策奏藝於三院之門，此尤人情所不堪。故秦和梁機以庶吉士出宰山西，其答從子欽卻薦書述及茲事，致爲憤慨。其言曰：「往者康熙己未，開是科，亦併及失職之臣。當時但詔內外大臣擇薦，以其姓名上而已。試事則天子親主之，今在外則先試於督撫矣。此在朝廷恩意闊徧，必俾之鄭重，以免叨濫。而在臣子愛惜國體，則一揆諸理道，以爲避就。阿叔忝竊侍從，在詞館，屢經御試，曾殊殊恩受勅命，官雖降調，而故階尙存。乃與老不得科第輩及後生小子，低首下心，搖筆啣唾，塗鴉於戟門之內，其顏之厚，豈獨羞士論抑且辱朝廷而朝廷焉用此不自漸之博學鴻詞爲也。準是而言，則丙辰大科得人之盛，遠不逮於己未，非無故矣。夫薦進之始，既不優以禮遇，及其甄用，又復多方限抑，故新其恩榮而欲天下之士爭赴效，能不幾於南轅而北轍哉。臨川李侍郎送趙意林序言：「天下所舉士，集閣下者百八十餘人，天子臨軒親試之，執事猶持嚴重之意，僅以十五卷上御覽，蓋取數視己未四之一耳。己未三取一人，而今十不能得一，其於斯學也，蓋有徵詞焉。杭大宗亦言：「兩中堂之意，以保舉多有濫觴。」按此二字解取額遂隘其實赤水遺珠不開離朱罔象也。兩中堂者，謂張文和鄂文端二相國也。杭氏更取未錄各卷，周大樞王祖庚厲鸞洪德潛原文載之。

詞科餘話中。其時銜失於楚。年士論蓋不無餘議焉。夫以一代旁求之大典。前後相去甫六十餘年。而上之所以待士與士之所以自待者。觀於此冊。其盛衰升降之原。使人感喟於無既。然後嘆聖祖之仄席求賢。其冲懷闊度。洵非後王之可幾及矣。

按詞科掌錄。載歸安沈炳謙。以後到補試。題有九法五政論。蓋初學記偶儷牽合之辭。榜後試帖盛行。仁和孫之騏子駿。家居著述。其松源經說中。亦有一論。似攻擊沈君而作者。然風簣應試之作。未可與暇日纒祭者同論也。今沈氏九法五政論。正刊入此帙中。學者以松源之作。比類而觀之。知急就成章。其不足語於定論審矣。又杭氏所稱榜後試帖。正爲此帙。當時固已風行。今日乃爲稀聞。且它省會考。其試帖當不乏流傳。當世儻有其書。其能惠然肯告乎。甲戌二月既望。藏園老人記。

試帖原載履歷照錄于後。其它事蹟。附注一二。

浙江薦舉博學鴻詞姓氏履歷

嚴遂成 字崧占一字海珊行二甲戌六月初二日生湖州府烏程縣人雍正甲辰進士山西汾州府臨縣知縣

按遂成以父憂未與考。既闕。徵書屢促。有辭啓。致湖州唐改堂太守。載詞科餘話。典麗可誦。

厲鶚 字太鴻一字樊榭行二壬申年五月初二日生杭州府錢塘縣人康熙庚子舉人揀選知縣

按鶚赴廷試。題誤寫論在詩前。遂報罷。後以部選當得官北上。行至津門。留查氏水西莊數月。撰絕妙好詞箋。遂不就選而歸。

周玉章 字叔大一字藥欄行一壬申十二月二十九日生杭州府仁和縣人附學生

按玉章試罷。旋於乾隆丁巳成進士。入翰林。校書館閣。升侍講學士。

杭世駿 字大宗一字董浦行二丙子年四月二十八日生杭州府仁和縣人雍正癸卯正科舉人揀選知縣

按世駿廷試列一等五名。授編脩。在史館纂脩三禮。校書武英殿。旋以考御史文。中陳四事。下吏議落職。

沈炳謙 字幼牧一字勞山行六乙丑年十一月初十日生湖州府歸安縣人歲貢生

按炳謙與兄炳震同列薦牘與仁和二趙錢唐二奎二王一時傳爲佳話省試名列第五在杭齊之間大宗因有王前盧後之謔其省試也以五法九政說受知於帥蘭皋然不知孫氏之已議其後也

齊召南 字次風一字一乾行二丙戌年正月初十日生台州府天台縣人拔貢生雍正己酉副榜

按召南廷試列二等第八名授檢討升至禮部侍郎後以族兄周華獻書於巡撫并揭召南十罪下獄削職放歸甲寅被徵時書室生竹一莖兩歧胡天游爲賦瑞竹詩

張懋建 字介石一字一行七壬午年三月初四日生寧波府鎮海縣人拔貢生國子監教習

按懋建後官福建長樂知縣

周長發 字蘭波一字朗菴行四丙子年三月二十八日生紹興府會稽縣人雍正甲辰進士温州府樂清縣儒學教

諭前翰林院庶吉士江西建昌府廣昌縣知縣

按長發廷試列二等第九名授檢討遷侍讀學士隨園詩話言雍正乙卯春與周蘭坡同試鴻詞於杭州制府詩題爲春雪十二韻因是日下雪故也蘭坡有句云堆從梨蕊消難辨進入梅花認亦稀今帖中所載正是此詩

汪沈 字師李一字西顛行二甲申年十月十二日生杭州府錢塘縣人附學生

按沈廷試報罷後客津門查氏極一時文譙之盛著有津門雜事詩百首杭蕙浦爲之序

周琰 字青瑤一字西序行一癸酉年十二月初九日生紹興府蕭山縣人附學生

按琰字以避廟諱鶴徵後錄刊作炎報罷後終於諸生其試帖所載景陵瑞芝賦杭氏采入詞科掌錄中

補史亭贖稿跋

南宮邢君新獲各書余春分日既詳記於冊矣矧日贊庭又送一函至披帙視之則昨歲暮所得之杭大宗遺稿也書凡六種曰鴻詞所業二卷曰經進講義一卷曰史記考証七卷曰禮經質疑一卷曰經史質疑一卷曰三國補注六卷

前有趙一清序。又曾孫福煥跋。茲錄之左方。俾後人可以考見源流焉。原書寫本，烏絲闌，十行行二十四字，版心下方，有道古堂鈔本五字。蓋即其曾孫福煥所錄也。

董浦杭太史。余垂髫友也。好讀書。余家小山堂。藏書充棟。董浦從余先徵君借觀。過目輒記憶。時則前輩符藥林、全樹山、厲太鴻、吳尺鳧、諸君子。昕夕過從。辨難今古。而董浦啓奧旨。闡鴻詞。磊落奇偉。頗顯其間。知其經術文章。誠有不可一世者。皇上御極之元年。董浦以名孝廉。薦預大科。廷對稱旨。與劉沈巨公。同人史館。翱翔蘭省。卓卓爲士林望。未幾歸鄉里。名益震。望下風而願從者日益衆。董浦乃輯道古堂詩文集。各數十萬言。其詞典以純。其氣宏以放。既以巍然大觀矣。余方閒居小山堂。注釋水經。偶獲創解。輒示董浦。董浦亦以其心所得者示余。復續得其補史亭牘稿十九卷。皆全集所未發。而尤可傳者。噫。董浦與余交數十年矣。憶自符藥林前輩。高軒雅集。釀酒論文。何其盛歟。今日簡冊摩挲。倡予和汝。每懷疇昔。感慨係之。且董浦家貧。續集既輯。仍不能刊。其惋惜更何如也。爰序其事。以俟後之君子。

乾隆五十八年六月之朔東潛趙一清拜識

先曾祖一生勤學。方中乙科。即膺分校之聘。旋登詞館。入直武英殿。校勘經史。充三禮館纂修官。及歸田里。一意著書。所纂道古堂詩集。已刊而行世。外集又十數種。已刊成者七種。此補史亭牘稿六種。凡十九卷。家寒未能付梓。而終不敢有所遺棄。暇即手鈔。今年已成四分矣。自慚負米奉親。頻年奔走。仍有飢寒交迫。不能一意手鈔。惟期再將續禮記集說百卷。暨兩漢書疏證一百卷。鈔錄呈於當代大君子。藉以久傳。亦幸甚矣。曾孫福煥謹誌。

鴻詞所業上中下三卷。上卷萬寶告成賦。乃浙江總督程元章薦舉後。在浙會考之題。余別有浙江鴻詞試帖二册。即載此文。當別爲文以記之。次載五六天地之中合賦。黃鍾爲萬事根本論。爲廷試之題。餘則經說史論九首。經述講義一卷。爲在翰苑時所撰。詩周頌。周禮天官禮記樂記。書皋陶謨。凡四則。

經史質疑一卷。記門人之問答。有楊翰、李宗樹、李璣、李光烈、李若珠、馮成章、朱聯兆、陳介特、麥參常、羅鼎臣諸人。

禮經質疑一卷。亦記門人問答。有馮成章、李光烈、鄧汝龍、李若珠、李夔班、陳詮、楊綸、陳介特、周乾矩、羅鼎臣、陳璉、陳五章、陳在簡、謝得清、諸人。

史記考証七卷。按此即武英殿本附錄之攷証也。取殿本校之。其中各條具在。但未注名者。居其半。得此。可以判斷之。前有杭氏小跋錄後。

有明萬歷中刊十三經二十一史於南北國子監。南監之本。大小不倫。世遂以此本爲貴。其間訛闕不可指數。聖天子廣同文之化。一新天下之耳目。申巽以命儒臣。重加校勘。條其同異。附於各卷之後。桐城方侍郎苞。以余名上聞。總裁其事者。華亭張尙書照也。就余商榷。虛心採納。竭蹶鈍以答之。考証所由作也。既余以狂言獲譴。天府之藏。末由再得窺見。同年天台齊侍郎。惠寄三冊。而史記儼然在焉。一再覽觀。如逢故物。辛苦所存。不忍捐棄。錄而存之。其名一仍武英殿之舊。同事此書者。長白德侍郎齡。昌平陳詹尹浩。歸安孫編修人龍。均有議論。不敢闌入。恐獵美也。乾隆十年。龍集乙丑。四月朔書。

三國志注六卷。按此書近時已有刊本。暇時當覓得校之。未知尙有脫佚否。

按右書六種。史記攷證三國志補注。皆有刻本。其質疑二書。攷證精確。多有可存。贊庭銳志刻書。於前人遺著。訪輯至勤。當縱輿付梓。以公當世也。又按大宗所著。續禮記集說一百卷。其原稿藏上海涵芬樓。今有活字本行世。而兩漢書疏證。則流落何許。不可知矣。其補史亭爲補金史而作。聞其遺稿。今爲燕京大學訪得。尙未之見也。甲

宋本宛陵先生集跋

梅都官集。今世所傳。以正統本最爲古舊。乃袁廷輔旭守宣城時所刻。凡世之號爲元本者。皆正統刻之初印者也。庚午秋。訪書日本。於東京內野五郎三家。忽覩宋刻。洵海內之奇書。傳世之孤籍。驚喜賞歎。生平未見。私意欲得傳校以歸。願稿貯甫通。主人似秘惜異常。祇私記其行格於冊而已。其後聞涵芬樓展轉殷勤。竟得攝取影本。私心爲之大慰。

而詢其刊行之期。則渺不知何日。因馳書菊生前輩。乞先以稿本見示。旋以二巨冊郵致。展卷疾讀。如逢故人。因取明刻校之。文字異同。固不必言。而今本佚收之詩。乃至一百篇。其最著者。如東軒筆錄。所記之書竄詩。乃赫然具在。余既取其詩。別寫成冊。附諸明本之後。茲特撮舉其目。著之於篇。以告當世之嗜梅詩者。俾以先覩爲快耳。宋本半葉十行。行十九字。白口左右雙闌。板心上記字數。下記刊工姓名。目錄列每卷前。存卷十三至十八。卷三十七至六十。通得三十卷。適有全數之半。卷末有紹興十年汪伯彥後序。蓋即其知宣州軍時郡學鑄版者。又附嘉定時重修官銜一葉。茲并依錄於左。俾知此本刊板於紹興。重修於嘉定。而其地則爲宣城。按其刊工姓名。亦可與他書相印證也。藏印有岐亭收藏。島田重禮。島田翰讀書記。諸印。皆日本人印記。別有常山常住。正書墨記最古。是此書亦宋代。法僧徒所携歸。故卷中絕無吾國名家藏印。眞海外之佚籍矣。

宛陵集佚詩各題

書竄

和韓持國京師雪

和宋中道元夕

和原甫會靈譙

馬察院贈欽硯

問上洛王宰以上十三

歐陽永叔見寄長韻

白石塞樹屏

白鷗圖

懷素草書

蜀虎圖

此賦石昌言家五題之四

送襄陽馬少卿

讀賢愚錄

送張景純知邵武

送河內令孫偕

送陝府王待制

送湖守張伯鎮

送王伯初婺州倅

送徐州簽判李廷評

和儋州西湖

自和

送顧中舍赴德順

喜雨

送劉推官赴汝州

寄渭州王龍圖

西水門晚遇雨

寤寐謠以上十五

傷何皆秀才

送田遵古秀才

答王君石遺包虎

依韻解中道如晦

和原浦置酒

送和師歸雪竇

送知太平孫學士

和杜相答若謨書

擬詠懷

送孫推官赴鄆州以上三十九

秋風篇

籬上牽牛花

送人入都以上四十

觀史氏畫馬圖

送提點畢郎中

寄達觀禪師

寄渭州劉太保

送王太博歸西京以上十四

送令狐度支知秀州

驥驥院遇雪十六

夢與宋侍讀同賦

寄題景純環翠亭

留別乾明山主以上三十七

和中道秋宴以上三十八

觀書

和答宋中道

送楊明叔越州倅

翠羽辭

送邵不疑謫邵武

杜太師示書四十

袁大監挽詞

正仲同諸賓泛池

和正仲見寄

李令遺茶

正仲路中見寄四十四

和丁元珍寄張聖民

和寒食偶書

游樊氏園

和王平甫見寄此一首有目無詩
以上四十七

妾薄命

永叔見答以上四十八

永叔示感興五首以上四十九

牛衣此二題在農具下
以上五十一

哀馬以上五十二

坐睡和持國

送曾寺丞宰桐城以上五十三

歐陽詩附以上五十四

送永興書寄王甲

叙寄刁學士

送保定李太保

和永叔嘗新茶雜言

送陝西王提刑五十八

答涇尉徐絳以上四十二

許待制遺雙鱸魚

和齊少卿寄鴨脚樹

和清明席上以上四十六

藺相如

夾道岡

杜太師寄贈

醉翁吟

耕牛

送王郎中知華州

寄題榮佚堂

送陳寺丞知宛甸

大雨寄永叔

永叔見示彈琵琶

賦永叔白鸚鵡以上五十五

送朱瑞公契丹

謝王尚書惠牡丹

永叔再寄以上五十六

和中道再寄

永叔遺助洗兒以上五十九

卷末銜名列後

重修宛陵先生文集

自嘉定十六年端午日修校

至十七年正月上元日訖事

司書 王安國監修

掌計 殷質

學諭 賁士虎監修

學諭 王應龍監修

直學 盛志剛

學錄 賁約之

學正 戚夢實

文林郎充寧國府府學教授劉寅

又按此帙有烏田翰跋。謂其家舊有元翠巖精舍本宛陵集。乃覆此紹興刻者。翠巖本亦中土所不傳。何宛陵一篇。彼國乃獲二妙耶。噫異矣。甲戌三月。藏園居士記於陽菴山麓清泉吟社。時環山十餘里。杏林怒發。連岡被嶺。雲蔚霞蒸。可謂錦繡萬花谷矣。目眩紅紫。手玩丹鉛。嬉春勝賞。惜不得素心人。共此晨夕。掩卷爲之慨然。

校明鈔徐孝穆集書後

前日邢君詹亭。出示新收各書。其中有孝穆集寫本。余已別記之矣。余以徐集向無舊本。因乞暫假一校。迨携歸後。取張溥本手校。並以屠隆本張鑾本合參之。乃知其佳勝處。不第如鬼床所舉也。其最甚者。如皇太子臨辟雍頌。儀天以

文。以字下，脫行三善，儻極以照四方，惟忠惟孝，自家刑國，乃武乃凡，二十字，正爲一行，今本乃綴合僕天，以文爲句，其義殊難索解。故吳頤令箋於此句下，亦不能爲之注釋也。其它異字，如鴛鴦賦，孤鶯對鏡，不作照鏡，勳進表，擲圖執劍，不作乘劍，望紫極而長號，不作行號，如龍如獸，不作非龍非虎，玉臺新詠末句，無或護焉，不作麗矣香奩，要皆可取，而爲它本所無者，惟版心文壽堂三字，不能考定爲誰氏，審其字迹，要是明末時風氣，附記於此，以證當代博聞君子，甲戌三月，清明前三日，藏園記。

唐風定序

貴陽郡太史冕之，清才妙悟，雅嗜吟詠，秀綺無倫。昔年於藏市，得那孟貞唐風稿本，披玩不忍去手。余因爲作緣以歸之，冕之既寶此宗人之遺著，懼其久而無傳，爰付梓人雕鐫，以行世。越歲刻成，屬余爲序，以引其端。自維賦性疏拙，夙不工詩，顧生平從事丹鉛，於唐人詩集點勘者，殆百餘家，雖獲粗窺樊籬，而於風雅之旨，仍舊如也。然竊觀孟貞自序及方氏撰乾誡語於其選定之旨，微有會於心焉。嘗謂近代甄錄唐詩，莫善於元楊仲弘之唐音，然其分始晉正遺音，暨各類，蘇伯簡已議其非。次則高廷禮唐詩品彙盛行於時，明代館閣諸賢，奉爲宗主，其體例略祖仲弘而分正始正宗，大家名家，羽翼接武，正變餘響，旁流九格。然初盛中晚舉諸人，而強爲限斷，二馮力攻其謬，兼以何李摹擬盛唐，號爲復古，後來門戶攻擊，遂集矢高書，謂詎胎實兆於此。鍾譚詩歸最爲晚出，自矜新穎，一時靡然嚮風，而幽纖疏薄，雅意益復淪亡。且其學識譚陋，復以私意割裂，取效顧亭林，至以妄誕斥之。此二書者，皆數百年來世人所習觀而循，誦而其遺議乃如此，然則選定，豈易言哉。今孟貞此篇，取古律分卷而統以正變次之，固已得其綱要，且品藻特爲矜嚴，主旨略師仲弘，而恢其規緒，蒐采有類，延轅而芟其繁蕪，孟貞固自詭愛取諸選，旁及本集，汰擇刪定者也。昔王漁洋見孟貞五言詩，以爲韋柳門庭中人，施愚山謂其所長，與錢左司劉隨州伯仲，宋西陂亦謂其體少陵，而出入韋孟錢劉，以發其菁華。錢牧齋杜于臯，至以今之隨州長江推之。嗚呼！觀諸公論定孟貞之詩，則孟貞論定古人之詩，其旨趣固可見矣。甲戌二月，傳增湘書於藏園之石齋。

題福開森藏辛卯科江南鄉試題目冊子

今年春余撰清代殿試考略既竣。論者以謂宜詳稽國家定制。自邑試至於廷試輯成一書。以存一代考試制度。余善其說。頗思庶續爲之。人事迫冗。未暇撰定也。前日承福開森君召飲其宅。知余有考試制度之輯。因出所藏光緒辛卯科江南鄉試題紙見示。蓋福君時方主金陵大學。學生有與試者。因從而得之也。考是科正考官爲金保泰、忠甫、副考官即李木齋、師盛鐸也。余嘗聞師言。是科策題五道。第一經學。第二史學。爲吳綱齋學士所擬。第四元代四都。第五叢書。爲李若農侍郎所擬。其第三道律呂。則師所自撰。自來科場策題。多以政治發問。如兵農刑漕水利銓選典禮之類。光緒中葉。潘文勳翁、恭徐壽衡、李若農諸人布列鄉試。迭掌文衡。以古學倡導後進。於是經史之外。旁及周秦古書金石地理。用修奇博。若此科之問元代地域宋明叢書。皆當時京朝官所崇尚者。大抵一代之學術。多視在上之意。向以爲轉移。有三數人主持於上。而海內文士咸翕然赴之。及後來經學既盛。而流爲公羊改制奇袤之說。攷古既盛。而研及鐘鼎碑版破碎之文。皆末流之弊。非始事者所及料也。昔曾文正公謂自一二人之心之所嚮。而衆人爭趨。轉移風習。遂以陶鑄一世之人才。以爲此乃士大夫之責也。嗚呼。國家科舉之制。遵行數百年矣。估畢空疏之徒。固不足以語於治道。而揀其弊者。乃欲以考據文藝之事挽之。其無裨於實用則一也。余觀此策問之文。而感於一時風尚之推移。而別有所觸。聊於此發之。以爲當代主持學術者正告焉。福君久居吾國。或亦喻此旨乎。

癸酉嘉平月初九日江安傅增湘書於藏園長春室中

北宋本五代史記跋

歐公五代史記。各家所著錄者。莫古於慶元。本余曾得一帙。各卷有後學魯郡曾三異校定一行。次則元宗、文、書、院、本。意園盛氏有之。後歸於密韻樓蔣氏。其書十行二十二字。友人章式之校過。云絕少佳勝。此外更古者。有季目所藏北宋本。願未見其書。近時劉氏玉海堂有宋刻中字本。今已摹雕行世。余審其字迹雕工。均不甚工。或南渡初坊刻也。壬戌殘臘。書友魏經朕忽舉兩冊見示。存序日本紀卷一至十二。凡十二卷。半葉十二行。每行二十二字。白口左右雙欄。

版心上魚尾下。記史本紀幾。下魚尾下。記刊工姓名及字數。刊工有高安禮、熊煥、吳世榮、徐信、高安道、吳信、蔡侃、王受、吳小二、諸人。宋諱如明弘殷敬玄匡胤貞恒勛等字。皆缺末筆。信慎不缺。定爲北宋所刊。審其筆致刀法。於豫章爲近。當是歐。歐成書後。第一刻本。徧攷古今簿錄。歐史之古刻。殆莫先焉。頗疑滄葦所藏。即是此本。洵創見之奇書。孤行之秘籍矣。鈐有榮觀堂書印。朱文大章篆法印色。至爲古舊。意爲前明之人。第亦倉卒莫由考索也。記之以竣當代博雅君子。

余得此本後。曾取武英殿本對勘之。十二卷中。改訂凡一百餘字。如卷一。溫客謝瞳。不作瞳。徒封吳興郡王。不脫。徒。流俗本宜從玉者非。玉不誤。王宰相張濬私與汴交。不脫。宰相二字。楊行密遺朱遣。不脫。朱。天子復位。位不誤。立人見者咸以爲忠。不脫。人字。王怒以爲崔胤殺之。不脫。爲字。佑國軍。不誤。祐國。殺宰相柳璨。不作。璨。此各條慶元本皆同。惟瞳字。玉字。慶元本亦誤。又殿本考證卷七。唐愍帝紀。靜難軍節度使藥彥僞爲副。館臣言僞當作稠。然自慶元本以下皆誤。不知此本。本作稠也。又愍帝遣王思同會諸鎮兵。字各本皆脫。有以討之。館臣謂監本訛作師。今從上下文改正。不知此本。本作思也。又卷十二。周世宗紀。甲辰。殺左羽林大將軍孟漢瓊。館臣謂監本脫瓊字。今增正。余按漢瓊爲後唐宣徽使。以清泰三年三月見殺。不應復出。見於後周。今此本作漢卿。乃別爲一人。據此。可糾考異誤改之失。其他奪文異字。往往多所補訂。不及備舉。若全書尙完。其匡正當復不尠。然猶幸。芟者尙存。使後人得見。歐史之祖本。不可謂非書林之環寶矣。

余得是書後。適舉藏園祭書之典。與祭諸君。咸題名卷首。茲遂錄於後。以見一時良會。正未可多得。而首題之王、吳、二公。已。舊有。宿草矣。可勝歎哉。

汾陽王式通仁和吳昌綬同觀

壬戌十二月。自津來京。二十三日。沅叔同年招游藏園。并及同好。五舉祭書之典。是年沅叔所得。爲北宋本。五代史記十二卷。北宋本。唐百家詩選八卷。宋本。義豐集一卷。宋巾箱本。四朝名臣言行錄二卷。宋本。揚子法言十卷。

宋本太玄經一卷、宋本播芳大全文粹四卷、宋本尙書注疏二十卷、元本遼史一百十六卷、元本蒲道源閔居叢稿十三卷、元本道園類稿五十卷、明藏本墨子十五卷、尤爲銘心絕品、墨緣書福、歲益光大、敬書歐史卷端、以志盛集、長洲章銜記、

是日同集者、嘉定徐頤祥、長白彥憲、蕭山朱文鈞、吳興徐鴻寶、吳江沈兆奎、豐潤張允亮、期而不至者、仁和王克敏、豐潤張恂、年年與祭、而以歲暮南歸者、江寧鄧邦述也、

祭書方畢、書友魏經朕、又持歐史序目一卷來、以百番易之、厚價收書、不似貧、殆爲我詠矣、沅叔附記

正德本沈佺期集跋

明刊本沈詹事集、王子春得之秀水莊氏、前有正德戊寅王廷相序、與宋之間並舉、言同寅劉潤之以二集示余、校閱歲月云遠、謄傳失真、訛謬所裁正者、得什之五六、缺所疑者、或善本更足焉、是此集乃沈宋同刻也、半葉十行、行十六字、白口單闕、前有目錄、卷首題太子詹事相州沈佺期雲卿著、刑部郎中江都蕭海校正、監察御史浚川王廷相重校、三行、攷雲卿集、明嘉靖百家唐詩本分三卷、許自昌本分二卷、活字本分四卷、此本則以詩體爲次、凡五古、七古、五律、五排、七律、五絕、七絕、共七類、析爲七卷、與各本皆不同、取嘉靖本略校、詞句粗有出入、其詩句下注一作某、多爲他本所無、序中所云、裁正十得五六者、殆謂此耶、甲戌三月、旣望、藏園記、

按卷中鈐有姜氏所藏、姜渭、璜谿珍玩、諸印、又有同治戊辰璜谿跋語、言得之於甫里、璜谿何人、無可考見、年代非遙、吳中當有知之者、藏園附志、

宋刊本義豐集集跋

此宋王南卿義豐集一卷、黃堯翁百宋一廬賦、所謂文考信於南卿者也、堯翁自注云、殘本王阮義豐集、每半葉十行、每行十八字、所存五十八葉、前有淳祐戊申大梁趙希奎序、後有淳祐癸卯吳愈序、通體均遭剗補、文僅末半葉、與前半葉和淵明詞云云、初不連屬、缺損已甚矣、元書幾卷、無從考見、惟程史以爲阮所作詩、號義豐集、刻泮泮、校官馮椅

爲之序者。有詩無文。決非此本也。此書余十年前。得於豐潤丁氏。審其卷帙行格。一全都合。惟尙有賦注所未詳者。趙希至跋。行書四行。大字蒼勁。似顏平原。跋後有克家母情書房墨記二方。吳叙行楷。半葉七行。筆致秀逸。似皆以墨迹上板。本書黑口左右雙闌。版心上方記字數。下方記葉數及刊工姓名。有陳三、蘇成、吳全、萬金、朱文、朱榮、陳顯、鄭興、王俊、諸人。字體樸厚而微拙。雕工挺勁。據吳序言。刊於惠州之博羅。嶺外工技。固不及南中之工麗也。南卿詩文。他無所見。世傳義豐集。皆自此冊鈔出。洵屬海內之孤本。然趙氏跋語。各家皆不錄。其篇求和歸去來辭。及殘文半葉。各本多從刪削。細審目錄後幅。補綴顯然。意書估割去以充全帙。然從此南卿之文。其卷數迄不可攷。殊足憤歎。卷中有士禮居及黃蕘圃汪闡源各印。蓋自宋廢出後。曾歸之菽芸精舍矣。

近時豫章叢書中。新刻此集。後有晉安黃瓚跋。言借鈔於晚村家。予取宋本對校。開卷趙希至題識。即已失載。目錄四葉亦無之。題下注一首二首字。咸刊落不存。而詩中譌誤之字。乃多至一百九十餘處。其小注脫失者。亦往往而有。如上唐舍人詩。戰艦奪松楸下。脫。隅、官、之、擾、民、不、得、耕、戰、船、之、材、多、伐、民、墓、十、六、字。擊牙終作梗下。脫。盜、賊、日、甚、四、字。游萬杉寺題下。脫。寺、有、昭、陵、御、書、六、字。館娃宮下。脫。相、傳、吳、王、故、宮、六、字。皆其顯著者。由於展轉鈔傳。沿訛襲繆。已匪伊朝夕。設非親見宋本。又烏掃滌蕪蕪。一親本來面目耶。茲將趙希至題語。列之左方。其椒徵師借校手跋。亦附著焉。

淳祐戊申冬。得義豐集。夜坐涉獵一過。爲之撫卷。其所以抱負者。豈不偉哉。然仕官不過二千石。始是當先朝萬物盛多之時故耳。年來士無才學。未必乾淳可督郵。願余亦忝法從。茲又見諸老與之往還書尺。而重爲古之人今之世。交致其憾也。大梁人趙希至題。

余舊藏義豐集。有鮑涿飲跋。蓋從知不足齋本傳錄者。烏焉亥豕。不可句讀。春間晤沅叔。聞得此書宋本。亟謀借校。以留滯南中。而沅叔之書。又在京邸。未償此願。秋間北來。臥疾累月。至歲杪少愈。沅叔携此見過。遂得留校一通。俾西江鄉賢遺著。多一善本流傳。曷勝愉快。至此刻精妙。已詳百宋一廛賦中。不復贅述云。癸亥祀竈前一日。盛鐸。

姚舜咨手寫建炎復辟記跋

邢君詹亭新自吾蜀唐百川家得鈔校本書數帙。持以見貲。中有建炎復辟記一冊。竹紙藍格。半葉十行。行二十字。版心下方有茶夢軒鈔四字。卷首有姚舜咨圖書白文印。惟末葉失去。無姚氏署款。詹亭頗用致疑。然以余審之。其字韻致古拙。與余所藏續玄怪錄。正出一手。爲舜咨七十以後所書。殆無疑義。取昭曠閣本校之。文字殊有異處。如傳檄諸州。傳不誤傳。昭示此心。示不誤爾。門下侍郎顏政。政不誤岐。尙書左丞張徽。徽不誤。徽。顯太后赦取天下生靈。赦不誤。所以持金人養成今日之禍。刻本乃作致今日養成金人之禍。皆賴此本糾正。卷中語涉宋帝空格。當是從宋刊鈔出。余昔年得舊鈔本。有曾在王鹿鳴處一印。曾手勘一過。核其訂正之字。與此本脗合。是其同出於一源。又可決也。四月初四夜藏園記。

宋刊胡次和太玄經集注跋

宋刊太玄經殘帙。自卷六上第一葉下半葉起。至三十六葉止。又第三十八葉上半葉。存窮、割、止、堅、成、闕、失、七首。半葉十行。每行十七字。注文大字低一格。白口雙闌。版心上方以千文標記。下方記刊工姓名。避宋諱至慎字止。因首葉殘缺。失去標題。其書名遂不可得知。亦未審爲何人所輯。今觀卷中注文。有范云、司馬云、章云、鄭云、諸家。范爲范望解贊。司馬爲司馬光集注。章云當爲雙流章。魯以魯撰。有太玄經注、十卷、疏、三十卷也。鄭氏未詳何人。或爲鄭北山剛中。以北、山、精、研、易、學、著、有、周、易、窺、餘、也。余因取萬玉堂本范注。青棠書屋慳公集注。分別勘之。其文字乃頗有歧異。別寫校記以著之。余適收得鈔本、永樂大典、玄字韻、二十七卷。皆爲太玄類。遂悉心鉤考。其中所錄。有陳仁子輯注。胡次和集注兩家。其胡氏集注中所引。正有司馬、鄭、章諸家。因取殘帙七首注文。字櫛句比。竟悉相脗合。乃知此本。卽爲胡次和集注也。第胡氏名籍。苦不能詳。俟更攷之。其集注全本。大典、逐卷、悉予收入。若得好學者。重爲摘錄。按目編定。當可復還舊觀。使數百年湮沈之籍。復見天日。其爲功。願不偉哉。

刊工人名列後。其人名有與廣韻同者。

童遇	沈忠	宋瑤	顧達
蔣容	蔡邠	陳伸	劉昭
龐知柔	石昌	沈珍	金榮
丁松年	項仁	金祖	章忠
陳彬	唐世榮	董澄	王渙
王壽	曹鼎	陳壽	王汝霖

太玄經
萬玉堂范望贊解本

卷版行	字
六三 四雙行	九注
六三 十一雙	五注
六三 十三雙	十五注
六三 十六雙	二注
六四 二	十注
六四 八	四
六四 十五雙	二注
六五 八	十四五注
六五 十	十七注
六五 十一	三注

藏園群書題記

陰 陽 年切 此 曰 君子 畜 然而 本 十

誤

宋刊胡次和太玄集注

校 上 木 而字衍 蓄 君子君子 曰 比 平均 陰 陽

改

六五 同 十二注

六五 同 六注

六五 同 十四注

六五 同 十五注

六六 一 十二

六六 同 十六注

六六 同 十六注

六六 四 十六注

六六 九 五注

六六 九 五注

六六 九 五注

六六 九 五注

六六 九 五注

六六 九 五注

六六 九 五注

六六 九 五注

六六 九 五注

六六 九 五注

諭

者

也

陽

刊

刊

割

次八

上九

是故重門禁暴客關止狂淫也

四爲金則於木故重木也而

求其疏求窮之謂

止于重木求其

求疏重木故窮也

蓋

五爲天子位是稱車蓋也置也柱置也廡廡也

柱及蓋

貴處中央天之地也

諭

皆

衍

陰

割

割

刻

次字衍

上字衍

易爲幹事之無門關則止其事門戶

人之用以防閑有不相當以割之

木至秋則割落而重此立冬之候木葉落而

難疎之間求其義入義有義之道於難疎之中

求其疏求窮之謂

行

立冬之後發疏之物利於蓄藏從柱廡

均裁以藏之求于重木非求之時也

柱廡廡蓋

論

皆

衍

陰

割

割

刻

次字衍

上字衍

易爲幹事之無門關則止其事門戶

人之用以防閑有不相當以割之

木至秋則割落而重此立冬之候木葉落而

難疎之間求其義入義有義之道於難疎之中

求其疏求窮之謂

行

立冬之後發疏之物利於蓄藏從柱廡

均裁以藏之求于重木非求之時也

柱廡廡蓋

論

皆

衍

陰

割

割

刻

次字衍

上字衍

易爲幹事之無門關則止其事門戶

人之用以防閑有不相當以割之

木至秋則割落而重此立冬之候木葉落而

難疎之間求其義入義有義之道於難疎之中

求其疏求窮之謂

行

立冬之後發疏之物利於蓄藏從柱廡

均裁以藏之求于重木非求之時也

柱廡廡蓋

論

皆

衍

陰

割

割

刻

次字衍

上字衍

易爲幹事之無門關則止其事門戶

人之用以防閑有不相當以割之

木至秋則割落而重此立冬之候木葉落而

難疎之間求其義入義有義之道於難疎之中

求其疏求窮之謂

行

立冬之後發疏之物利於蓄藏從柱廡

均裁以藏之求于重木非求之時也

柱廡廡蓋

青棠書屋溫公集注本

卷 版 行 字

三 二十二 一 注

三 二十二 四 十二

三 二十二 九 晉

三 二十二 十二 注

三 二十二 十三 注

三 二十二 十九 注

三 二十三 三 注

三 二十三 四 注

三 二十三 九 注

三 二十三 九 注

三 二十三 十三 注

三 二十三 十七 注

三 二十三 十八 注

三 二十三 十九 注

三 二十四 四 注

三 二十四 八 注

三 二十四 三 注

誤

從和切

猶不失正也

猶晉獎

失位而當夜

困係之重也

殺衰也

今從諸家

而自賊

食作飽

是割鼻以啖其口者也

負輓

今從二宋陸本

妖氣

割除之也

太陰

今從諸家
知止而後下脫五字

三思而後行

校

徒和切

猶不失其正也

猶晉陸

衍而字

囚繫之重也

補所介切三字

今從宋陸范本

衍而字

食作飽

衍者也二字

負輓

今從二宋陸范本

妖氣

衍之字

太陰止物於下

今從諸家本
有定定而後

衍後字

改

三 二十七 四 正文

維用

惟用

三 二十七 六 正文

鑿焚其翊 周文句

上九鑿焚其翊

三 二十七 十 注

范本作陰氣方消

范本陰氣方消作陰氣方消

三 二十七 十一 注

得成其形也

衍也字

三 二十七 十七 注

貞厲者也

者也字衍

三 二十六 一 注

競爲強也

競謂強也

三 二十六 三 注

貞作不貞

化貞作不貞

三 二十六 五 注

孔子謂下孟不移

孔子曰惟下愚不移

三 二十六 七 注

潔白

絮

三 二十六 七 注

介如石

介于石

三 二十六 十四 注

陰德喻國

陰德喻國

三 二十七 二十 注

云茲微貌

茲茲微貌

三 二十五 十一 注

餘從范本

本字衍

三 二十五 十五 正文

砒石

砒石

三 二十五 十八 注

準良

亦準良

三 二十五 十八 注

斗柄指亥

斗建亥

三 二十五 十九 注

應鐘

應鐘

三 二十五 十九 注

皆堅之貌

之字衍

三 二十五 十九 正文

胘胃

胘昌

三 二十四 四五 正文

止于童木

求其疏毅

三 二十四 五 注

范本下脫

其求窮

三 二十四 十六 正文

蓋蓋

下蓋字衍

三 二十四 十七 正文

柱及蓋毅

柱夔廬蓋

三 二十四 二十 注

草舍之闕者

草舍之圓者

三 二十四 二十 注

此五故可貴也

此三者故可貴也

三 二十五 一 正文

方輪廣軸坎珂其輿

方輪廣軸坎珂其輿

三 二十五 一 正文

白方輪坎珂還自震也

坎坎其輿還自震怖也

三 二十五 二 注

坎柯

坎坎

三 二十五 三 注

而不獲適矣

而不獲其適矣

三 二十五 三 注

最多

最多

三 二十五 五 注

鄰作憐

小宋本鄰作憐

三 二十五 五 注

儼香雉

儼陳香雉

三 二十五 六 注

吳本良涉切

本字衍

三 二十五 六 注

獵者

者字衍

三 二十五 六 注

所註

所註

三 二十五 七 注

而位又當畫

位又字衍

三 二十五 九 正文

善馬恨惡馬恨

善馬恨惡馬恨

三 二十五 十 正文

弓反馬恨

弓反馬恨

三	二十七	十八	正文
三	二十八	二	注
三	二十八	三	注
三	二十八	四	注
三	二十八	四	正文
三	二十八	十三	正文
三	二十八	十四	注
三	二十八	十六	注
三	二十九	二	注
三	二十九	十五	注
三	二十九	十七	注
三	二十九	十八	注
三	二十九	二十	注
三	三十	一	注
三	三十	二	正文
三	三十	三	注
三	三十	四	注
三	三十	五	注
三	三十	九	注

成躍以縮

齊侯震而矜之故叛者九國

今從諸家

獨建皇極

成魁瑣

成窮毀

月盈則食或窮

蓋謂此類也

如圓鑿方柄之杙梲也

汗作河

而无害者也

前合而後離也

傷音傑

爲剝

陰赤陽白

陰殷白陽

吡化也

萌赤牙白者也

吉之先見者也

或躍以縮

齊桓公振而矜之諸侯叛者九國

今從諸家本

獨建皇極

成魁鎖

成窮以毀

月盈則蝕成窮

蓋字衍

如圓鑿方柄杙梲不安

汗作污

者字衍

而字衍

傷作傑

爲剝落

陰陽啓昏

陰殷陽白

昏化也

者字衍

吉凶之先見者也

三 三十 十 注 住神

三 三十 十一 正文 徵失

三 三十 十二 正文 不知畏徵也

三 三十 十二 注 藐猶遠小也

三 三十一 三 注 不能修德

三 三十一 四 注 百姓罷其

生神

徵失

不知畏徵也

藐字衍

不修其德

百姓罷極

鈔本西域遺聞跋

此書二册不分卷。題歸安陳克繩衡北纂輯。前有分巡松茂道張之浚序。首西藏事跡。次疆域。次佛氏。次政教。次風俗。次物產。次屬番。次與國。次鄰番。次巴裏。次塘。次建昌鎮道統轄官長。據張序言。衡北任蜀之保縣。旋擢茂州牧。打箭爐廳同知。金川之役。身在兵間。任轉輸之事。故据其耳聞目見。著為此書。視他人專按圖籍者。較為詳核。余獲此帙於武林坊肆。殆近二十載。故人吳松鄰。曾假閱一過。縱輿授梓。旋以卷中訛文奪字。校訂為難。遂爾中輟。昨歲偶訪吳寄荃同年。語及研攷藏衛邊事。已數十年。積稿盈尺。因取茲編。屬為校核。頃撰成提要。持以見過。並就行間改其譌謬。補其缺失。叢榛積莽。為之一清。異時重為繕錄。据以入梓。使前人撰述辛勤之力。不致泯沒於蟲蠹之中。則寄荃之惠我實多矣。茲取提要刊列左方。而張序亦附著於後。庶覽者得以通貫其原委焉。甲戌四月六日。時將南游衡岳。倚裝書此。藏國老人記。

吳君寄荃跋錄左

西域遺聞二册。歸安陳克繩衡北纂輯。舊寫本。前有分巡松茂道張之浚序。首西藏事跡。次疆域。次佛氏。次政教。次風俗。次物產。次屬番。次與國。次隣番。次裏巴。次塘。次建昌道統轄土司。共十一門。其所載事跡。內如準會納兵始末。大兵進藏等事。皆紀岳威信公語。殆當時身參戎幕。故特詳於他書。政教所釋衛藏之義。縱橫之義。均為他書所未詳。亦有

略而不詳者。如風俗物產內。所載婦女見喇嘛。及卦卜等。不及西藏圖識之明瞭。扎不扎雅延壽果鹽酒。不及竺國紀游。山川源流。亦不同。西藏圖考。見聞異辭。固史家舊例也。屬番內所載桑駝駱駝海產白鹽。蔽民資之以食。科爾喀兩次。用師。實因鹽滲沙土之細故。釀成絕大風波。而平定巴勒布。紀略。平定廓爾喀。方略。均未提及。是書獨載產鹽之區。尤見詳人所略。與國隣番。大抵採自明史各書。而大宛與火州二則。述紀中丞王游戎語。紀名賦。爲四川巡撫及駐藏大臣。王游戎官塔較小。未詳其名。無從考證。要一身仕邊陲者。其言信而可徵也。疆域內所載密靜山頂立界。爲世宗實錄所刪。僅記巴裏二塘稅入賞給。遠賴喇嘛一事。黃沛翹西藏圖考。載劃界事。諒宗是書。近時英人爲中藏劃界力持此議。昌都等處。日尋干戈。未始不由此厲階。甚矣紀述之不可不慎也。又考湖州府志。進士表。陳克繩。字希范。已酉舉人。雍正十一年進士。今官保縣知縣。時保縣未改川蓋府志採訪時。其人尙爲大令。而張序則云。由保縣擢茂州牧。題補打箭爐同知。出守嘉定。分巡川東。溯其一生官迹。在川邊爲久。值金川蠢動。膺飛輓重任。而兩金川方略。絕無其名。王昶查禮同辦軍需事。而春融堂隨筆。亦無往還。豈官卑職小。與迨後洊升府道。推稅夔關。或出王師奏凱之剡章。是書爲推稅時所手輯。晚年追述舊聞。皆所身歷之途。目擊之事。非向壁虛造東塗西抹者。所能望其項背。亟宜付梓。以廣流傳。惜有亥豕魯魚。脫落費解之語。自是傳抄之訛。若按各書校正之。則不致以訛傳訛矣。

西域遺聞序

歸安陳君衡北。以名進士初任。特調蜀之保縣。考一統志。保邑爲西川緊望。松潘金川咽喉要道。土司苗蠻雜處。必英明強幹。始能附衆威敵。撫綏得宜。陳君至。則宜播朝廷德意。安撫苗夷。馴如赤子。曾單騎入重地。息兵和衆。民賴以安。旋擢茂州牧。時金川動軍。文書旁午。全蜀騷然。川陝總督班公。督師闕外。知君有幹濟才。由茂州牧題補打箭爐同知。留軍營任事。陳君膺飛輓重任。出入於羊腸鳥道叢林密管中。間關千餘里。以達軍前。不爽時刻。士飽馬騰。王師奏凱。報最爲西川第一。嗣後出守嘉定。分巡川東。推稅夔關。所至皆以能稱。益信聖天子之知人善任也。余承乏西川。與君周旋最久。會啣命入都。道出夔關。酒闌燭炮。追述舊遊。因出手輯西蜀遺聞二冊。曰。此余轉饑時所身歷之途。目擊之

事。于風巒雪虐中。呵凍手錄者。惟君其教之。予反覆玩味。見其詳事蹟。分疆域。溯釋氏之源流。定正教之約束。以及風俗物產。詳悉具備。至于各土司之承襲強弱。番屬與國之和同仇隙。聚米畫沙。瞭如指掌。余因慨然曰。君之輯是書也。通曉夷情。熟諳道里。俾後之官斯土者。得之可以控馭撫輯。邊方享磐石之安。民人免供億之役。且使諸土番無不震攝天威。來王來享。其有裨于政治。豈淺鮮哉。古人曰。思報國恩。惟有文章。是編洵不愧矣。君爲吳興望族。其先世大廷尉。諡簡肅公。水清玉潔。爲前朝名臣。君由選拔起家。以五經領已西鄉薦。與予爲同年友。予知是書。皆得之親歷。可備國史採擇。傳西域者。得所考證。是亦懷遠招携之助也。因授筆而爲之序。賜進士出身四川分巡松茂道年峇弟張之浚拜撰。

明鈔雲臺編跋

雲臺編三卷。唐都官郎中鄭谷著。明人寫本。綿紙藍格。半葉九行。每行二十字。卷首自序。次目錄。書籤爲金冬心手翰。全書經何義門先生校勘批點。朱筆燦然。古香異采。溢於函帙。義門所校。乃據明嘉靖乙未袁那刻本。又以宋本次第不同者。注於闕上。然余曾見蜀刻鄭守愚集。取席刻勘正一通。其次第與義門所引宋本皆不合。知何氏經眼者。乃別一宋刊也。而席刻次第。又與此明鈔差異。是鄭氏之詩。一時。乃有四本。類次咸不相同。其先後傳衍之緒。竟莫由攷訂。殊足異矣。

余之得此書也。在壬子三月之杪。自辛亥十月。奉袁內閣命。隨唐少川赴上海。參與和議。因而留滯南中者。半年不歸。逮至三月。孫黃同唐氏北上。時局底定。始定歸計。携僕登新銘海舶。布署粗定。方引枕欲臥。忽書友陳韞山來舟次。言新自金陵吳門歸。所獲殊夥。欲邀至寓所一觀。余詢之舟人。云啓棹尙有三四時。遂隨之而往。至則盡發其篋。檢取明翻宋本春秋經傳集解等十數種。而是書爲之冠。評價既定。抱書疾走。抵埠四顧。則船影渺然。蓋鼓輪東發久矣。不得已折回客邸。訪孫君蔭庭。貸資斧。假衣衾。守候四日。乃重買舟旋津。今檢書及此。聊述其事。知余年少氣盛。嗜好專篤。聞有異書。如蟻之集。如蠶之赴。火繲歷艱。難挫折。而曾不少恤。今老矣。雖雅尙猶存。而豪情已減。無復昔年壯往之

概。迴溯。舊游。宛如。夢境。此。買。書。失。舟。一。段。故。事。聊。取。附。卷。尾。留。爲。後。人。之。雅。談。而。已。甲。戌。三。月。十。九。日。藏。園。兩。窗。書。

卷中有約菴居士、臣恩復、秦伯敦、石研齋、秦氏藏印、諸印記、約菴疑爲何氏印、原跋錄左、

嘉靖乙未、袁郡有雲臺編刻本、嚴介濬爲序、云得之故少傅王文恪公、公本錄自秘閣、蓋出於宋刻也、蔣生子遵

所收葉丈九來家書中有之、借校一過、康熙辛卯春日、焯記、

校宋寫本楊太后宮詞跋

宋楊太后宮詞五十首。毛氏綠君亭刊本。後彙入詩詞雜俎中。附有潛夫跋語。子晉亦識其末。謂友人所寄少室山人一手訂秘本。因與宣和詞合梓之。然其原本。後人固未之見也。嗣雲間古倪園沈氏覆刻之。言借士禮居本翻行。楮墨精麗。爲世寶貴。頃檢篋藏得影宋人寫本一帙。乃友人翟良士所貽。蓋良士近歲於吳門。收得刻板十二番。重爲脩治印行者。其板不審爲何時何人所梓。然筆意樸拙。雅近熾煌。經卷要出宋人手蹟無疑。因發興取綠君亭本校讀一通。其字句乃頗有歧異。如比使寫本作北使。第一亭臺作庭臺。十一瑤觥作搖觥。□午月作娟娟西月。十九爭爲作曾爲。二十紫殿作紫燕。二十一宸裏作宸衷。二十七背打作背作。三十三小除作小池。四十七其字或爲傳誤。或可兩通。猶可言也。最異者如第十九首。管絃聲韻一齊喧。毛本作宛轉餘音出紫垣。四十三首。個個爭先獻壽杯。毛本作人人爭獻萬年杯。四十八首。一朝紅堊□新甍。毛本作將見紅葩門新甍。意近而詞迥不同。殊難索解。旣而詳諷之。乃悟各句。晉節與全首相拗。毛氏必爲調叶聲調之故。從而更易之。可謂勇於奮筆。悍然不顧者矣。又第四十六首。小小宮娥近水居。嬌眉秀額映清渠。其嬌眉秀額。所以狀宮娥之韶麗。毛氏乃改爲雕欄綉額。則指所居之地而言。風趣索然。寧不貽點。金成鐵之謂耶。夫汲古刊書。久稱世業。咸推善本。且又親見宋人原帙。乃輒逞私臆。輕改古書。竟訛失至此。則其他之梨棗紛綸。連車塞棟者。又豈堪盡信耶。沈刻附有校記。上舉訛異各條。咸在其列。而標云宋校。是竹垞固曾見此本矣。惜沈氏未能詳述原委。致令後人無由攷見得失。余故臆陳竄改之故。披示本來面目。以存其真。非敢翹前人之失。以自矜也。甲戌五月望日記於藏園。

宋本武經龜鑑跋

端午翊日劉文翰臣自淮南來持武經龜鑑一册相示存卷九虛實類凡五葉半葉十二行每行二十二字白口左右雙闌版心刊工存李詢及文憲二字驚弦二字缺筆余亦藏有殘葉爲卷第十八九地類正與此同

按此書爲保平軍節度使王彥撰其書以孫子十三篇爲主而用歷代事證之始見於陳氏書錄解題其後馬端臨撰經籍考即據陳氏說以著於錄余更攷之王氏玉海兵法類言書凡二十卷爲王彥所上自始計至用隆興二年五月辛丑御製序乾道三年二月十六日賜將帥今卷首不存孝宗序已無從考見然就此殘葉觀之其版式寬展結體方嚴必爲官刊之本當即乾道中初取以頒賜諸路者溯賜序至頒書相距祇二年餘未必重付雕鐫也又按王彥字子才上黨人宋史有傳以義勇從軍初隸張所部旋屬東京宗留守張浚撫川陝奏爲前軍統制改金均房州安撫使知金州進授保康軍承宣使歷知荆南府襄陽府充京西南路安撫使浙西淮海沿海制置副使再除洪州觀察使知邵州紹興九年卒於官是此書之上當在九年以前逮孝宗製序頒行時彥卒已二十餘年矣彥少喜韜略夙著戰功歷典方州號爲名將其纂輯此書與夫紙上空談侈述毀鈴者固良有間則孝宗之特留睿賞其亦有聞鼓聲而思將帥之意乎夫孝宗嗣位之始固嘗銳意恢復矣隆興初元即幸教場躬勞戍軍內中校閱歲數數舉射鐵盆射鐵籠時加賞賚乾道二年辛白石四年辛茅灘舉行大閱整軍經武將奮厲以圖強故特取先朝名將撰述親製奎章布之諸路同時於參政蔣芾所進籌邊圖志亦有如指諸掌之褒考孝宗倚用張浚誓雪仇耻而兵敗符離國力大耗及乾道初元與金人通和江淮晏安而九重之上獨深儆戒勸以備不虞日不遑給是知臥薪嘗膽必具智深勇沉以堅其志彼倡言復仇而日事叫呼狂走動以十萬橫磨劍相懾徒偵張一時之意氣者觀此可懼然悟矣甲戌五月初十日藏國老人書時游衡岳匡廬歸已十日矣

頃閱宋史全文續資治通鑑卷三十四乾道三年二月乙酉詔降下武經龜鑑孫子令密院差使臣一員給賜鎮江都統戚方建康都統劉源仍令選擇兵官各賜一部此與玉海所載正合而又加詳焉爰補誌於後足爲此書增一佳證也